

MISCELLANEVM GEOMETRICVM

In Quatuor partes Diuisum.

In quarum prima, agitur de mensura, & centro grauitatis quorundam solidorum à Geometria nondum consideratorum.

In secunda, de centrīs aequilibrij in basibus, & grauitatis in altitudinibus quamplurimum truncorum cylindricorum diagonaliter resectorum.

In tertia, tanguntur quaedam circa centra grauitatis superficierum curuarum; assignaturque centrum grauitatis cuiuscunque portionis superficiei sphaericae.

In quarta verò, assignantur maxima inscriptibilia in infinitis trilincis, & in infinitis conicis ex ipsis reuolutis tam circa axim, quam circa basim.

AUTHORE

F. STEPHANO DE ANGELIS
VENETO,

*Ordinis Iesuatorum S. HIERONYMI, in Veneta Prouincia
Definitore Prouinciali.*



VENETIIS, MDCLX.

Apud Ioannem La Nou.

SUPERIORVM PERMISSV.



Illustrissimo atque Excellentissimo Equiti
PETRO BASADONNA

Ad Sanctissimum D. N.

ALEXANDRVM VII.
P. O. M.

VENETO ORATORI.

F. STEPHANVS ANGELI VENETVS
Ord. Iesuatorum S. Hieronymi, ac in Prouincia
Veneta Prouincialis Definitor.

Faustissimam Perennitatem.



A erga me, Illustrissime, atque Excel-
lentissime Eques, ac Senator, extitere
semper, hodieque sunt humanissima be-
neficentiae Tuae promerita, ut recensere
eadem qui debet, non epistolam ille, non
librum, sed bibliothecam penè conficiat
necesse sit. Neque unus ego, qui arcana animi conscientia,
grataq; potius memoria quid tot tantisque beneficijs debeam

a 2 taci

Wyższa Szkoła Pedagogiczna
w Bydgoszczy
Biblioteka Główna

5762


tacitus fateor, sed uniuersa Iesuatica Religionis Familia de tuo Maximorum Heroum patrocinio, ac splendidissima liberalitate usque adeo sibi gratulatur, ac gemit in sinu, ut si mei Parens, eaq; amantissima, vestri certe addictissima, atq; obsequentissima Filia nuncupari ab omnibus merito possit. Verum hic statim Illustrissimam Excellentiam Tuam preferre abscessissimè subeor; cuius ingens animi moderatio, nulloque illita fucio Virtus propriarum silentium imperat laudum; quin nec satis encomio eam cumulat Hispaniarum Regia, facundissimum Venetæ Republicæ Oratorem Petrum Basadonna excipiens; Brixiana Prætura ferreæ inter regionis viscera aureis eundem exhibens moribus comendatissimum; Venetus Sexuitorum, seu Maguorum Sapientum consessus verè Petrum, hoc est, rerum publicarum firmissimum Columnen unice complexus; Primus à Principe locus prudentissimum efferens Consiliarium; Roma demum aurea, ut olim erat in Bersi ore, Legatum eloquentissimum lingua quamprimum admiratura. At verò Basadonnæ in nos cunctos Familiæ beneficentiam, qui omnem ultra extulit metam, Ioannem Excellentie Tue fortunatissimum Patruum inscitissimè iuxta, atq; ingratisimè ommitterem, qui difficiliore Dominij Urbis vigilantissimus Reçtor, omnia penè Senatus munia quotidianis repetens Purpuris cunctos attigit, quibus sit inhiandum potiores Gloriæ titulos. Num porrò infinitam erga Excellentiam Tuam debitorum meorum enumerationem eximie concluderint Illustrissimi & Excellentissimi D. D. Hieronymus, Ioannes, & Antonius Fratrum tuorum felicissima Trias, qui aureo Fraternali Equitatus ornamento

Sena-

Senatorias Purpuras sociantes, quatuor veluti domestica Gloria rotis Adriatica Curram felicitatis in triumphum agunt. His omnibus qualiscumq; huiusce opelle nuncupatione, & mei, & Religionis totius obseruantiam, ac nunquam intermorituram recordationem testatissimam volo; Tue autem potissimum Excellentie; cui cum multis alijs, tum hoc præcipuè nomine inscribi, dicarique Matheseos opus par erat, ut non nisi Quadratissimi, omniumque disciplinarum calientissimi Herois manibus tereretur. Excipe illud ergo, Eques Excellentissime, qua omnia soles, suauissima fronte: nec dedignare munus, quod si à Mathematicis circulis perfectionem nullam, grati certè animi, obsequijque ab iisdem æternitatem pollicetur. Nimirum benignissima Patrocinijs umbra illustratum ab omni ipsum teget discrimine Petrus Basadonna, qui ut Donorum omnium, ita & libelli huiusce, ut supplex deprecor, erit solidissima Basis. Valeas sublimioribus Purpuris, amenioribus Musis, Patriæque Serenissimæ meliori Æuo. Iterum Valeas.



LE-



LECTORI BENEVOLO.



Quid stupescas fortasse Lector, seriem, progressumque nostrarum elucubrationum mente obuoluendo. Breui etenim mensium interuallo tres libellos euulgauimus: nimirum, *De Infinitis Parabolis &c; Miscellaneum Hyperbolicum, & Parabolicum; Et Miscellaneum præsens*; doctrinas enucleantes, quæ vnico potuissent volumine comprehendendi. Ità esse liberè fatemur, ac sic euenisset, si tamen omnia nobis eodem occurrissent tempore. Verùm successiuè nugæ hæc geometricas contemplati fuimus; vicibus ergo diuersis tibi ipsas communicauimus. Excipe eas, & forsan, (dummodò rebus geometricis delecteris) non futilem ex eis capies voluptatem.

Sed

Sed amabò leuiter geometria imbutus noli ad illarum lectionem accedere: cuiuscunque namque indolis extent, lectores res geometricas peroptimè callentes requirunt, non verò qui geometriam vix à limine salutarint. Si vtilitatem sordidam quæris, ab ipsis abstine: quandoque in rebus geometricis, ac sublimibus honestum, delectabile, & vtile decorosum fulgent equidem, ast vtile turpe locum non obtinet. Alia expecta. Vale.



Not

Noi Reformatori dello Studio di Padoa.

HAuendo offeruato per fede del P. Inquisitore non esserui nel Libro intitolato *Miscellaneum Geometricum* del Pad. F. Stefano de Angelis cosa contro la Santa Fede, e parimente per attestato dal Segretario nostro niente contro Principi, ò buoni costumi, concedemo licenza, che possi essere stampato, douendo offeruarsi gl'ordini, & esserne presentate due copie per le presente Librerie di Padoa, e di questa Città.

Dat. dal Magist. nostro li 21. Marzo 1660.

Zuane Donado Ref.
Nicolo Capello Ref.

Alemante Angelo Donini Segr.

Facultas Reuerendissimi Patris Generalis.

Laudetur Iesus Christus.

Opus inscriptum, *Miscellaneum Geometricum*. compositum ab Admodum Reuer. P. Stephano de Angelis Veneto Professo Nostri Ordinis Iesuatorum, ac in Prouincia Veneta Definitore, concedimus Typis demandari, dummodo habeat necessarias licentias, & approbationes, quę de iure sunt necessarię &c. In quorum fidem presentes manu propria subscripsimus, ac proprio Nostri Officij sigillo munimus.

Datum Brixie in Nostro Monasterio Corporis Christi, die 26. Ianuarij 1660.

Fr. Antonius Nouellus Gen. Iesuat.

Locus Sigilli.

MI.



**MISCELLANEI
GEOMETRICI,**

PARS PRIMA.

*IN QVA PRÆCIPVE AGITVR
de mensura, & centro grauitatis quorundam
solidorum à Geometria nondum
consideratorum.*

PROPOSITIO PRIMA.

*Si quodlibet solidum rotundum circa axim, secetur plano
equidistanter axi, erecto figura genitrici solidi. Annu-
lus latus ex reuolutione partis figura genitricis, abscissa à
plano secante, nec terminata ad axim, circa axim, erit
equalis solido rotundo, orto ex dimidia figura, genita à
plano secante, reuoluta circa communem sectionem plani
secantis, & figura genitricis solidi; hoc tam secundum
totum, quam secundum partes proportionales.*


Præsens propositio desumitur ex Torricellio in
Appendice de dimensione cochleæ, lem. pri. Esto
ergo solidum quodlibet rotundum ABC, circa
A axim

axim BD , quod intelligatur sectum plano EFH , æquidistanter axi BD , & erecto ad figuram generatricem ABD ; & intelligamus semifiguram GFH , rotari circa FG , ac genitum esse solidum EFH . Dico hoc, æquale esse annulo lato, orto ex AFG , reuoluta circa BD ; & hoc tam secundum totum, quam secundum partes proportionales. In FG , sumatur arbitrarie, punctum I , per quod & per puncta K, N, M , intelligatur transire aliud planum, plano AEC , parallelum. Ergo hoc erit circulus, ac proinde, puncta K, N, M , erunt in semicirculi periphæria, cuius diameter est kM . Erit ergo quadratum IN , æquale rectangulo KIM . Pariterque, armilla circularis kIM , genita ex reuolutione kI , circa OD , erit æqualis circulo, cuius semidiameter IN , nempe circulo factò in solido EFH , à plano secante. Sed hoc verum erit, vbicunque fuerit acceptum punctum I . Ergo omnes armillæ simul solidi ex AFG , circa BD , æquales erunt omnibus circulis solidi EFH . Ergo solidum erit æquale solido ipso. Quod vero ostensum est de totis solidis, patet, eodem modo, verificari de partibus proportionalibus; v. g. de partibus interceptis inter plana kNM, AEC . Quare patet propositum.

SCHOLIUM I.

Supradicta propositio, in tali vniuersalitate proposita,


posita, non videtur probationem recipere posse, nisi incomparabili methodo indiuisibilium. In solidis vero particularibus, etiam infinitis, & quidem infinitis modis diuersificatis, poterit comprobari methodo antiquorum per inscriptionem tuborum cylindricorum in annulo, & cylindrorum in solido. Hæc vtique expertis geometris nimis sunt obuia; quare ad alia transeamus. Sed ante cætera præmittamus



discursum circa Galilei paradoxum, quod habet in postremis dialogis pag. apud nos, 28, vbi nititur probare circuli circumferentiam æqualem fore puncto. De quo paradoxo, verba fecimus & nos in pluribus locis tractatum illorum, quos euulgauimus; in quibus

bus vestigia Galilei sequentes, ac dumtaxat solida variantes, idem sequi, discurrebamus. At in scholio 2. proposit. 30. Miscellanei nostri hyperbolici, & parabolici, manifestauimus discursum Galilei, & consequenter nostros, haud geometricos fore, sed physicos solummodo. Visum fuit amico nostro de geometria benemerito, nos rigorosè nimis Galileum obiurgasse, adhibendo verba paralogismi, ac erronei discursus, vt loco citato licet intueri. Quare testamur Deum, nunquam nostrum intentum exitisse, Galileum maledictis laceffere, sed illum semper venerari summopere. Sed ad paradoxum redeuntes, innumera sunt solida, quæ Galileo inseruire poterant, pro suo paradoxo confirmando. Etenim, si quodlibet solidum rotundum ABC , præsentis propositionis, in alteram partem deficiens, & ad punctum B , terminans, cuius infinitæ propemodum possunt species reperiri, secetur, vt dictum est, & fiant, quæ supra paradoxum probabitur. Cum enim probatum sit, armillam circularem kIM , æqualem fore circulo, cuius semidiameter IN , & cum annulus ex AFG , circa BD , desinat in circumferentiam descriptam à puncto F , moto circa BD , & solidum EFH , desinat in F ; patebit iuxta Galilei discursum, illam circumferentiam æqualem fore puncto F . Imo, patebit id, quod minimè patuit, nec in Galilei discursu, nec in nostris aliis habitis. Semper enim vertex solidi, qui ostendebatur æqualis circumferentiæ, erat quid diuersum ab ipsa

circum-



circumferentia, nam semper erat centrum ipsius; at in præsentia, F , vertex solidi EFH , videtur idem esse cum F , puncto, à quo describitur circumferentia circa BD , sibi ipsi æqualis. Quare videtur concludendum, vnicum punctum circumferentiæ, æquale fore toti circumferentiæ. Sed quæso non allucinetur lector, quin attentè consideret, physicè loquendo, illa puncta F , diuersissima esse ab inuicem. Nam F , prout est vertex physicus solidi EFH , occupat geometricè corpusculum quodam ipsius, cuius vna medietas vergit in cauam partem annuli, nec circumferentiam à puncto F , circa BD , descriptam, ingreditur. His per transennam veluti,

expli.

explicatis, progrediamur ad finem principaliter intentum.

SCHOLIUM II.

In præfenti ergo propositione, ostensa fuit æqualitas, inter annulum latum ex AFG , circa BD , & inter solidum rotundum EFH , non solum secundum totum, verum etiam secundum partes proportionales. Attentè autem consideranti doctrinam traditam in nostro lib. 4. de Infinitis Parabolis, passimque adhibitam in nostro Miscellaneo Hyperbolico, &c. facile innotescet, solida prædicta, esse quantitates proportionaliter analogas, tam in magnitudine, quam in gravitate, tam secundum totum, quam secundum partes proportionales. Quare etiam palam ei fiet ex proposit. 13. lib. 4. centra gravitatis horum solidorum, eodem pacto secare OD , FG . (supposita OD , æquali FG) Dato ergo centro gravitatis alterius horum solidorum, statim elicietur centrum gravitatis etiam alterius, & hoc semper.

SCHOLIUM III.

Sed non minus est attentè consideranda, ac memoriæ commendanda sequens doctrina. Figuræ $AFOD$, intelligamus circumscriptum rectangulum TD , sicuti figuræ AFG , sit circumscriptum rectan-

rectangulum TG , intelligamusque hæc rectangula rotari circa OD . Patet manifestè, ex rotatione rectanguli TD , genitum esse cylindrum TC , ex rotatione verò rectanguli TG , generari tubum cylindricum TGZ ; si ergo intellexerimus planum EFH , prius ductum, ac secans solidum ABC , extendi hinc inde, vsque dum secet cylindrum, (quod tamen schemate non exprimimus, ad evitandam confusionem) patebit planum secans talem cylindrum, esse parallelogrammum circumscriptum figuræ EFH , ac ex rotatione ipsius dimidij circa FG , genitum esse cylindrum stringentem solidum itidem EFH . Iste cylindrus circumscriptus, vigore præfentis propositionis, æquatur tubo cylindrico TGZ , tam secundum totum, quam secundum partes proportionales. Cum ergo etiam annulus latus ex AFG , circa BD , sit æqualis solido rotundo EFH ; sequitur, quam proportionem habet tubus cylindricus TGZ , ad annulum ex AFG , circa BD , eandem habere cylindrum stringentem solidum EFH , ad ipsum. Data ergo ratione, vel tubi cylindrici, ad annulum, vel cylindri ad solidum EFH , quæcunque illa sit, quæ detur, statim habebitur alia ratio data.

Ex doctrina ergo præfenti, maiori, qua nobis licuit, diligentia explicata conabimur in posterum colligere mensuram, & centra gravitatis quorundam solidorum, interque erunt nonnulla, de quibus nallus geometra pertractavit. Porro prius animadver-


tetur,

tetur, nos in hoc opusculo, adducturos citationes nostrorum librorum de infinitis parabolis, miscellanei nostri hyperbolici, & parabolici, & operis presentis. Dum citabimus libros de infinitis parabolis, adducemus tantum propositionem, & librum. V.g. ex propof. 20. lib. pri. Dum citabimus miscellaneum, dicemus ex propositione tali miscellanei. v. g. ex propofit. 20. miscel. Dum denique nominabimus præfens opus, dicemus absolutè ex propositione tali. V.g. ex prop. 20. si erit eiusdem partis, at si erit alterius, hoc etiam exprimemus. V.g. ex prop. 20. pri. part.

PROPOSITIO II.

Si quodlibet conoides parabolicum, cuius exponens sit numerus par, secetur ut in ant. propofit. & annulo illi, sit circumscriptus tubus cylindricus; exponaturque portio parabola cuius axis sit æqualis axi conoidis, & cuius exponens, sit subduplus exponentis conoidis, resecta linea axi parallela, quæ sit æqualis axi annuli, cui etiam sit circumscriptum rectangulum. Tubus cylindricus circumscriptus annulo, erit ad ipsum, ut rectangulum circumscriptum portioni, ad ipsam, tam secundum totum, quam secundum partes proportionales.


Solidum ergo ABC , antecedentis propofit. sit quodlibet conoides parabolicum, cuius exponens sit numerus par, sitque sectum ut supra; & annulo ex portione AFG , circa BD , sit circumscriptus



ptus tubus cylindricus TGZ . Supponamus etiam DBC , nobis representare aliam semiparabolam, cuius numerus exponens sit subduplus exponentis conoidis ABC , quæ semiparabola DBC , sit secta linea QP , parallela axi BD , & æquali OD , axi annuli ex AFG ; sitque ei circumscriptum rectangulum QZ . Affero, tubum cylindricum TGZ , esse ad annulum ex AFG , circa BD , ut rectangulum QZ , ad portionem QPC , tam secundum totum, quam secundum partes proportionales. Sumatur in OD , arbitrariè punctum L , per quod intelligamus in solidis transire planum VX , parallelum basi $AECH$, in planis verò LX , parallelam

lam lineæ DC. Quoniam, in parabola ABC, genitrice conoidis, est ut potestas AD, eiusdem gradus cum conoide, ad similem potestatem FO, sic DB, ad BO; ex natura infinitarum parabolæ explicata in lib. pri. & pariter in alia semiparabola DBC, est ut DB, ad BO, sic potestas DC, eiusdem gradus cum semiparabola, ad similem potestatem OP; ergo & ut in conoide, potestas AD, eiusdem gradus cum ipso, ad similem potestatem FO, sic in semiparabola DBC, potestas DC, eiusdem gradus cum ipsa, ad similem potestatem OP. V.g. si conoides ABC, sit quadratoquadraticum, semiparabola DBC, supponi debet quadratica: ut ergo quadratoquadratum AD, ad quadratoquadratum FO, sic quadratum DC, ad quadratum OP. Cum ergo ex hypothesi, exponens conoidis, supponatur duplus exponentis semiparabolæ, congruenti modo submultiplicando terminos, termini ultimi erunt proportionales; nempe erit ut quadratum AD, ad quadratum FO, seu GD, sic DC, linea, ad lineam OP, seu DQ. Ergo & per conuersionem rationis, & conuertendo, erit rectangulum AGC, ad quadratum AD, ut QC, ad DC. Pariter, non dissimili modo, probabimus, esse quadratum AD, ad quadratum KL, ut DC, ad LM. Quare, cum probatum sit, etiam esse quadratum AD, ad quadratum FO, seu IL, ut DC, ad OP, seu LR; erit etiam & ut quadratum AD, ad differentiam quadratorum KL,

LI,



LI (nempe ad rectangulum KIM) sic DC, ad differentiam ipsarum LM, LR (nempe ad RM). Sed etiam probatum est, rectangulum AGC, esse ad quadratum AD, ut QC, ad CD. Ergo ex æquali, erit rectangulum AGC, seu rectangulum VIX, ad rectangulum KIM, ut QC, seu XR, ad RM. Ergo & ut armilla circularis VIX, ad armillam circulaarem KIM, sic RX, ad RM. Cum verò punctum L, sumptum fuerit arbitrariè, erunt omnes lineæ parallelogrammi QZ, parallelæ QC, ad omnes lineas portionis QPC, itidem parallelas QC, ut omnes armillæ tubi cylindrici TGZ, parallelæ armillæ AGC, ad omnes armillas annuli

ex AFG , circa BD , itidem parallelas AGC .
Et consequenter ut QZ , ad QPC , sic tubus,
ad annulum. Quod &c.

SCHOLIUM I.

Propositio non solum confirmari potest methodo
indivisibilium, sed etiam archimedea; quia in supra-
dictis magnitudinibus, possunt fieri inscriptiones fi-
gurarum, ut mediocriter in geometria versatis, pate-
bit. Sed adnotetur, quod magis interest. Nempe,
in proposit. 15. libri prim. assignatam fuisse rationem,
quam habet parallelogrammum QZ , ad omnem
portionem parabolæ QPC . Quapropter habebi-
mus etiam rationem, quam habet tubus TGZ , ad
prædictum annulum. Particulariùs etiam tenebimus,
quod, cum supposito ABC , conoide parabolico
quadratico, QPC , sit triangulum, cuius duplum
est parallelogrammum QZ ; tenebimus etiam, tu-
bum TGZ , semper, in illo conoide, duplum fore
præfati annuli. Sicuti ergo, cylindrus circumscri-
ptus toti conoidi ABC , parabolico quadratico, est
ipsius duplus, ut constat ex Archimede in lib. de co-
noid. & sphaeroid. prop. 23. & ut nos demonstraui-
mus pluribus vicibus in nostris operibus, præsertim
proposit. 15. lib. 2. sic tubus TGZ circumscriptus
annulo ex qualibet portione minori AFG , servat
talem ordinem, ut sit illi s duplus.

Pariter eliciemus, consequenter ad sæpe sæpius
repetita,

repetita, & in lib. 4. & in miscellaneo, & etiam in
proposit. antec. annulum prædictam, & portionem
 QPC , esse quantitates proportionaliter analogas,
tam in magnitudine, quam in gravitate, tam secun-
dum totum, quam secundum partes proportionales.
Quare, OD , PQ , secabuntur æqualiter, illa à cen-
tro gravitatis annuli, hæc vero à centro æquilibrij
portionis, assignato in PQ , axi BD , parallela.
Cum ergo in proposit. 15. lib. 3. fuerit assignatum cen-
trum æquilibrij in PQ , cuiuslibet portione minoris
cuiuscunque parabolæ, habebimus etiam centrum
gravitatis in OD , prædicti annuli. Particulariùs
itidem, cum supposito ABC , conoide parabolico
quadratico, sit QPC , triangulum; ac proinde, eius
centrum æquilibrij secet QP , v. g. in R , ut PR ,
sit dupla RQ ; sic etiam centrum gravitatis annuli
prædicti, secabit OD , v. g. in L , ut OL , sit
dupla LD . Cum verò, in eadem proportione sece-
tur etiam BD , à centro gravitatis conoidis qua-
dratici ABC , ut ostenditur à multis, & etiam à no-
bis lib. 4. proposit. 14; sequitur, conoides parabolico
quadraticum, & omnes suos annulos, similem
servare tenorem.

SCHOLIUM II.

Sed cum intellecto, ut supra, solido rotundo EFH ,
cum sibi circumscripto cylindro, sit hic ad solidam,
ut tubus TGZ , ad annulum; sequitur nos habere
ratio.

rationem talis cylindri, ad solidum EFH . Et cum solidum EFH , sit proportionaliter analogum cum annulo; sequitur in FG , nos habere centrum gravitatis solidi EFH . Sed particularius in parabola quadratica habebimus, cylindrum, duplum esse solidi EFH ; & FG , sic secari v. g. ab I , centro gravitatis, ut FI , sit dupla IG . Sic autem esse, necesse est; quia EFH , est vera parabola quadratica. Nam, ducta IN , parallela GH , iam probatum fuit, rectangulum AGC , nempe quadratum GH , esse ad rectangulum kIM , nempe ad quadratum IN , ut QC , ad RM ; nempe ut QP , ad PR (quia QPC , est triangulum); nempe ut GF , ad FI . Est ergo EFH , vera parabola quadratica ex primi conici proposit. 20. Quare patet, quod secto conoide parabolico quadratico, plano erecto parabolæ genitrici ABC , & æquidistanter axi; semper sectio EFH , erit parabola quadratica.

Sciscitanti autem, an hoc verificetur etiam in alijs conoidibus, nempe, an & ipsis sectis prædicto modo, sectiones sint parabolæ. Respondebitur negativè. Quod quidem si experietur, facile comperiet. Nobis autem sufficiat, eum remittere ad Apollonium pri. con. proposit. 12. ubi ait, quod si conus, qui est primum conoides, secetur prædicto modo, sectio non erit triangulum, sed hyperbola. Benè quidem infra ostendemus, ad pleniorè scientiam, quod si conoides hyperbolicum sic secetur, sectio erit hyperbola. Et pariter, quod si sphaera, & sphaeroides di-

cto

Comodo secentur, sectiones erunt, in sphaera quidem circulus, in sphaeroide vero ellipsis. Sed ad conoidea parabolica redeamus.

In quibus, non modo ea, quæ dicta sunt, verificantur, sed etiam, quod cum annulus ex AFG , & solidum EFH , sint magnitudines proportionaliter analogæ, tam secundum totum, quam secundum partes proportionales; in conoide parabolico quadratico, traieto plano VX , parallelo AC ; habebimus, & rationem tubi cylindrici VGX , ad portionem annuli, quam includit, & in DL , centrum gravitatis talis portionis annuli. Rationem tubi VGX , ad segmentum annuli, habebimus ex schol. 2. proposit. 15. lib. 2. centrum vero gravitatis, habebimus ex schol. proposit. 15. lib. 4. Colligemus enim ex dicto scholio, tale centrum, sic secare IG , ut pars ad I , terminata, sit ad partem terminatam ad G , ut duplum rectangulum AGC , cum rectangulo kIM , ad rectangulum duplum kIM , cum rectangulo AGC .

Imo colligemus ex eodem scholio, tale centrum gravitatis, sic secare mediam tertiam partem IG , ut pars propinquior I , sit ad partem G , proximiorè, ut rectangulum AGC , ad rectangulum kIM .

SCHOLIUM III.


Rationem tubi TGZ , ad annulum ex portione AFG , circa BD , & consequenter cylindri ad solidum EFH , quod includit, possumus habere ex alijs à nobis

à nobis dictis, alio modo, & quidem vniuersaliter in quocunque conoide parabolico. Nam, cum ex hypothefi, dentur tam AD , quam FO , seu GD , facile etiam patebit, dari rationem rectanguli AGC , ad quadratum AD ; nempe armillæ AGC , ad circulum AEC ; nempe tubi TGZ , ad cylindrum TC . Cum verò ex schol. 2. proposit. 15. lib. 2. detur etiam ratio cylindri TC , ad segmentum conoidale AFC ; dabitur etiam ex æquali, ratio tubi TGZ , ad segmentum AFC . Sed & tubi ad cylindrum FQ . Ergo & tubi ad annulum.

Item ex schol. proposit. 15. lib. 4. facile eliciemus, alio modo, centrum gravitatis annuli prædicti, sed cuius exponens sit numerus par. Nam, ex dicto scholio, habetur centrum frusti conoidalis AFC . Habetur etiam centrum cylindri FQ . Ratio annuli ad cylindrum FQ , non ignoratur. Ergo habebitur centrum prædicti annuli.

PROPOSITIO III.

Si recta AB , sit secta in punctis C, D . Rectangulum sub composita ex AB , & ex CD , & sub BD , erit excessus rectanguli ABC , supra rectangulum ADC .



Nam rectangulum ABC , diuiditur in rectangulum ABD , & in rectangulum AB, CD .

Item


Item rectangulum AB, CD , diuiditur in rectangula ADC, CDB . Ergo excessus rectanguli ABC , supra rectangulum ADC , erunt rectangula ABD, CDB ; nempe rectangulum sub composita ex AB, CD , & ex DB . Quod &c.

PROPOSITIO IV.

Si conoides hyperbolicum secetur ut in antecedentibus propositionibus. Sectio semper erit hyperbola, cuius latus transversum, erit composita ex latere transuerso conoidis, & ex duplo excessu diametri conoidis, supra diametrum sectionis.

Esto conoides hyperbolicum ABC , cuius axis BD , latus transversum HB , & conoides sit sectum plano FE , æquidistanter axi BD , & ad hyperbolam genitricem ABC , erecto, sitque huius plani secantis, EO , axis, & sit linea KE , æqualis compositæ ex HB , & ex dupla BL , excessu BD , supra EO . Dico figuram FE , esse hyperbolam, cuius latus transversum KE . Ducatur in hyperbola ABC , genitrice conoidis, ELS , parallela AC , & sumpto in EO , arbitrariè puncto N , ducantur MNR , parallela AD , & NQ , parallela OG . Quoniam ex prim. conic. prop. 21. est quadratum AD , ad quadratum EL , seu OD , vt rectangulum HDB , ad rectangulum HLB ; ergo & per conuersionem rationis, & conuertendo, erit rectangulum

$C \quad AOC.$




AOC, ad quadratum AD, vt excessus rectanguli HDB, supra rectangulum HLB, ad rectangulum HDB; nempe ex proposit. antec. vt rectangulum sub composita ex HD, & ex BL, & sub LD (nempe rectangulum KOE) ad rectangulum HDB. Rursum, est quadratum AD, ad quadratum MP, vt rectangulum HDB, ad rectangulum HPB: sed erat etiam quadratum AD, ad quadratum FL, seu NP, vt rectangulum HDB, ad rectangulum HLB; ergo

ergo erit idem quadratum AD, ad differentiam quadratorum MP, PN, nempe a rectangulum MNR, vt rectangulum HDB, ad differentiam rectangulorum, HPB, HLB; nempe ex proposit. anteced. ad rectangulum sub composita ex HP, BL, & sub PL; nempe ad rectangulum kNE. Quare ex æquali, erit rectangulum AOC, nempe quadratum OG, ad rectangulum MNR, nempe ad quadratum NQ, vt rectangulum kOE, ad rectangulum KNE. Sed punctum N, sumptum fuit arbitrariè; ergo FEG, erit vera hyperbola, cuius latus transuersum kE. Quod erat ostendendum.

SCHOLIUM I.

Ex figura intelligamus fieri conoides hyperbolicum FEG, & mente concipiamus ipsi circumscriptum esse suum cylindrum, sicuti annulo ex AEO, circa BD, suum tubum cylindricum. Patebit ex supra dictis, tubum ad annulum, & cylindrum ad conoides, habere eandem rationem. Quare ex proposit. 5. 7. & 11. miscell. patebit, tubum cylindricum, esse ad annulum, vt KO, ad dimidiam KE, vna cum tertia parte EO.

Insuper ex superioribus patebit, annulum, & conoides FEG, esse quantitates proportionaliter analogas, tam in magnitudine, quam in grauitate, tam secundum totum, quam secundum partes proportionales. Patebit ergo etiam centrum grauitatis annu-



li in LD . Hoc autem, vel ex *proposit. 13. miscell.* ita diuidet duodecimam partem LD , ordine quartam à D , vt pars propinquior D , sit ad reliquam, vt dimidia kE , ad tertiam partem EO , seu LD . Vel ex *propof. 14. eiusdem miscell.* ita diuidet quartam partem LD , ordine secundam à D , vt pars propinquior D , sit ad reliquam, vt sexta pars kE , ad tertiam partem kO . Vel tandem ex *proposit. 44. eiusdem operis*, ita diuidit LD , vt pars terminata ad

ad L , sit ad reliquam, vt kE , cum subsefquitertia EO , seu LD , ad dimidiam kE , cum quarta parte LD .

SCHOLIUM II.

Sed cum prædictus annulus, & solidum FEG , sint quantitates proportionaliter analogæ, non tantum secundum totum, sed etiam secundum partes proportionales; sequitur, partem annuli ortam v. g. ex rotatione figuræ $AMNO$, circa BD , esse proportionaliter analogam cum parte solidi ortam ex rotatione $ONQG$, circa EO . Pars ergo tubi cylindrici circumscripti parti annuli ex figura $AMNO$, erit ad ipsum, vt cylindrus circumscriptus frusto conoidi ex $ONQG$, ad ipsum. Ex *proposit. ergo 15. miscell.* erit prædicta pars tubi cylindrici, ad prædictam partem annuli, vt rectangulum KOE , ad rectangulum kO, EN , vna cum rectangulo sub composita ex dimidia kE , & ex tertia parte ON , & sub tertia parte ON . Item ex *proposit. 17. cit. miscell.* habebimus in PD , centrum grauitatis frusti annuli ex segmento $AMNO$, circa BD .


PROPOSITIO V.

Si sphaera, & spheroides secentur vt in antecedentibus propositionibus. Sectiones erunt vel circulus, vel ellipsis.

Esto

Est sphaera, & sphaeroides, quorum axes BD, figurae genitricis ABCD, centrum E, & haec solida sint secta plano HGKF, ut supra. Dico planum HGKF, esse vel circulum, vel ellipsem. Secetur GF, bifariam in O, & per puncta O, E, ducatur axis coniugata AEOC, à puncto vero O, excitetur in semifigura GkF, linea Ok, normalis GF, sumptoque in GF, quolibet puncto N, ducantur LMNQ, NP, parallelae AC, Ok; item per puncta G, F, ducantur SRG, TVF, parallelae AC. Quoniam ex hypothesi, ABCD, est vel circulus, vel ellipsis, ergo ex prim. conic. propof. 21. erit quadratum EC, ad quadratum RG, seu EO, ut rectangulum DEB, ad rectangulum DRB. Et per conuersionem rationis, & conuertendo, erit rectangulum AOC, ad quadratum EC, ut quadratum RE, ad rectangulum DEB. Rursum, propter eandem rationem, est & ut quadratum EC, ad quadratum MQ, sic rectangulum DEB, ad rectangulum DMB; & erat ut quadratum EC, ad quadratum RG, seu MN, sic rectangulum DEB, ad rectangulum DRB; ergo erit etiam ut quadratum EC, ad differentiam quadratorum MQ, MN, nempe ad rectangulum LNQ, sic rectangulum DEB, ad differentiam rectangulorum DMB, DRB, nempe ad rectangulum VMR (rectangulum enim DMB, diuiditur in rectangula DM, RB; DMR; & rectangulum DMR, diuiditur in rectangula VMR; & DV, MR, seu BRM; quod cum

BR,



BR, MD, facit BRD). Porro supra probatum fuit, rectangulum AOC, esse ad quadratum EC, ut quadratum RE, ad rectangulum DRB. Ergo ex aequali, erit ut rectangulum AOC, ad rectangulum LNQ, sic quadratum RE, seu rectangulum REV, ad rectangulum VMR. Sed quadratum Ok, est aequale rectangulo AOC, sicuti quadratum NP, aequatur rectangulo LNQ. Ergo & ut rectangulum VER, seu FOG, ad rectangulum VMR, seu FNG, sic quadratum Ok, ad quadratum NP. Sed punctum N, sumptum fuit arbitrarie; ergo figura HGkF, erit vel circulus, vel ellipsis. Quod &c.


SCHOLIUM I.

Diximus autem, sectionem prædictam esse vel circulum, vel ellipsim, non quasi hoc verificetur indifferenter; sed quia in sphaera quidem, est circulus, in sphaeroide vero est ellipsis. Quod enim in sphaera sit circulus, manifestatum fuit à quamplurimis, & quidem facile ostendi potest. Quia cum paruo labore pateat, rectangulum AOC , esse æquale, & quadrato Ok , & rectangulo GOF , pariter rectangulum LNQ , æquale esse, & quadrato NP , & rectangulo GNF ; sequitur, rectangulum FOG , esse æquale quadrato Ok , & rectangulum FNG , æquale fore quadrato NP . Idemque ostenderetur de alijs; quare ex Pappo lemmate 2. super prim. conic. $HGkF$, erit perfectus circulus in sphaera. In sphaeroide vero non est circulus, quia licet rectangulum AOC , sit æquale quadrato OK , non tamen est æquale rectangulo FOG . Idem intelligatur de cæteris.

SCHOLIUM II.

Sed ut proprius ad nostrum institutum accedamus, facile ex superioribus adnotabimus, quod si tam segmento sphaerae, vel sphaeroidis $TASGCF$, quam sphaerae vel sphaeroidi $HGkF$, orto ex semi-figura GkF , circa GF , reuoluta, intellexerimus

cir-



circumsriptos cylindros; facile inquam adnotabimus, tubum cylindricum circumscriptum annulo ex portione GCF , circa BD , reuoluta, esse ad ipsum, ut cylindrus solido $HGkF$, circumsriptus, ad ipsum. Quapropter ex proposit. 9. lib. 4. possumus elicere proportiones variorum segmentorum prædicti tubi, ad varia segmenta prædicti annuli. In primis enim eliciemus, quod si ABC , sit hemisphaerium, vel hemisphaeroides, semper tubus cylindricus circumsriptus annulo ex OGC , circa BD , erit annuli sesquialter. Quod utique videtur pulcherrimum. Pariter eliciemus rationem partis tubi, ad partem annuli ex NGQ , quam stringit. Item rationem correspondentis portionis tubi, ad annulum ex

D

seg-

segmento NQF . Item rationem tubi correspondentis, ad segmentum annuli ex $NQCO$. Quod si intellexerimus inter plana LQ , AC , traici aliud, planum secans omnia solida; eliciemus etiam rationem partis tubi, ad hoc segmentum annuli contenti inter planum ductum, & planum LQ . Sed si intellexerimus dictum planum traici inter plana TF , AC ; eliciemus rationem partis tubi ad segmentum intermedium annuli, contentum itidem inter planum ductum, & planum LQ . Pro horum maiori intelligentia, inspiciatur supradicta propositio, quia ex ipsa clarius, & iucundus dicta percipientur.

Sed non solum hæc, sed etiam facile eliciemus ex superioribus, annulum prædictum, & solidum $HGkF$, esse quantitates proportionaliter analogas, tam in magnitudine, quam in gravitate, tam secundum totum, quam secundum partes proportionales. Cum vero in proposit. 20. lib. 4. assignauerimus centra gravitatis variorum segmentorum sphaeræ, vel sphaeroidis; consequenter habebimus in RV , centra gravitatis omnium supradictorum segmentorum prædicti annuli. Hæc videantur in cit. proposit. solum enim adnotabimus, scitu pulcherrimum; nempe, centrum gravitatis annuli ex OGC , semper sic secare RE , ut pars terminata ad R , sit ad partem terminatam ad E , ut 5. ad 3. Quo modo secatur BE , à centro gravitatis hemisphaerij, seu hemisphaeroidis.

Antequam etiam ad alia transeamus, adnotetur,
magni-

magnitudinibus proportionaliter analogis, de quibus actum est varijs in locis, sed præcipuè in schol. 3. prop. 26. & in schol. 2. prop. 45. miscell. addi etiam annulum prædictum.

PROPOSITIO VI.


Si qualibet figura circa diametrum voluatur circa parallelam diametro, ductam vel per extremitatem basis, vel extra basim. Annulus latus ex semifigura exteriori, erit æqualis tribus solidis, quorum duo sint, quæ oriuntur ex reuolutione semifiguræ circa diametrum, aliud ex reuolutione eiusdem vel circa parallelam diametro ductam per extremitatem suæ basis, vel extra; & hoc tam secundum totum, quam secundum partes proportionales.

Hæc propositio facile intelligetur ex proposit. 30. miscell. Sit ergo quælibet figura ABC , circa diametrum BD , quæ roteretur vel circa FC , parallelam DB , ductam per punctum C , ut in prim. fig. vel per TS , ut in secundo schemate. Dico annulum latum ortum ex rotatione semifiguræ ABD , (quam vocamus exteriorem, ad differentiam DBC , interiorem nuncupatam) circa FC , æqualem esse tribus solidis, quorum duo sint quæ oriuntur ex reuolutione ABD , circa BD , aliud ex reuolutione DBC , circa CF , vel circa TS , in secundo schemate, & hoc quidem tam secundum totum, quam secundum partes proportionales. Patet,
D 2 quia

quia ex citata proponit. 30. totum solidum ortum ex rotatione totius figuræ ABC , circa FC , vel circa TS , æquatur quatuor solidis prædicto modo, nempe duobus ex ABD , circa BD , & duobus ex DBC , circa CF . Cum ergo solidum ex ABC , non superaddat solido ex ABD , circa FC , vel TS , nisi vnicum solidum ex DBC , circa CF , vel TS ; patet solidum ex ABD , circa FC , vel TS , æquale esse tribus alijs; & hoc quidem tam secundum totum, quam secundum partes proportionales, vt etiam magis patebit legenti modum in citata proponit. 30. miscel. à nobis obseruatum. Quare patet propositum.

SCHOLIUM.

Facile ergo ad modum tot vicibus inculcatæ doctrinæ patebit, anulum ex ABD , prædicto modo reuoluta, & tria prædicta solida, esse quantitates proportionaliter analogas, tam in magnitudine, quam in grauitate, tam secundum totum, quam secundum partes proportionales. Quare si habebimus rationem trium cylindrorum circumscriptorum ad tria dicta solida, habebimus etiam rationem tubi cylindrici circumscripti prædicto annulo ad ipsum. Pariter si habebimus centrum grauitatis trium solidorum simul, habebimus etiam centrum grauitatis prædicti annuli. Ex hac doctrina, vt patebit imposte- rum, varia possumus elicere, tam circa mensuram, quam



quam circa centra grauitatis aliquot solidorum, & etiam illorum, de quibus nunquam geometria loquuta est. Sed quia reuoluta figura circa TS , vt in secunda figura, varia potest esse distantia CS , ac proinde varia in infinitum ratio trium cylindrorum ad tria solida, quia varia, ac varia in infinitum potest esse ratio cylindri BR , ad anulum ex DBC , circa TS , ideo deinceps non agemus de tali reuolutione figuræ, sed tantum de reuolutione figuræ circa FC , in pri-

in primo schemate, vbi proportio data erit determinata, & numero exprimibilis vt plurimum.


PROPOSITIO VII.

Si qualibet parabola voluatur vt in ant. prop. dabitur ratio tubi cylindrici ad annulum.

Esto quaelibet femiparabola ABD , cuius axis BD , parallelogrammum circumscriptum sit EC , & intelligamus EC , cum ABC , rotari circa FC . Dico dari rationem tubi cylindrici ex ED , circa FC , ad annulum $ABDVHG$. Nam ex proposit. 15. lib. 2. dantur rationes cylindri ex ED , siue circa BD , siue circa EA , reuoluti, ad solida ex ABD , reuoluta tam circa BD , quam circa EA ; ergo dabitur etiam ratio tripli cylindri ex ED , reuoluto vt dictum est, ad duo solida ex ABD , circa BD , simul cum vno ex ABD , circa EA . Sed ex proposit. anteced. tubus cylindricus ex ED , circa FC , æquatur illis tribus cylindris, & annulus $ABDVHG$, æquatur illis tribus solidis. Ergo etiam dabitur ratio tubi ad annulum prædictum. Quare &c.

SCHOLIUM I.

Porro ratio hæc potest etiam numero exprimi, quamuis in tali progressionem non contineatur vlla pul-



pulchra series. In prima enim parabola, nempe in triangulo, cylindrus ex ED , triplus est coni ex ABD ; ergo erit ad duplum conum vt 3, ad 2. Et pariter, ad annulum ex ABD , circa EA , est vt 3, ad 2. Ergo ad tria solida simul, vt 3, ad 4. Et triplus cylindrus, vt 9, ad 4. Erit ergo tubus ad primum annulum $ABDVHG$, vt 9, ad 4. Pariter in parabola quadratica, cylindrus ex ED , est ad conoides ex ABD , circa BD , vt 4, ad 2, nempe vt 6, ad 3; & ad duo conoidea vt 6, ad 6; est verò etiam ad annulum ex ABD , circa EA , vt 6, ad 5. Ergo ad tria solida simul, vt 6, ad 11. Ergo triplus cylindrus vt 18, ad 11. Ergo erit tubus ad secundum annulum $ABDVHG$, vt 18, ad 11. In parabola cubica, erit vt 30, ad 21, seu vt 10, ad 7. Et sic discurrendo, assignabimus rationes aliorum tuborum, ad alios annulos.

Habebimus ergo etiam per conuersionem rationis, rationes tuborum cylindricorum ex ED , circa FC .

FC, ad annulos ortos ex rotatione trilineorum AEB, circa FC, ad ipsos. In primo ergo annulo erit vt 9, ad 5. In secundo vt 18, ad 7. In tertio vt 30, ad 9, seu vt 10, ad 3. Et sic discurrendo.


SCHOLIUM II.

Sed vt principale intentum assequamur, intelligamus annulum prædictum in sequenti schemate secari semifigura DBX, erecta ad figuram genitricem ABD, ac ex reuolutione DBX, circa BD, genitum esse solidum rotundum ZBX, & pariter ipsi intelligamus circumscriptum cylindrum: habebimus rationes cylindrorum talium circumscriptorum, ad infinita solida rotunda ZBX. In primo ergo annulo, erit cylindrus ad primum solidum, quod utique ex prim. conic. erit conoides hyperbolicum, vt 9, ad 4. In secundo, vt 18, ad 11. & sic ratiocinando vt supra. Ex quibus patebunt etiam per conuersionem rationis, rationes cylindrorum ad excessus ipsorum supra prædicta solida.

PROPOSITIO VIII.

Si solida antec. proposit. secentur plano basi parallelo. Dabitur ratio tubi cylindrici ad segmentum annuli ad basim, quod comprehendit.

Solida antec. proposit. secentur plano KR, plano AZGX, parallelo. Dico dari rationem tubi



tubi cylindrici kDR, ad partem annuli ex segmento ALID, circa FC. Nam ex schol. 2. proposit. 15. lib. 2. & ex schol. 2. proposit. 11. lib. 3. datur ratio cylindri ex KD, circa ID, ad solidum ex ALID, circa ID: quare & talis cylindri ad duo talia solida. Sed ex eodem schol. 2. citat. proposit. 11. lib. 3. datur etiam ratio talis cylindri ad solidum ex ALID, circa kA; ergo dabitur ratio illius cylindri ex kD, ad tria solida. Quare & ratio triplicy cylindri ex kD, circa ID, vel kA, ad tria illa solida ex ALID, nempe ad duo circa ID, & ad vnum circa kA. Ergo ex proposit. 6. dabitur etiam ratio tubi cylindrici kDR, ad annulum ex segmento ALID, circa FD. Quod &c.

SCHOLIUM.

Sed cum ducta IX , parallela DX , & reuoluto segmento $DI \times X$, circa ID , atque solido orto circumscripto cylindro, sit hic ad ipsum solidum, vt tubus kDR , ad annulum ex segmento $ALID$, circa FC , vt explicatum fuit in schol. 3. proposit. 1; sequitur dari etiam rationem cylindri circumscripti solido ex segmento $DI \times X$, circa ID , ad ipsum.


Probauimus duas superiores propositiones supra dicta methodo, vt illius vsus agnosceretur, sed datur alia via facilior, & simplicior ostendendi has, & similes; quapropter fit.

PROPOSITIO IX.

Propositiones septima, & octaua aliter probantur.

Sint in primis eadem data, quæ in proposit. 7. Dico dari rationem tubi cylindrici ex ED , circa FC , ad annulum $ABDVHG$. Nam ex coroll. prim. proposit. 11. lib. 2. habemus rationem cylindri EG , ad annulum totum $ABCHG$. Pariter ex proposit. 15. eiusdem lib. 2. habemus rationem cylindri BV , ad annulum $DBCHV$. Ergo etiam habebimus rationem tubi ex ED , circa FC , ad annulum ex ABD , circa FC .

Sed



Sed datis iisdem, quæ in 8. proposit. colligemus eadem, quæ ibidem. Nam ex coroll. 11. cit. proposit. 11. lib. 2. datur ratio cylindri KG , ad segmentum annulare $ALMCOQG$. Pariter ex schol. 2. proposit. 11. lib. 3. datur ratio cylindri IV , ad segmentum annulare $DIMCOPV$. Quare dabitur etiam ratio tubi kDR , ad annulum $ALIDVPQG$. Quod & c.

SCHOLIUM.

Quæ autem collecta fuerunt in numeris in schol. prim. proposit. 7. possunt etiam colligi in præsentis ex hoc modo argumentandi. V. g. in primo annulo $ABCHG$, nempe in illo, qui oritur ex reuolutione primæ parabolæ, hoc est trianguli, cylindrus EG , quia est ad annulum $ABCHG$, vt parallelogrammum EC , ad triangulum ABC , erit ad ipsum

ipsum vt 2. ad 1, nempe vt 12, ad 6. Sed cylindrus BV, quarta pars cylindri EG, est ad annulum DBCHV, vt 3. ad 2. Ergo reliquus tubus ex ED, circa FC, erit ad reliquum annulum ex ABD, circa FC, vt 9. ad 4. In parabola quadratica, cylindrus EG, est ad annulum ABCHG, vt 3. ad 2. nempe vt 24, ad 16. Sed ex cit. proposit. 15. lib. 2. cylindrus BV, est ad annulum DBCHV, vt 6, ad 5. Ergo reliquus tubus ad annulum ex ABD, circa FC, vt 18. ad 11. Et sic procedemus in alijs.

PROPOSITIO X.


Si quaelibet semiparabola, cuius exponens sit numerus par, voluatur vt dictum est in prop. 7. habebimus in axe annuli geniti eius centrum grauitatis.

Parabola ABC, cuius exponens sit numerus par, voluatur circa FC. Dico in FC, dari centrum grauitatis annuli ex ABD, circa FC. Nam ex schol. proposit. 29. miscell. habemus in FC, centrum grauitatis totius annuli ABCHG. Ex proposit. 33. miscell. habemus in FC, centrum grauitatis annuli DBCHV. Ex schol. 2. proposit. 11. lib. 3. habemus rationem annuli exterioris ABDVHG, ad annulum interiorem DBCHV. (Sic enim appellabimus deinceps hos annulos.) Ergo habebimus etiam in FC, centrum grauitatis annuli exterioris. Quod &c.

SCHO-

SCHOLIUM.

Poterit autem numero exprimi, in qua ratione secetur FC, à tali centro grauitatis. Nos autem hoc exprimebimus in tali annulo ex semiparabola quadratica; & si lector obseruauerit methodum, qua vtemur, poterit etiam numero exprimere in alijs. In sequenti figura, centrum grauitatis annuli ABCHG, sic diuidit FC, in S, vt FS, sit ad SC, vt numerus parabolæ genitricis vnitare auctus, ad numerum parabolæ, ex schol. proposit. 29. miscell. nempe erit ad ipsam vt 3. ad 2. seu vt 15. ad 10. Pariter ex schol. proposit. 34. eiusdem miscel. centrum grauitatis annuli interioris DBCHV, sic diuidit FC, in N, vt FN, sit ad NC, vt 14, ad 11. Ergo qualium tota FC, est 25, talium FS, est 15, FN, 14; & NT, 1. Ergo qualium NS, est 11, talium FC, erit 275; & FS, 165. Quoniam vero, vt colligitur ex corollario 3. proposit. 4. lib. 3. annulus latus exterior ABDVHG, est ad annulum interiorem DBCHV, vt 11, ad 5. & si fiat vt annulus exterior ad annulum interiorem, sic reciprocè NS, ad ST, sit T, centrum grauitatis annuli exterioris ABDVHG; sequitur, quod qualium NS, est 11, talium ST, sit 5. Sed talium FS, erat 165; ergo talium FT, erit 170. Sed talium tota FC, 275. Ergo reliqua TC, 105. T, ergo centrum grauitatis dicti annuli exterioris parabolici quadratici, sic secabit FC,



FC, in **T**, ut **FT**, sit ad **TC**, ut 170, ad 105, nempe ut 34, ad 21. In alijs discurretur eodem modo.

Sed quod magis interest, cum intellecto solido rotundo **ZBX**, genito modo supra explicato, sit hoc proportionaliter analogum & in magnitudine, & in gravitate cum annulo exteriori, sequitur etiam nos habere in **BD**, centrum gravitatis talis solidi, non quidem cuiuscumque, sed tantum ex parabolæ, cuius exponens sit numerus par. Et in solido parabolæ quadraticæ sic secabit **BD**, v. g. in **I**, ut **BI**, sit ad **ID**, ut 34, ad 21.

PRO-

PROPOSITIO XI.

Si quilibet annulus antecedentis propositi. secetur plano basi parallelo. In axe annuli habebimus centrum gravitatis segmenti annularis ad basim.

Sed solida antecedentis propositi. secetur plano **kR**, basi **AG**, parallelo. Dico in **NC**, nos habere centrum gravitatis segmenti annularis ex **ALID**, circa **NC**. Nam ex schol. propositi. 29. miscel. habemus in **NC**, centrum gravitatis totius segmenti annularis **ALMCOQG**. Item ex propositi. 35. eiusdem miscel. habemus in eadem **NC**, centrum gravitatis segmenti annularis interioris **DIMCOPV**. Necnon habemus ex schol. 2. propositi. 11. lib. 3. rationem, quam habet segmentum annulare exterius **ALIDVPQG**, ad segmentum annulare interius **DIMCOPV**. Quare eiusdem segmenti exterioris non ignorabitur centrum gravitatis in **NC**.

SCHOLIUM.

Sed cum solidum rotundum ex **DI*~~X~~**, circa **ID**, sit proportionaliter analogum in gravitate cum prædicto segmento annulari exteriori, nequaquam ignorabimus in **ID**, centrum gravitatis talis fructi solidi.


PRO-

PROPOSITIO XII.

Si quilibet semifusus parabolicus ortus ex semiparabola, quæ habeat axim, secetur ut solida antecedent um propositio- num. Dabitur ratio tubi cylindrici, ad annulum, ut ex- plicatum est.

Esto quilibet semifusus parabolicus ABC , or- tus ex rotatione semiparabola cuiuscunque cuius axis AD , circa basim BD , qui sit sectus se- mifigura GFH , æquidistanter basi BD , & ad fi- guram genitricem erecta; annulo vero ex semipara- bola ad verticem, AFG , circa OD , sit circumscri- ptus tubus cylindricus TGZ . Dico, dari rationem talis tubi, ad illum annulum. Nam, cum ex hypo- thesi, dentur AG, AD, GC, GD , dabitur etiam ratio rectanguli AGC , ad quadratum AD ; nempe ratio armillæ circularis ex AG , circa BD , ad cir- culum AEC ; nempe ratio tubi cylindrici TGZ , ad cylindrum TC . Item, cum detur ex schol. 3. proposit. 15. lib. 3. ratio cylindri TC , ad totum segmentum fusi $AFPC$, & facile possit probari ex hypothese, dari rationem eiusdem cylindri TC , ad cylindrum FQ ; dabitur etiam ratio cylindri TC , ad annulum $AFGQPC$. Quare ex aquali, dabi- tur ratio tubi cylindrici TGZ , ad annulum præ- dictum. Quod &c.

SCHOL



SCHOLIUM.

Cum ergo, genito solido EFH , ex reuolutione GFH , circa FG , atque ei circumscripto cylindro, sit hic ad solidum, ut tubus ad annulum; dabitur etiam ratio prædicti cylindri, ad annulum.

PROPOSITIO XIII.

Datis ijsdem, quæ in antec. proposit. datur in basi semipara- bola genitricis, centrum grauitatis illius annuli.

F


Nam,

Nam, datur in OD , segmento basi semiparabolæ ABD , centrum gravitatis totius segmenti fusi AFC , ex proposit. 37. miscell. Item datur in eadem OD , centrum gravitatis cylindri FQ . Ratio annuli $AFGQPC$, ad cylindrum eundem FQ , datur. Ergo nec ignorabitur centrum gravitatis annuli in OD .

SCHOLIUM.

Sed cum ad instar superiorum discurrendo, constet, solidum EFH , esse proportionaliter analogum cum prædicto annulo; nec etiam ignorabimus in FG , centrum gravitatis solidi EFH .

Sed duabus propositionibus antecedentibus addendum est, quod si planum GFH , sit taliter ductum, ut bisecet AD , in G , dabitur in numeris ratio tubi cylindrici TGZ , ad annulum prædictum: & pariter in numeris dabitur ratio, in qua OD , secetur à centro gravitatis annuli. Nam, quoniam AG , GD , sunt æquales, si intelligamus semiparabolam AFG , duplicari ad partes FG , attinget punctum D . Sit ergo ut in sequenti figura, in qua semiparabola quæcunque ABD , cuius basis BD , sit duplicata ad partes BD , ut sit ABC , figura constans ex duabus semiparabolis; hæc cum parallelogrammo EC , sibi circumscripto, rotetur circa FC . Sequenti modo in parabola quadratica, quem lector in alijs imitabitur, exprimemus in numeris rationem EDY ,
ad




ad annulum $ABDVHG$. Quoniam EG , cylindrus, est ad totum annulum $ABCHG$, ex corol. 2. proposit. 11. lib. 2. ut 3. ad 2. nempe ut 60. ad 40. & ex schol. 2. proposit. 14. eiusdem lib. est cylindrus BV , ad annulum interiorem $DBCHV$ ut 5. ad 4. nempe ut 15. ad 12. Ergo reliquus tubus cylindricus EDY , erit ad reliquum annulum exteriorem $ABDVHG$, ut 45. ad 28. In parabola cubica inueniet esse ut 21. ad 15. seu 7. ad 5. In quadrato-quadratica, ut 135. ad 104. Et sic discurrendo. In prædictis ergo etiam rationibus, erit cylindrus circumscriptus solido ZBX , ad ipsum.

Centrum vero gravitatis sic inuenietur in parabola quadratica. Sit S , centrum gravitatis totius annuli $ABCHG$; ergo ex schol. proposit. 29. miscel.

fic secabit FC , vt FS , sit ad SC , vt numerus parabolæ ternario auctus, ad numerum vnitate auctum; nempe vt 5. ad 3. nempe vt 15, ad 9. Pariter ex proposit. 18. lib. 4. si N , sit centrum grauitatis annuli interioris $DBCHV$, sic secabit FC , vt FN , sit ad NC , vt duplus numerus ternario auctus, ad duplum numerum vnitate auctum, nempe vt 7, ad 5, seu vt 14. ad 10. Qualium ergo FC , erit 24, talium FS , erit 15; FN . 14; & NS ; vnitas. Si fiat vt annulus exterior $ABDVHG$, ad annulum interiorem $DBCHV$, sic reciprocè NS , ad ST , erit T , centrum grauitatis prædicti annuli exterioris. Ex coroll. prim. proposit. 4. lib. 3. elicitur, annulum prædictum exteriorem, esse ad annulum interiorem vt 7, ad 3; ergo qualium NS , est 7. talium ST , erit 3. Sed qualium NS , erat vnitas, talium FC , erat 24, & FS , 15. ergo si omnia multiplicentur per 7, qualium NS , erit 7, & ST , 3, talium FC , erit 168; & FS , 105. Ergo talium FT , erit 108, & reliqua TC , 60. Ergo T , centrum grauitatis prædicti annuli exterioris, sic diuidit FC , in T , vt FT , sit ad TC , vt 108, ad 60; nempe vt 9, ad 5. Sic ergo inueniemus centra grauitatis in FC , talium annulorum exteriorum; cum quibus, existentibus proportionaliter analogis solidis ZBX , etiam ipsorum centra grauitatis secabunt BD , in eadem ratione.

PRO-



PROPOSITIO XIV.

Si femicyclois primaria cum sibi circumscripto parallelogrammo voluatur circa parallelam basi ab ipsa distantem secundum quantitatem axis eiusdem. Tubus cylindricus ex parallelogrammo, erit ad annulum ex femicycloide, vt 24, ad 17.

ESto femicyclois primaria ABD , cum sibi circumscripto parallelogrammo ED , quæ voluatur circa FC , parallelam BD , basi femicycloidis, sicque ab ipsa distans, vt AD , axis, & DC , sint æquales. Dico tubum cylindricum EDY , esse ad annulum $ABDVHG$, vt 24, ad 17. Nam intelliga-

telligamus ABC , esse figuram constantem ex duabus semicycloidibus sic dispositis, ut BD , bases euadant communis axis; & intelligamus totam figuram ABC , cum sibi circumscripto parallelogrammo EC , circumagi circa FC . Ergo ex coroll. 4. prop. 11. lib. 2. cylindrus totus EG , erit ad totum annulum $ABCHG$, ut 4. ad 3, seu ut 32. ad 24. Sed ex proposit. 28. lib. 3. est cylindrus BV , ad annulum interiorem $DBCHV$, ut 8. ad 7. Ergo reliquus tubus cylindricus EDY , erit ad reliquum annulum exteriorem $ABDVHG$, ut 24. ad 17. Quod &c.

SCHOLIUM.

Si ergo annulus $ABCHG$, secetur semifigura DBX , transeunte per DB , & ad figuram genitricem erecta, quæ rotetur circa DB . Cylindrus circumscriptus solido ZBX , erit ad ipsum ut 24. ad 17.

PROPOSITIO XV.

Si quilibet ex infinitis conicis circa diametrum, secetur ad modum conoideorum parabolicorum secundum proposit. plano æquidistanter diametro, & ad figuram genitricem erecto, annulo illi sit circumscriptus tubus cylindricus; exponaturque portio trilinei parabolici quadratici, cuius diameter æqualis diametro conici, & cuius exponentis sit duplus exponentis conici, & portio hæc sit resecta à toto trilineo lineæ diametro parallela, & æquali diametro annuli, cui
etiam.


etiam portioni sit circumscriptum parallelogrammum. Tubus cylindricus circumscriptus annulo, erit ad ipsum, ut rectangulum circumscriptum portioni, ad ipsam, tam secundum totum, quam secundum partes proportionales.

Quid intelligamus per infinitos conicos parabolicos circa diametrum, explicauimus defin. 5. lib. 2. Esto igitur conicus quilibet parabolicus ABC , cuius diameter BD , & sit sectus semifigura EGV , æquidistanter diametro BD , & ad ABD , figuram genitricem conici erecta; annulo vero orto ex reuolutione segmenti AGE , circa BD , intelligamus circumscriptum tubum cylindricum IEH : supponamus pariter DBC , nobis representare etiam trilineum, cuius diameter sit DB , & cuius exponentis sit duplus exponentis conici, quod sit sectum kL , parallela BD , & æquali MD , diametro annuli ex AGE ; portioni verò LkC , intelligamus circumscriptum parallelogrammum LH . Dico tubum cylindricum IEH , esse ad annulum ex AGE , circa BD , ut parallelogrammum LH , ad portionem trilinei LkC , & hoc tam secundum totum, quam secundum partes proportionales. Accipiatur in MD , arbitrariè punctum N , per quod in solidis transeat planum ONP , secans ipsa ut in schemate, parallelum $AFCV$, in trilineo vero DBC , & in parallelogrammo ducatur NP , parallela DC . Quoniam ex natura infinitorum trilineorum explicata initio prim. lib. est in conico, AD , ad GM , ut potestas

itas DB, eiusdem gradus conici, ad similem potestatem BM; ergo & ut quadratum AD, ad quadratum GM, sic potestas DB, duplicata potestatis conici, ad similem potestatem BM. Sed quoniam trilineum DBC, supponitur gradus duplicati potestatis conici, est in ipso DC, ad Mk, ut dicta potestas DB, ad dictam potestatem BM. Ergo & ut quadratum AD, in conico, ad quadratum GM, seu ED, sic in trilineo, DC, ad MK, seu DL. Ergo per conuersionem rationis, & conuertendo, ut in conico, rectangulum AEC, ad quadratum AD, sic in trilineo, LC, ad DC. Eodem modo probabitur, esse quadratum AD, ad quadratum QN, ut DC, ad NT, & quadratum AD, ad rectangulum QRT, ut DC, ad ST. Ergo ex æquali, erit rectangulum AEC, nempe rectangulum ORP, ad rectangulum QRT, nempe armilla circularis ex OR, circa BD, ad armillam circulaarem ex QR, circa BD, ut LC, seu SP, ad ST. Sed punctum N, sumptum fuit arbitrariè; ergo ut vnum ad vnum, sic omnia ad omnia. Ergo & ut omnes armillæ circulares basibus parallelæ tubi cylindrici IEH, ad omnes armillas circulares, itidem basi parallelas, annuli ex AGE, circa BD, sic omnes lineæ parallelogrammi LH, parallelæ LC, ad omnes lineas portionis LkC, parallelas LC; nempe ut tubus cylindricus, ad annulum, sic parallelogrammum ad portionem. Quod vero probatum fuit de totis, expertus geometra agnoscat, probari posse pari passu

ri passu de partibus proportionalibus. Quare patet propositum.

SCHOLIUM I.



Præsens propositio etiam potest probari modo Archimedeo, ut clare patet. Sed adnotetur, quod cum fuerit in coroll. proposit. 15. lib. prim. assignata ratio parallelogrammi LH, ad portionem LkC, cuiuscunque trilinei parabolici, consequenter habebimus rationem tubi cylindrici IEH, ad annulum ex AGE, in quocunque conico parabolico, circa BD. Pariter cum facile ad modum superiorum innotescat, annulum ex AGE, & portionem LkC,

G esse


esse quantitates proportionaliter analogas, tam in magnitudine, quam in gravitate, tam secundum totum, quam secundum partes proportionales; patebit etiam, eodem pacto secari KL , à centro æquilibrij segmenti LKC , ac MD , à centro gravitatis prædicti annuli. Sed cum ex dictis aliquando à nobis, ut statim patebit, habeamus faciliter centra æquilibrij in kL , cuiuscunque segmenti LkC ; habebimus etiam faciliter in MD , centrum gravitatis omnium prædictorum annulorum.

Quod vero teneamus centra æquilibrij in kL , omnium segmentorum LkC , trilineorum parabolicorum, sic fiet manifestum. Ex proposit. 14. lib. 3. habemus in basi HC , seu in KL , centrum æquilibrij minoris portionis KHC , parabolæ. Item in eadem KL , tenemus centrum æquilibrij parallelogrammi LH . Ratio autem portionis kHC , ad segmentum LkC , facile elicietur ex proposit. 15. lib. 1. Quare nec ignorabitur in kL , centrum æquilibrij segmenti LkC .

SCHOLIUM II.

Nunc, supponamus ex semifigura EGV , circumacta circa GE , genitum solidum FGV , ipsique circumscriptum esse cylindrum. Cum hic sit ad ipsum, ex sæpe sæpius repetitis, ut tubus cylindricus IEH , ad annulum ex AGE , circa MD , habebimus etiam rationem prædicti cylindri, ad omnia præ-

dicta



dicta solida FGV . Item habebimus in GE , centra gravitatis omnium prædictorum solidorum. FGV .

SCHOLIUM III.

Sed rationem tubi IEH , ad annulum AGE LkC , possumus alio modo, ex aliàs à nobis prolatis, aliter indagare. Nam ex hypothese, cum dentur AE , ED , EC , dabitur etiam ratio rectanguli AEC , ad quadrata AD , ED . Dabitur ergo etiam ratio armillæ circularis AEC , tam ad circum-

lum, cuius semidiameter AD , quam ad circum-

cuius semidiameter ED : quare dabitur etiam ratio

G 2 tubi

tubi cylindrici IEH , tam ad totum cylindrum IC , quam ad cylindrum GL . Item ex schol. 4. proposit. 14. lib. 2. habemus rationem cylindri IC , ad segmentum conicum $AGkC$. Sed & eiusdem cylindri IC , ad cylindrum GL . Quare & eiusdem cylindri IC , ad annulum $AGELkC$. Ergo ex æquali, tenebimus rationem vniuersaliter tubi IEH , ad annulum $AGELkC$.

Item alio modo eliciemus centra gravitatis in MD , annulorum $AGELkC$. Nam ex schol. proposit. 18, lib. 4. in MD , habemus centrum gravitatis cuiuscunque frusti conici $AGkC$. Pariter in eadem MD , habemus centrum gravitatis cylindri GL . Ratio annuli $AGELkC$, ad cylindrum GL , ex statim suprascriptis, minime ignoratur. Haud ergo ignorabitur in MD , centrum gravitatis prædicti annuli.

Sed hæc omnia sunt generalia. Particularius vero, si ABC , sit primus conicus, nempe conus, patet ex prim. conic. proposit. 12, EGV , esse semi-hyperbolam; & consequenter FGV , esse conoides hyperbolicum. Conoides ergo hyperbolicum, erit proportionaliter analogum, tam cum annulo $AGELkC$, quam cum segmento trilinei parabolici quadratici LkC . Aliqua ergo, ex dictis, particularius colligemus. Sed cum diuerso modo ab assignatis in proposit. 5. 7. & 11. miscel. possimus probare rationem cylindri circumscripti conoidi hyper-


bolic-

bolico, ad ipsum, ideo præmissa propositione sequenti, etiam hunc adnotabimus.

PROPOSITIO XVI.

Si trilineum parabolicum quadraticum ABC , secetur linea DE , diametro CA , parallela, qua sic sit producta ad G , ut GD , sit dupla CF , excessus diametri CA , supra DE , & ducatur quilibet HK , parallela EB . Erit EB , ad HK , ut rectangulum GED , ad rectangulum GHD .

Producat Hk , vsque ad L . Quoniam ex natura parabole explicata initio libri. pri. est AB , ad FD , seu AE , ut quadratum AC , ad quadratum CF ; ergo & per conuersionem rationis, & conuertendo, erit EB , ad BA , ut excessus quadrati CA , supra quadratum CF , ad quadratum CA . Pariter, quoniam ut AB , ad Lk , sic quadratum AC , ad quadratum




CL; ergo & ut AB, ad Hk, differentiam Lk, & FD, sic erit quadratum AC, ad differentiam quadratorum LC, CF. Quare ex æquali, ut EB, ad Hk, sic differentia quadratorum AC, CF, ad differentiam quadratorum LC, CF. Porrò differentia quadratorum AC, FC, sunt duo rectangula CFA, cum quadrato FA; nempe (facta MF, dupla FC) rectangulum MFA, cum quadrato FA; nempe rectangulum MAF; nempe rectangulum GED: pariter eodem modo patebit, differentiam quadratorum LC, CF, esse rectangulum MLF; nempe rectangulum GHD. Ergo & ut EB, ad HK, sic rectangulum GED, ad rectangulum GHD. Quod erat ostendendum.

PROPOSITIO XVII.

Cylindrus circumscriptus conoidi hyperbolico, est ad ipsum, ut composita ex axi, seu diametro, & ex latere transverso conoidis, ad dimidium lateris transversi, una cum tertia parte axis, seu diametri.

Esto conoides hyperbolicum ABC, cum sibi circumscripto cylindro EC, sitque FB, latus transversum, BD, diameter. Affero EC, cylindrum, esse ad conoides ABC, ut FD, ad dimidiam, FB, cum tertia parte BD. Exponatur recta linea MA, in anteced. fig. æqualis FD, sequi. & ex ipsa auferatur AF, æqualis DB, & secta MF, bifariam



fariam in C, intelligatur parallelogrammum AN, atque in eo semiparabola quadratica BCN, cuius vertex C, diameter CN, semibasis NB; per punctum F, ducatur FDO, parallela AB, & per punctum D, DE, parallela CA. Tunc accepto vbilibet puncto H, in diametro conoidis, ducatur per ipsum planum GL, AC, parallelum; factaque in anteced. fig. DH, æquali BH, in hac; ducatur HkP, parallela EB; ED, vero producat ut GD, fiat dupla CF, ac proinde æqualis diametro transversa FB, conoidis. FD, ergo in conoide, tam secundum totum


totum, quam secundum omnes partes, secundum quas secta supponitur, æquatur GE, in parabola, & singulis suis partibus, ut in schematibus. Tunc, quoniam ex proposit. anteced. est in trilineo, EB, seu PH, ad Hk, ut rectangulum GED, ad rectangulum GHD, & pariter ex prim. conic. proposit. 21. est in conoide, ut rectangulum FDB, ad rectangulum FHB, sic quadratum AD, seu GH, ad quadratum HR; ergo & ut PH, ad Hk, in trilineo, sic quadratum GH, ad quadratum HR, in conoide; nempe sic circulus GL, ad circulum RO. Cum verò puncta H, in ambabus figuris supponantur accepta secundum arbitrium, recte concludere poterimus, esse omnes lineas parallelogrammi EO, parallelas EB, ad omnes lineas segmenti trilinei EDB, itidem parallelas EB, ut omnes circuli cylindri EC, AC, paralleli, ad omnes circulos conoidis ABC, eidem AC, parallelos. Nempe sic esse EO, parallelogrammum, ad EDB, ut EC, cylindrus ad ABC, conoides. Sed ex calce schol. proposit. 15. lib. primi, parallelogrammum EO, est ad EDB, ut GE, ad dimidiam GD, cum tertia parte ED, ut attentè consideranti nullo negotio patebit. Ergo & EC, cylindrus, erit ad ABC, conoides, ut FD, ad dimidiam FB, cum tertia parte DB. Quod &c.

SCHOLIUM I.

Ex progressu ergo demonstrationis patet, probatum

tum cylindrum EC, esse ad conoides ABC, ut EO, parallelogrammum, ad segmentum trilinei EDB. Experitus autem geometra agnosceret, facilius dicto probari posse, hoc verificari non modo secundum totum, sed etiam secundum partes proportionales: & pariter per conuersionem rationis, esse EC, cylindrum, ad excessum ipsius supra conoides, ut parallelogrammum EO, ad DBO, portionem minorem parabola. Facile etiam discurrendo, ut sæpe sæpius nos fecimus, eliciet, conoides ABC, & segmentum trilinei EDB, item excessum EC, supra conoides, & DBO, portionem minorem parabola quadratica, esse quantitates proportionaliter analogas, tam in magnitudine, quam in grauitate, tam secundum totum, quam secundum partes. Ex his, & ex alibi à nobis dictis, poterit lector quamplurima colligere.

Colliget ergo primo, centrum æquilibrij in DE, segmenti trilinei quadratici EDB, vel sic secare
H duo-



duodecimam partem DE, ordine quartam ab E, ut pars propinquior E, sit ad partem aliam, ut dimidia GD, ad tertiam partem DE, sicuti ex proposito. 13. miscel. secatur duodecima pars DB, diametri conoidis hyperbolici ab eius centro gravitatis. Vel sic secari quartam partem DE, ordine secundam ab E, ut pars propinquior E, sit ad aliam, ut sexta pars GD, ad tertiam partem GE, veluti secatur quarta pars BD, diametri conoidis ex proposito. 14. miscel. Vel tandem, sic dividere DE, ut pars terminata ad D, sit ad reliquam, ut GD, cum subseptimaria ED, ad dimidiam GD, cum quarta parte DE, ut hauritur ex proposito. 44. eiusdem miscel.


Ex proposito. 15. eiusdem miscel. in qua assignatur ratio cylindri GC, ad segmentum conoidis AROC, colliget rationem parallelogrammi EP, ad segmentum EHkB; nempe colliget esse ut rectangulum GED, ad rectangulum GE, DH, vna cum rectangulo sub composita ex dimidia GD, & ex tertia parte EH, & sub dicta tertia parte EH.

Ex proposito. 17. miscel. colliget centrum æquilibrij in HE, segmenti EHkB.

Sed cum, ut paulo supra dictum fuit, sit excessus cylindri EC, supra conoides hyperbolicum, proportionaliter analogus cum DBO, portione minori parabolæ quadraticæ, & in lib. 3. proposito. 14. & in schol. proposito. 48. miscel. sit assignatum in OB, centrum æquilibrij portiones DBO, erit conse-

quen-

quenter assignatum in BD, centrum gravitatis excessus cylindri EC, supra conoides. Ut ergo in citat. schol. proposito. 48. miscel. potest conspici, centrum æquilibrij portiones DBO, in BO, sic ipsam dividit, ut pars terminata ad B, sit ad reliquam, ut dupla NO, cum dupla NB, & cum dimidia OB, ad NO, cum NB, & cum dimidia OB; colliger ergo lector, etiam in prædicto excessu, centrum eius gravitatis sic dividere BD, ut pars terminata ad D, sit ad partem terminatam ad B, ut FB, (æqualis duplæ NO) vna cum FD, cum DB (æqualibus duplæ NB) & cum dimidia DB (æquali dimidiæ OB) ad dimidiam FB (æqualem NO) vna cum composita ex dimidia FB, & ex BD (quæ sunt æquales NB) & cum dimidia DB. Sed FB, vna cum FD, cum DB, & cum dimidia DB, faciunt duplam FD, cum dimidia DB: pariter dimidia FB, cum dimidia FB, cum BD, & cum dimidia DB, faciunt FD, cum dimidia DB. Ergo cen-




H 2 trum

trum grauitatis excessus EC , supra conoides, sic diuidit DB , vt parsterminata ad D , sit ad reliquam, vt dupla FD , cum dimidia BD , ad FD , cum dimidia DB . Sed cum supra, & aliàs, sit assignata etiam ratio EC , cylindri, ad conoides, & consequenter diuidendo, excessus cylindri supra conoides, ad ipsum conoides: patet, posse etiam alio modo, haberi centrum grauitatis conoidis prædicti.

SCHOLIUM II.

Conoides ergo hyperbolicum ABC , est proportionaliter analogum cum segmento EDB ; sicuti pariter, excessus cylindri EC , supra conoides, est proportionaliter analogus cum portione minori parabolaë DBO . Ergo conoides, & excessus cylindri supra ipsum, erunt magnitudines proportionaliter analogæ cum illis magnitudinibus, cum quibus erunt magnitudines proportionaliter analogæ EDB , segmentum trilinei, & DBO , portio minor parabolaë. In primis verò, portio minor DBO , probata fuit proportionaliter analogæ in schol. pri. proposit. 8. lib. 4. cum portione sphaeræ, & sphaeroidis, quorum semidiametri NB , axis vero talium portionum, sint BO . Cum his ergo portionibus sphaeræ, & sphaeroidis, erit proportionaliter analogus excessus cylindri EC , supra conoides. Sicuti etiam conoides, erit proportionaliter analogum cum excessu cylindrorum circumscriptorum portionibus, supra ipsas.


De-



Deinde in schol. 3. proposit. 26. miscel. portio parabolaë quadraticaë DBO , cuius vice in schem. ant. illius

illius proposit. accipiemus portionem ARI , parabolæ quadraticæ AOC , cuius basis AC , sit æqualis duplæ NB , basi parabolæ cuius DBO , portio supradicta supponitur portio, probata fuit proportionaliter analogâ cum segmento annuli ex portione AHI , hyperbolæ ABC , reuoluta circa kM , secundam coniugatam diametrum: sicuti pariter portioni parabolæ AIR , circumscripto parallelogrammo, excessus huius supra portionem, est proportionaliter analogus cum excessu tubi cylindrici ex parallelogrammo AH , supra segmentum annuli ex portione AHI , reuolutis ambobus circa kM . Excessus ergo supradictus cylindri EC , supra conoides hyperbolicum ABC , erit proportionaliter analogus cum annulo ex AHI , circa secundam coniugatam diametrum KM . Pariterque conoides hyperbolicum ABC , erit proportionaliter analogum cum excessu prædicto tubi cylindrici ex parallelogrammo AH , circa kM , supra prædictum segmentum annuli ex portione AHI .

Pariter si in schem. seq. proposit. 45. miscel. accipiamus vice DBO , portionis parabolæ superioris, portionem AGF , cum hæc fuerit probata in dicta proposit. schol. 2. proportionaliter analogâ cum solido ex portione RBT , reuoluta circa BV (supponendo ABC , esse portionem sphaeræ, vel sphaeroidis, ABC , esse conum, & BD , axim portionis) dummodo BV , & AF , sint æquales. Ergo etiam excessus cylindri superioris EC , supra conoides



des hyperbolicum ABC , erit proportionaliter analogus cum prædicto excessu portionis RBV , sphaeræ, vel sphaeroidis, supra conum TBX . Quod ex dictis ibidem, verificatur etiam de excessu segmenti $AFGC$, supra frustum conicum $AHIC$, dummodo tamen supponamus, BV , DE , axes talium solidorum, & AF , basim portionis AGF , æquales esse in figura superiori BD , axi conoidis hyperbolici.

Tandem, si in schemate proposit. 5. supponamus $ABCD$, esse sphaeram, vel sphaeroides, semiaxis vero BE , sit maior axi BD , conoidis superioris hyperbolici, cuius etiam sit maior ER , factis autem, ac suppositis iisdem, quæ in dicta proposit. 5. supponamus GN , vel RM , æqualem BD , axi conoidis. Ex schol. 2. dictæ proposit. sciemus, conoides hyperbolicum ABC , esse proportionaliter analogo-

analogum cum annulo ex portione, seu segmento NGQ , reuoluto circa BE .

PROPOSITIO XVIII.


Si quodlibet ex infinitis trilineis, cum sibi circumscripto parallelogrammo, reuolatur circa parallelam suo axi, ab ipso disitam secundum quantitatem basis trilinei. Dabitur ratio tubi cylindrici ex parallelogrammo, ad annulum ex trilineo.

Supponamus ABD , in schemate sequenti nobis representare quodlibet ex infinitis trilineis parabolicis, cuius axis BD , & ipsi circumscriptum esse parallelogrammum ED , quod cum trilineo intelligamus circummagi circa FC , parallelam BD , ac sic ab ipsa distantem, ut AD , DC , sint æquales. Dico, dari rationem tubi cylindrici EDY , ad annulum $ADBVHG$. Nam, trilineo ABD , intellecto duplicari ad partes BD , axis, ut sit ABC , ac ABC , cum parallelogrammo EC , reuoluto circa FC ; cylindri EG , ad annulum $ABCHG$, assignata fuit ratio in coroll. 5. prop. 11. lib. 2. Pariter ex proposit. 14, lib. 2. habebimus rationem cylindri BV , ad annulum interiorem $DBCHV$, quia cum ibidem assignata fuerit ratio cylindri BC , ad omnes semifusos parabolicos BCH , per conuersionem rationis, assignata quoque erit ratio eiusdem cylindri BV , ad annulum $DBCHV$, ex trilineo DBC .

DBC . Ergo habebimus etiam rationem reliqui tubi cylindrici EDY , ad annulum exteriorem ABD VHG . Quod &c.

SCHOLIUM.

Sed hæc ratio exprimibilis est numero, quia omnes prædictæ rationes numero, in præcitatis locis,



expressæ fuerunt. E.g. in trilineo parabolæ quadraticæ, in coroll. 5. proposit. 11. lib. 2. cylindrus EG , est ad annulum $ABCHG$, ut 3. ad 1. nempe ut 60. ad 20. Cylindrus BV , quia est ad semifusum parabolicum quadraticum ex schol. prim. proposit. 14. lib. 2. ut 15. ad 8. est ad annulum interiorem $DBCHV$,
vt

vt 15. ad 7. Ergo reliquus tubus cylindricus EDY, erit ad reliquum annulum exteriorem ABDVHG, vt 45. ad 13. Sic venabimur rationes cæterorum tuborum cylindricorum, ad reliquos annulos exteriore.


Sed per BD, ducta semifigura DBX, ad trilineum ABD, erecta, reuolutaque ipsa circa BD, solido ZBX, ex ipsa genito intelligatur circumscriptus cylindrus. Ex tot vicibus replicata doctrina, habebimus rationem talis cylindri, ad solidum ZBX. Quæ etiam in omnibus solidis sic genitis erit numero exprimibilis, & in solido trilinei quadratici, erit vt 45. ad 13. &c.

PROPOSITIO XIX.

Si solida anteced. proposit. secantur plano basi parallelo. Dabitur ratio tubi cylindrici, ad segmentum annuli ad basim, quod comprehendit.

Sed solida prædicta, secantur plano kR, parallelo plano AZGX. Dico, nos posse assignare rationem tubi cylindrici KDR, ad segmentum annuli exterioris ALIDVPQG, quod comprehendit. Nam in corol. 12. proposit. 11. lib. 2. assignatur ratio totius cylindri kG, ad totum annulum ALMCOQG, ex toto trapezio LMC, reuoluto circa FC: Item in schol. proposit. 13. lib. 3. assignatur ratio cylindri interioris IV, ad annulum interiorem

DI-



DIMCOPV. Ergo non ignorabitur ratio tubi cylindrici kDR, ad reliquum segmentum annulare exteriorem ALIDVPQG. Quare &c.

SCHOLIUM.

Sed in figura superius dicta DBX, ducta I*, parallela DX, ac solido orto ex segmento DI*X, reuoluto circa ID, circumscripto cylindro; cum hic fit ex superioribus dictis, ad illud solidum, vt antedictus tubus cylindricus, ad superius dictum segmentum annulare exteriorem; ergo dabitur etiam ratio dicti cylindri, ad solidum ex DI*X, reuoluto, vt dictum est.

I 2 PRO-

PROPOSITIO XX.

Si quodlibet trilineum parabolicum voluatur ut in proposit. 18. Habebimus in axe annuli geniti eius centrum grauitatis.

NAm, supponentes eadem, quæ in dicta proposit. 18. habemus in FC , centrum grauitatis totius annuli $ABCHG$, orti ex reuolutione ABC , duplicati trilinei circa FC , ex schol. proposit. 29. miscell. Pariter ex schol. proposit. 31. eiusdem miscell. habemus in eadem FC , centrum grauitatis annuli interioris $DBCHV$. Rationem annuli exterioris ex ABD , ad annulum interiorem ex DBC , facile eliciemus ex schol. proposit. 8. lib. 3. Ergo habebimus etiam in FC , centrum grauitatis reliqui annuli exterioris $ABDVHG$. Quod &c.

SCHOLIUM.

Sed cupimus lectorem aduertere, ex alibi à nobis traditis, sibi licere numero exprimere, in qua ratione secetur FC , à centro grauitatis talis annuli exterioris. Nos autem exemplificabimus in annulo ex trilineo parabolico quadratico. In quo ex schol. cit. proposit. 29. miscell. pagina 103. FC , secatur in S , à centro grauitatis totius annuli $ABCHG$, ut FS , sit ad SC , ut numerus trilinei vnitate auctus, ad vnitate

tatem; nempe ut 3. ad 1. seu ut 21. ad 7. Item ex schol. proposit. 31. eiusdem miscell. in calce, eadem FC , sic secatur in N , à centro grauitatis annuli interioris $DBCHV$, ut FN , sit ad NC , ut 26, cum duobus tertijs, ad 10. cum duobus tertijs; nempe ut 5. ad 2. (quod tamen loco supra citato non fuit tunc temporis animaduersum) nempe ut 20. ad 8. Qualium ergo tota FC , est 28. talium FS , est 21; FN , 20; & NS , vnitas. Et qualium NS , erit 13. talium tota FC , erit 364; FS , erit 273. Quoniam vero S , supponitur centrum grauitatis totius annuli $ABCHG$, & N , annuli interioris $DBCHV$, si fiat ut annulus exterior $ABDVHG$, ad annulum interiorem $DBCHV$, sic reciprocè NS , ad ST , patet T , esse centrum grauitatis annuli prædicti exterioris. Sed annulus exterior, est ad annulum interiorem, ut elicitur ex schol. proposit. 8. lib. 3. ut 13. ad 7. ergo quarum NS , est 13. talium ST , erit 7. Sed talium FS , erat 273. Ergo talium FT , erit 280. Cum vero etiam talium tota CF , esset 364; talium reliqua TC , erit 84. T , ergo, centrum grauitatis annuli prædicti exterioris, sic secabit FC , in T , ut FT , sit ad TC . ut 280. ad 84. nempe diuidendo omnia per 4. ut 70. ad 21.

Patet ergo ex dictis, etiam qualiter sit inueniendum in BD , centrum grauitatis solidi ZBX .

PROPOSITIO XXI.

Si quilibet annulus proposit. antec. secetur plano basi parallelo. In axe annuli habebimus centrum grauitatis segmenti annularis ad basim.

Solida antec. proposit. secentur plano kR , parallelo $AZGX$. Dico, in NC , dari centrum grauitatis segmenti annularis exterioris ex $ALID$. Nam licet nullibi à nobis fuerit assignatum in NC , centrum grauitatis totius segmenti annularis $ALMCOQG$, tamen hoc facile potest elici ex à nobis dictis. Etenim, ex dictis in principio schol. proposit. 29. miscel. vniuersaliter, colligitur centrum grauitatis talis solidi sic secare NC , vt secatur ID , à centro grauitatis figuræ $ALMC$. Sed figuræ $ALMC$, docuimus inuenire centrum grauitatis in proposit. 12. lib. 3. Etenim, cum ibidem traditum sit reperire in diametro ID , centrum æquilibrij cuiuscunque infinitorum trapeziorum, assignatus pariter erit modus indagandi in ID , centrum grauitatis duplicati trapezij, nempe figuræ $ALMC$; & consequenter habebimus in NC , centrum grauitatis totius annuli $ALMCOQG$. Pariter, licet nullibi assignatum fuerit centrum grauitatis in NC , segmenti annularis interioris $DIMCOPV$, tamen possumus hoc elicere ex alibi à nobis dictis. Nam, iam patet haberi in NC , centrum grauitatis totius cylindri

IV.

IV. Pariter ex proposit. 37. miscel. habemus in eadem NC , centrum grauitatis portionis fusi parabolici MCO , ortæ ex reuolutione minoris portionis parabolæ MCN , circa basim NC . Cum vero ex schol. proposit. 13. lib. 3. teneamus etiam rationem cylindri IV, ad segmentum annulare interius $DIMCOPV$; habebimus etiam diuidendo, rationem talis segmenti, ad portionem fusi MCO . His tribus datis, patet dari quoque in NC , centrum grauitatis prædicti segmenti annularis $DIMCOPV$. Cum ergo teneamus in NC , tam centrum grauitatis totius segmenti annularis, quam segmenti annularis interioris, si habebimus etiam rationem segmenti annularis exterioris, ad segmentum annulare interius, patet nos etiam posse habere in NC , centrum grauitatis segmenti annularis exterioris. Sed ratio inter hæc segmenta annularia, facile elicitur ex eodem schol. proposit. 13. lib. 3. supra citat. Ergo in NC , possumus habere centrum grauitatis segmenti exterioris $ALIDVPQG$. Quod &c.

SCHOLIUM.

Ex sæpe sæpius repetitis, patet etiam nos habere in ID , centrum grauitatis segmenti solidi ex $DI*X$, reuoluta circa ID .

PRO-


PROPOSITIO XXII.

Si quodlibet ex infinitis trilineis, cum sibi circumscripto parallelogrammo rotetur circa parallelam suae basi, ab ipsa disitam secundum quantitatem axis trilinei. Dabitur ratio tubi cylindrici ex parallelogrammo, ad annulum ex trilineo.

Esto ABD , quodlibet ex infinitis trilineis parabolicis, cuius basis BD , axis AD , & ei circumscriptum parallelogrammum sit ED , quod intelligamus rotari cum trilineo circa FC , parallelam basi BD , sicque ab ipsa distantem, ut AD, DC , sint aequales. Dico, dari rationem tubi cylindrici EDY , ad annulum ex ABD , circa FC . Nam duplicato trilineo ad partes BD , factisque iisdem, ut in proposit. 18. dabitur ratio totius cylindri EG , ad totum annulum $ABCHG$, ex coroll. 6. proposit. 11. lib. 2. Pariter ex prim. part. proposit. 15. lib. 2. datur per conuersionem rationis, ratio cylindri BV , ad annulum interiozem $DBCHV$. Ergo dabitur quoque ratio tubi cylindrici EDY , ad annulum exteriorem. Quod erat ostendendum.

SCHOLIUM.

Hæc quoque ratio dabitur in numeris, quia rationes superiores numero dantur. Et in annulo ex trilineo




neo parabolico quadratico, ipsam sic assignabimus. Ex coroll. 6. cit. proposit. 11. lib. 2. est cylindrus EG , ad annulum totum $ABCHG$, ut 3. ad 1. nempe ut 24. ad 8. cylindrus BV , est ad annulum interiozem $DBCHV$, ex cit. proposit. 15. lib. 2. per conuersionem rationis, ut 4. ad 2. nempe ut 6. ad 3. Ergo reliquus tubus cylindricus EDY , erit ad reliquum predictum annulum exteriorem, ut 18. ad 5.

Sed per BD , ducta semifigura DBX , &c. habebimus etiam rationem cylindri circumscripti solido ZBX , ad ipsum.

PROPOSITIO XXIII.

Si solida ant. propos. secetur plano basi parallelo. Dabitur ratio tubi cylindrici ad segmentum annuli ad basim, quod comprehendit.

Etiam solida prædicta secetur plano kR , AG , plano parallelo, ut sæpe dictum est. Dico, dari rationem tubi cylindrici KDR , ad annulum exteriorem $ALIDVPQG$, quod comprehendit. Hoc probari potest ex alibi à nobis assignatis, ut patebit. Nam, quoniam ex hypothese, supponendum est dari tam IN , quam IM , & MN , quia duplicatum trapezium $ALMC$, supponitur datum; ergo dabitur etiam ratio parallelogrammi IC , ad parallelogrammum cuius basis MN , altitudo NC , quod est circumscriptum semiparabolæ ad verticem MCN . Sed datur etiam ratio talis parallelogrammi, ad semiparabolam ad verticem MCN , ex dictis in proposit. pri. lib. pri. Ergo ex æquali, dabitur ratio parallelogrammi IC , ad semiparabolam ad verticem MCN . Quare & per conuersionem rationis, dabitur ratio parallelogrammi IC , ad trapezium $DIMC$. Ergo dabitur quoque ratio dupli ad duplum, nempe parallelogrammi kC , ad duplicatum trapezium $ALMC$. Sed ut kC , ad figuram $ALMC$, sic ex proposit. 11. lib. 2. & ex proposit. 29. miscell. cylindrus KG , ad segmentum annulare $ALMCOQG$.



QG . Ergo dabitur quoque ratio kG , ad dictum segmentum annulare. Rursum, quoniam ex hypothese, dantur IN , IM , & MN , dabitur quoque ratio quadrati IN , ad quadratum NM . Quare, dabitur quoque ratio cylindri IV , ad cylindrum cuius basis MO , altitudo NC ; nempe ad cylindrum circumscriptum conoidi parabolico ad verticem MCO . Sed ex proposit. 15. lib. 2. datur quoque ratio talis cylindri ad conoides MCO . Ergo dabitur quoque ex æquali, ratio cylindri IV , ad conoides MCO . Et per conuersionem rationis, dabitur quoque ratio cylindri IV , ad segmentum annulare interius $DIMCOPV$. Sed & dabatur ratio totius kG , ad totum $ALMCOQG$. Ergo

dabitur quoque ratio reliqui ad reliquum; nempe
tubi kDR , ad $ALIDVPQG$. Quod erat o-
stendendum.

SCHOLIUM.

Patet ergo, quod si etiam in hoc casu ducatur I^* ,
parallela DX , & concipiamus DI^*X , rotari cir-
ca DI , segmentoque solido orto intelligamus cir-
cumscriptum cylindrum, patet inquam, dari quo-
que rationem talis cylindri, ad illud segmentum so-
lidum.

PROPOSITIO XXIV.

*Si quodlibet trilineum parabolicum cuius exponens sit nume-
rus par voluatur ut dictum est in proposit. 18. Habebi-
mus in axe annuli geniti eius centrum gravitatis.*

Sed concipiamus duplicatum trilineum ABC ,
cuius exponens sit numerus par, rotari circa
 FC , parallelam basi BD , trilinei ABD . Dico in
 FC , haberi centrum gravitatis annuli exterioris
 $ABDVHG$. Nam, ex schol. proposit. 29. miscel.
pag. 104. habemus in FC , centrum gravitatis to-
tius annuli $ABCHG$. Item ex proposit. 15. lib. 4.
habemus centrum gravitatis in FC , annuli interio-
ris $DBCHV$. Ratio quoque annuli exterioris ex
 ABD , ad annulum interiorem ex DBC , non igno-
ratur,

ratur, sed assignata fuit in corol. 2. proposit. 4. lib. 3.
Ergo etiam centrum gravitatis in FC , annuli AB
 $DVHG$, haud ignorabitur. Quod &c.

SCHOLIUM.

Sed nec etiam tale centrum gravitatis est taliter
datum, ut nequeamus numero explicare, in qua ra-
tione secetur FC , ab ipso. Hoc autem, de more,
reperiemus in annulo ex trilineo parabolico quadra-
tico. In quo, quoniam ex schol. citat. proposit. 29.
miscel. FC , sic secatur in S , à centro gravitatis to-
tius annuli $ABCHG$, ut FS , sit ad SC , ut tri-
plus numerus annuli unitate auctus, ad numerum
unitate auctum, nempe ut 7. ad 3. seu ut 21. ad 9.
& pariter cum ex citat. proposit. 15. lib. 4. sic eadem
 FC , secetur in N , à centro gravitatis annuli interio-
ris $DBCHV$, ut FN , sit ad NC , ut 4. ad 2. seu
ut 20. ad 10. sequitur, qualium tota FC , supponi-
tur 30, talium FS , esse 21. FN , 20; & NS , uni-
tas. Cum ergo S , sit centrum gravitatis totius an-
nuli, & N , annuli interioris, si fiat ut annulus exte-
rior, ad annulum interiorem, sic reciproce NS , ad
 ST , erit T , centrum gravitatis annuli exterioris.
Sed cum deducatur ex corol. 2. citat. proposit. 4. lib.
3. esse annulum exteriorem, ad annulum interiorem,
ut 5. ad 3. sequitur qualium NS , est 5. talium ST ,
esse 3. Sed qualium NS , erat unitas, tota FC , erat
30; & FS , 21; ergo qualium NS , est 5. talium
tota

tota FC , erit 108; & FS , quæ erat 21. erit 105. & FT , 108. Ergo reliqua TC , erit 42. Secatur ergo FC , à T , centro grauitatis annuli exterioris, vt FT , fit ad TC , vt 108, ad 42; nempe vt 54. ad 21.

In tali etiam ratione patebit secari BD , à centro grauitatis solidi ZBX ; cuius tamen solidi non habebimus vniuersaliter in BD , centrum grauitatis, sed tantummodo illius solidi, quod considerabimus in annulo, cuius exponens fit numerus par.

PROPOSITIO XXV.

Si quilibet annulus proposit. ant. secetur plano basi parallelo. In axe annuli habebimus centrum grauitatis segmenti annularis ad basim.

Solida anteced. proposit. secentur plano KR , basi parallelo. Dico in NC , nos posse assignare centrum grauitatis segmenti annularis ad basim ex $ALID$. Centrum grauitatis totius annularis segmenti $ALMCOQG$, nunquam assignauimus, attamen possumus ipsum notare. Nam, cum intelligentes kD , parallelogrammum appensum secundum ID , habeamus in medio puncto ID , eius centrum æquilibrij; & pariter habeamus in eadem ID , centrum æquilibrij semiparabolæ ad verticem kAL , ex schol. 2. proposit. 2. lib. 3. & ex dictis supra in proposit. 23. habeamus rationem trape-

zij $ALID$, ad semiparabolam ad verticem kLA ; habebimus etiam in ID , centrum æquilibrij trapezij $LIDA$: & consequenter centrum grauitatis duplicati trapezij $ALMC$: & consequenter in NC , centrum grauitatis annuli $ALMCOQG$, ex schol. proposit. 29. miscell. Item cum in NC , habeamus tam centrum grauitatis cylindri IV , quam conoidis ad verticem MCO ; & ex dictis in progressu proposit. 23. habeamus etiam diuidendo, rationem annuli interioris $DIMCOPV$, ad conoides ad verticem MCO ; tenebimus pariter centrum grauitatis prædicti annuli interioris $DIMCOPV$. Duo ergo habemus necessaria nostro instituto, nempe centra grauitatis totius segmenti annularis, & segmenti annularis interioris. Sed etiam possumus habere, vt statim patebit, ratio segmenti annularis exterioris ad segmentum annulare interius. Ergo in NC , habebimus etiam centrum grauitatis segmenti annularis exterioris.

Quod vero possumus etiam assignare rationem segmenti annularis exterioris, ad segmentum annulare interius, sic patebit. Si intelligamus IC , parallelogrammum appensum secundum IN , non solum habebimus in eius puncto medio centrum æquilibrij ipsius, sed etiam in semibasi NM , centrum æquilibrij semiparabolæ ad verticem MCN , ex dictis in schol. 2. proposit. 2. lib. 3. Cum vero etiam ex dictis in progressu proposit. 23. non ignoretur ratio trapezij $DIMC$, ad semiparabolam ad verticem

cem MCN , habebimus etiam in $I N$, siue in DC , centrum æquilibrij trapezij $DIMC$. Hoc habito, ex proposit. 4. lib. 3. pariter tenebimus rationem ad inuicem solidorum factorum ex reuolutione eiusdem trapezij $DIMC$, tam circa NC , quam circa ID . Quare etiam tenebimus rationem duorum solidorum ex trapezio $DIMC$, circa DI , cum vno ex eodem circa NC , ad vnum solum circa NC . Sed ex proposit. 6. illa tria sunt æqualia segmento annulari exteriori $ALIDVPQG$. Ergo habebimus etiam rationem prædicti segmenti annularis exterioris, ad segmentum annulare interius.

SCHOLIUM.

Ex replicatis autem in superioribus ad fatietatem vsque, patebit, dari etiam in ID , centrum grauitatis segmenti solidi geniti ex rotatione $DI \times X$, circa ID .

Recolenti nunc superius à nobis asserta innotescet, propositas fuisse quamplurimas figuras planas, inter quas aliquæ sunt geometris totaliter nouæ, nec ab ipsis aliquando consideratæ; sicuti nec vnquam ab ipsis fuerunt contemplata solida quædam ab ipsis genita, nec ipsorum centra grauitatis. Mensuram nonnullorum solidorum, atque ipsorum centra grauitatis tradidimus nos; figuras vero solidorum genitricas, relinquimus alijs speculandas pro nunc: forsitan & nos

& nos aliquando circa ipsas aliquid determinabimus, si tamen venerit in mentem. Sed quæ sint hæc noua plana, nunc paucis perstringemus.

In proposit. 2. ac in scholijs ipsius, secauimus infinita conoidea parabolica plano æquidistanter axi, ac ad parabolam genitricem erecto, & considerauimus infinitas figuras genitas ex tali sectione. Nec aliquid aliud scimus, nisi quod si sic secetur primum conoides, nempe conus, figura genita erit hyperbola, cuius vtique ignoratur quadratura. Si vero sic secetur conoides parabolicum quadraticum, figura item genita erit parabola quadratica, cuius vtique habemus quadraturam. Sed figurarum genitarum ex sectione aliorum conoideorum ab his, ignoramus & naturam, & mensuram.

In proposit. 4. diximus, quod si conoides hyperbolicum sic secetur, figura genita erit hyperbola. Pariter in proposit. 5. docuimus sectis sic sphaera, & sphaeroides, sectiones esse quidem in illa circulum, in hoc vero ellipsim. Agnouimus vtique qualitates figurarum harum, sed mensuræ vsque nunc geometris sunt ignotæ, & fortassis sic manebunt in æternum, & ultra.

In proposit. 7. cuius schema denuo intueatur ibidem, considerauimus figuram ZBX , ortam ex plano secante anulum $ABCHG$, ortum ex reuolutione parabolæ cuiuscunque ABC , circa FC , per BD , & ad ABC , parabolam genitricem erecto. Omnium harum figurarum ZBX , ignoramus condi-

tionem: solum scimus in primo annulo, nempe in illo qui oritur ex supposito triangulo ABC , reuoluto, esse hyperbolam. Quod utique modicè etiam conica Apollonij callenti innotescet.

In proposit. 13. cuius schema item inspiciatur, considerauimus figuras EFH , genitas ex plano secante infinitos semifusos parabolicos ABC . Harum pariter naturas ignoramus, nisi genitæ in primo, quæ utique erit hyperbola.

In proposit. 14. considerauimus semicycloidem primariam ABD , cuius basis BD , duplicari ad partes BD , ac figuram ABC , constantem ex duabus semicycloidibus primarijs rotari circa FC , atque annulum genitum secari plano ZBX , æquidistanter FC , erectoque ad ABC . Genita figura est ZBX , cuius natura penitus vsque modo est incognita.

In proposit. 15. verba fecimus de infinitis conicis circa diametrum. Diximus enim in dicta proposit. & in scholijs eidem annexis, infinitos conicos ABC , circa axim BD , secari plano FGV , modo vsque nunc explicato. Figurarum FGV , symptomata nobis sunt recondita, solummodo nobis est in apertum in primo conico, nempe in cono, FGV , esse hyperbolam.

In proposit. 18. discursum fuit de infinitis figuris ZBX , ortis ex plano secante, consueto modo, infinitos annulos $ABCHG$, ortos ex reuolutione infinitarum figurarum ABC , quæ sint constantes

ex

ex duplicato trilineo ABD , cuius axis BD , ad partes BD . Etiam nunc solius figuræ ZBX , in primo annulo scimus naturam, nempe esse hyperbolam; reliqua ignoramus.

Tandem in proposit. 23. locuti sumus de infinitis figuris ZBX , ortis consueto modo, planis ductis per BD , in infinitis annulis $ABCHG$, ortis ex reuolutione figurarum ABC , quæ sint constantes ex duobus trilineis sic dispositis, ut bases BD , ipsarum, euadant communis axis. Nec etiam figuras has ZBX , plus aliarum vsque nunc expositarum agnosceremus, sed tantum scimus solum in primo annulo ZBX , esse hyperbolam.

Hæ sunt ergo nouæ figuræ planæ circa quas geometra operari potest, perquirendo ipsarum naturam, quadraturam, centra grauitatis &c. (si tamen horum aliqua sunt reperibilia) Nos enim in præsentibus de ipsis nullam maiorem tenemus notitiam traditam. Solum, ut licuit notare, ex superioribus, agnouimus mensuram, & centra grauitatis solidorum ex ipsis circa axim, sicuti & ipsorum segmentorum resectorum planis basibus parallelis. Sed sicuti in miscellaneo nostro ex sola mensura conoidis hyperbolici, & ex supposita quadratura hyperbolæ, quamplura tradidimus; sic in præsentibus, supponentes tantum prædictarum figurarum quadraturas, nobis liceret de iudicare ea omnia, quæ deduximus circa hyperbolam in miscellaneo citato.

SCHOLIUM II.


Dum impressio huiusceprimæ partis ad umbilicum fere deducta esset, coacti fuimus ipsam prætermittere, ac à patria discedere, ut fungeremur officio nostro visitandæ Prouinciæ nostræ Religionis iuxta morem annualem: qua visitatione expleta, consequenter fuit necesse Bononiam petere, ibique per aliquot dies commorari, ac incumbere rebus grauioribus religionis. Non tamen tunc temporis à rebus geometricis penitus abstinuimus, sed quotiescunque aderat opportunitas animum recreabamus ijs speculationibus, quas admirabilis Torricellius de motu conscripsit. Hac ergo occasione fuit à nobis animaduersum, ipsum in lib. 2. lem. ad proposit. 37. ostendisse illud idem, quod nos incidenter patefecimus supra in schol. 2. proposit. 2. nimirum, quod si conoides parabolicum quadraticum secetur plano parabolæ genitrici annuli erecto, & æquidistanter axi, sectio erit parabola. Sed non modo ostendit hoc, sed amplius esse eandem parabola cum genitrice conoidis, nempe cum ipsa habere idem latus rectum. Ast antea ex lem. ad proposit. 31. arripuimus occasionem aliquid aliud ostendendi. In dicto ergo lem. egregie, iuxta morem, animaduertit Torricellius, quod si in seq. schem. HAC, HDF, sint duæ semiparabolæ æquales, nempe habentes idem latus rectum, ipsas asymptotos esse, hoc est semper

magis,

magis, magisque inuicem accedentes, ac nunquam concurrentes. Demonstratio facillissima videatur in loco citat. Torricellij, ac lector recipiat sequentes notitias.

PROPOSITIO XXVI.

Si HAC, HDF, sint æquales semiparabolæ quadraticæ, & Dk, sit parallela HC, sitque parallelogrammum MH, ut MD, DK, sint æquales, & intelligamus omnia rotari circa DH. Excessus frusti conoidalit ex DkCH, supra conoides ex HDF, erit æqualis cylindro ex MH, tam secundum totum, quam secundum partes proportionales.



Acci-


Accipiaturs arbitrarie punctum *G*, ac per ipsum transeat planum *OB*, parallelum plano ex *HFC*, & sit *AN*, latus rectum semiparabolarum. Quoniam quadratum *BG*, est æquale rectangulo *GAN*, & quadratum *GE*, æquatur rectangulo sub *GD*, & sub *AN*; ergo differentia quadratorum *BG*, *GE*, erit æqualis rectangulo *DAN*; nempe quadrato *Dk*; nempe quadrato *DM*, nempe quadrato *OG*. Ergo etiam differentia circularum ex semidiametris *GB*, *GE*, erit æqualis circulo cuius radius *OG*. Ergo armilla circularis ex *EB*, circa *DH*, erit æqualis circulo ex *OG*, circa *DH*. Cum ergo punctum *G*, sumptum sit arbitrarie, ergo omnes armillæ circulares ex quadrilatero *DkCF*, circa *DH*, erunt æquales omnibus circulis ex *MH*, circa *DH*; nempe excessus frusti conoidalis ex *HDKC*, circa *DH*, supra conoides ex *HDF*, erit æqualis cylindro ex *MH*.

Quod vero ostensum fuit de totis, est manifestum probari quoque posse de partibus proportionalibus. Quare patet propositum.

SCHOLIUM.

Sed hæc non sistit discursus noster, ulterius progreditur. Patet enim ex sæpe sæpius decantatis doctrinis, excessum, & cylindrum dictum, etiam ad partes *HC*, in infinitum productos, esse quantitates

pro-



proportionaliter analogas tam in magnitudine, quàm in gravitate, tam secundum totum quam secundum partes proportionales. sicuti ergo cylindrus ex *MH*, in infinitum producto est corpus sibi simile, nimirum quod eius partes resectæ circulis circulo ex *MD*, parallelis, sunt in eadem ratione cum partibus axis; v. g. ut *HG*, ad *GD*, sic est cylindrus ex *OH*, ad cylindrum ex *MG*; sic etiam erit ut *HG*, ad *GD*, sic excessus dictus ex *FEBC*, ad excessum ex *EDkC*. Pariter sicuti centrum gravitatis cuiuslibet partis huius infiniti cylindrici est in medio axis. v. g. cylindri ex *MH*, est centrum gravitatis in medio *DH*, sic in medio *DH*, erit centrum gravitatis

tis

tis excessus prædicti ex $FDKC$. Hæc omnia sunt nimis clara ijs, qui antecedentia perceperunt.

Patet ergo etiam excessum præsentem esse corpus simile ijs, quæ explicauimus in schol. 2. proposit. 19. miscel. Sed hæc videat lector loc. citat. nobis enim ad secundam partem huius operis est prope-
randum.

Finis Primæ Partis.

ML



MISCELLANEI GEOMETRICI,

PARS SECUNDA.


IN QVA AGITVR DE CENTRIS ÆQVILIBRII
in basibus, & grauitatis in altitudinibus quam-
plurium truncorum cylindricorum
diagonaliter resectorum.



N lib. 2. de infinit. parab. explica-
uimus doctrinam quandam de
truncis infinitorum cylindrico-
rum, quam pro imposterum per-
cipiendis, necesse est lectorem per-
optime callere: etenim ex ipsa de-
ducemus quamplurima noua symptomata, quorum
notitias non putamus ipsi ingratas fore futuras. Sed
in primis operæ pretium est ipsum reminisci,
quod vniuersaliter deduximus in schol. 3. proposit.
10. citat. lib. nimirum, existente ABD , qualibet
figura circa diametrum BE , ipsique circumscripto
parallelogrammo FD , ac tam super ipso, quam
super figura intellectis y indricis rectis æquealtis
M GD,

M


GD,



GD, & ABDLHM, sectis plano diagonaliter
 transeunte per AD, & per KG; esse prisma
 AFGkCD, ad truncum sinistrum ABDH, ut
 cylin-

cylindrus ex FD, ad solidum rotundum ex ABD, reuolutis ambobus circa DA. Item, esse aliud prisma, ad alium truncum dexterum, ut cylindrus ex FD, circa FC, ad annulum ex ABD, circa FC. Hæc doctrina fusius videatur loco citat. explicata, etenim ex ipsa non parum ampliavimus doctrinam, quam habet Andreas Tacquet in suis cylindrorum, & annularium libris; nimirum cubavimus varios truncos cylindricorum super diuersis figuris existentium, ut fusè patefactum fuit in schol. . . proposit. ultimæ lib. 2. & serè innumeris vicibus licuit animaduvertere tum in alijs libris de infinitis parabolis, tum in nostro miscellaneo hyperbolico, &c.

Sed præsentem doctrinam magis, magisque possumus amplificare ex dictis supra in prima parte; nam possumus cubare omnes truncos sinistros cylindricorum existentium super dimidijs omnium illarum figurarum, quas geometris considerandas proposuimus. V. g. si ABF, in sequenti figura, nobis repræsentet dimidiam figuram EGF, secantem quodlibet conoides parabolicum cuiuscumque sit speciei, ut dictum est in proposit. 2. & in schemate illius, & AF, repræsentet axim FG, illius figuræ, huic vero sit circumscriptum rectangulum DF, & tam super ipso, quam super figura intelligamus cylindricos æquealtos sectos plano diagonaliter transeunte per AF, & per kO. Habebimus rationem prismatis ADkOFB, ad truncum sinistrum ABFO. Quia habemus etiam in dicta proposit. 2. rationem




cylindri ex DF, circa FA, ad solidum rotundum ex semifigura ABF, circa axim FA. Quod vero dictum est de hac, intelligatur etiam de cæteris figuris, quas scholio ant. recitauimus.

Sed doctrina de truncis, non modo potest ampliari vt dictum est, sed etiam alio modo, nimirum, indagando centra grauitatis in altitudinibus, & æquilibrium in basibus variorum truncorum cylindricorum, quod vtique erit subiectum huius secundæ partis. De

his

his centris, quæ nos deinceps assignabimus, nescimus aliquem verba fecisse, Caualerio excepto, qui pauca in exercit. geomet. exercit. 5. circa hanc materiam recensuit, quæ & nos infra explicabimus. Sed vt ad rem proprius accedamus, diligentius quam fieri poterit, explicabimus ea, quæ continentur in proposit. 10. lib. 2.

In qua supponentes in schem. sequenti ABC, esse quamlibet figuram circa diametrum BD, & super ipsa existere cylindricum rectum ABCGEF, sectum diagonaliter plano transeunte per AC, & per E: probauimus tam truncum sinistrum ABCE, esse ad solidum ex ABC, circa CA, vt EB, ad circumferentiam circuli cuius radius BD; quam truncum dexterum ACGEF, esse ad solidum ex ABC, reuoluta circa ductam per B, ipsi AC, parallelam, vt EB, ad eandem circumferentiam. Propositionem probauimus, & per indiuisibilia, & more antiquorum, sed ipsam ostendemus aliter, ac ibidem factum fuit, per indiuisibilia. Sic ergo.




PRO-

PROPOSITIO PRIMA.

Propositio 10. lib. 2. aliter ostensa.

VT etiam in dicta propositione 10. factum est, ad euitandam confusionem, ostendemus hoc in trunco sinistro, & in solido rotundo ex ABC, circa AC; eadem etenim erit demonstratio in alio trunco, vt consideranti patebit. Immo vt distinctius procedamus, ostendemus hoc in sequenti figura in dimidio trunco ABDE, existente super dimidia figura ABD, comparando eum cum solido orto ex rotatione ABD, circa AD. Exponatur ergo predictus truncus seorsim acceptus, qui sit ABDE, ad ducta DE, erit triangulum DBE, erectum ad planum ABD. Accipiatur arbitrariè punctum H, ac per ipsum intelligamus transire planum HFk, parallelum triangulo EBD. Erit ergo etiam HFk, triangulum; & si ducatur FG, parallela AD, & per punctum G, in plano BED, ducatur GL, parallela EB, & kF; facillime patebit, triangulum LGD, esse simile, & æquale triangulo kFH; & consequenter triangulum HFk, esse simile triangulo EBD, & esse vt kF, ad FH, sic EB, ad BD. Et permutando, vt EB, ad kF, sic BD, ad FH. Sed vt BD, ad FH, sic circumferentia circuli cuius radius BD, ad circumferentiam circuli cuius radius FH. Ergo vt EB, ad kF, sic circumferen-

ferentia ex radio BD, ad circumferentiam ex radio FH. Et permutando, vt EB, ad circumferentiam ex radio BD, sic kF, ad circumferentiam ex radio FH. Porro, vt kF, ad circumferentiam ex radio FH, sic ex schol. proposit. 6. lib. 2. triangulum kFH, ad circumferentiam ex radio FH, circa AD, reuoluta. Ergo & vt EB, ad circumferentiam ex BD, sic triangulum kFH, ad circumferentiam ex radio FH, circa AD. Sed punctum H, ad libitum acceptum fuit. Ergo & vt vnum ad vnum, ita omnia ad omnia. Ergo & vt EB, ad circumferentiam radij BD, sic omnia triangula trunci ABDE, parallela triangulo DBE, ad omnes circulos solidi rotundi geniti ex figura ABD, reuoluta circa AD, parallelos circulo genito à BD. Ergo & sic truncus ad solidum rotundum. Quod erat ostendendum.




S C H O L I U M.

Sed lector diligenter animaduertat, quod probatum fuit de totis prædictis solidis, probari etiam posse de partibus ipsorum proportionalibus. Non solum enim verum est, totum truncum $ABDE$, esse ad totum solidum ex ABD , vt EB , ad illam circumferentiam, sed etiam partem trunci $AFkH$, esse ad partem solidi rotundi ortam ex AFH , reuoluta circa AD , in dicta ratione. Et pariter, esse residuam partem trunci, ad residuam partem solidi ex $HFBD$, vt EB , ad circumferentiam radij BD . Quare erit & vt pars trunci AHK , ad partem solidi ex AFH , sic reliqua pars trunci, nempe $HkFBED$, ad reliquam partem solidi rotundi ex $HFBD$. Ergo & permutando, partes trunci erunt ad inuicem, vt partes solidi rotundi; nempe, pars trunci $DEBFHk$, erit ad partem $HkFA$, vt pars solidi rotundi genita ex $HFBD$, ad partem genitam ex AFH . Idem probaretur de cæteris partibus proportionalibus. Quare vniuersaliter potest deduci, iuxta doctrinas explicatas in nostro 4. lib. truncum $ABDE$, & solidum ex ABD , circa AD , esse quantitates proportionaliter analogas, tam in magnitudine, quam in grauitate, tam secundum totum, quam secundum partes proportionales.

Item, quoniam ducta kL , non solum pars trunci


ci $KHFBED$, est ad partem solidi ex $HFBD$, vt EB , ad circumferentiam radij BD , sed etiam facile probari potest, esse etiam prisma $HFkLGD$, ad cylindrum ex FD , circa DA , in prædicta ratione; ergo etiam erit vt EB , ad circumferentiam radij BD , sic reliquum ad reliquum; nempe pars trunci $FBELk$, ad annulum ortum ex FBG , reuoluta circa DA . Quod si mente intelligamus accipi inter G, F , quodlibet punctum, ac per ipsum transire planum parallelum trapezio $EBGL$, secans solidum $FBELk$, in duas partes, & pariter FBG ; eodem modo patebit, quamlibet partem illius solidi, esse ad partem annuli factam à parte ipsius FBG , sibi correspondente, vt EB , ad circumferentiam radij BD . Item permutando, esse partem trunci ad partem trunci, vt pars annuli ad partem annuli. Quare rursus deducemus, iuxta doctrinas in dicto 4. lib. explicatas, segmentum $FBELk$, & annulum ortum ex gyratione FBG , circa AD , esse



esse quantitates proportionaliter analogas, tam in magnitudine, quam in grauitate, tam secundum totum, quam secundum partes proportionales. Omnium ergo horum solidorum centra æquilibrj, & grauitatis proportionaliter secabunt AD. V.g. in eodem puncto secabitur AD, à centro æquilibrj trunci ABDE, & à centro grauitatis solidi rotundi x ABD; sic dicatur de cæteris.

SCHOLIUM II.

Licet propositio probata sit de trunco sinistro cylindrici existentis super semifigura ABD, habente basim, AD, attamen est vniuersalissima, & verificatur etiam de figuris basi carentibus. V.g. sit quælibet figura ABCD, circa diametrum AC, & super dimidia ipsius ABC (sufficit enim ostendere in dimidia) intelligamus ABCE, truncum sinistram cylindrici recti secti plano transeunte per CF, erectam ipsi AC, à puncto C, in plano ABC, & per E, punctum in latere erecto à puncto A, plano ABC. Ostensum quoque est ex dicta proposit. 10. lib. 1. & facile probari potest secundum antecedentia, truncum CABE, esse ad solidum rotundum ex ABC, circa CF, vt EA, ad circumferentiam radij AC: & ad modum superiorum potest deduci, truncum prædictum, cum annulo ex ABC, circa CF, esse quantitatē proportionaliter analogam, tam in magnitudine, quam in grauitate, tam secundum totum, quam



quam secundum partes proportionales. Ex quibus deducetur, quod si CF, sit axis solidi rotundi, quod eodem modo secabitur à centro grauitatis solidi rotundi, & à centro æquilibrj trunci appensi secundum CF.

Sed intelligamus quodlibet planum GOHB, erectum plano ABC, ac secans truncum in duo segmenta. Patet ex supra dictis, partem ipsius GHC, esse quantitatē proportionaliter analogam cum annulo orto ex reuolutione segmenti GBC, circa FC (est enim GBC, semifigura circa diametrum GC:) quare etiam reliqua pars trunci GHEA,

erit proportionaliter analoga cum annulo orto ex reuolutione ABG , circa FC . Eodem ergo modo secabitur FC , à centro grauitatis illius annuli, & à centro æquilibrij illius segmenti trunci appensi secundum FC .

Sed cylindricus erectus super ABC , non fecetur plano transeunte per CF , & per E , sed intellecta KL , parallela FC , intelligamus etiam planum diagonale transire per kL , & per punctum E . Si geometra obseruauerit, quæ diximus in citat. proposit. 10. lib. 2. & in præfenti, facile probabit, truncum sinistram illius cylindrici, esse ad annulum latum ex ABC , circa KL , ut EA , ad circumferentiam à radio Ak , genitam. Ex quibus consequenter ad superius dicta eliciet, truncum prædictum cum antedicto annulo lato, esse pariter quantitatem proportionaliter analogam, tam in magnitudine, quam in grauitate, tam secundum totum, quam secundum partes proportionales. Quare agnoscat, LK , secari eodem pacto à centro grauitatis annuli lati, & à centro æquilibrij illius trunci sinistri appensi secundum Lk .

Quot igitur centra æquilibrij variorum truncorum sint reperibilia, ex sparsim dictis in nostro 4. lib. in miscellaneo hyperbolico, & in prima parte huius operis, infra patebit. Sed prius de verbo ad verbum hoc in loco transcribenda est proposit. 21. exercit. 5. Caualerij, quæ erit nobis.


PRO-

PROPOSITIO II.

Si cylindricus $EFGCBA$, in oppositis basibus ABC , EFG , constitutus, quæ singule sint parallelogrammum, vel una quæcunque ex saepe dictis infinitis parabolis, seu trilineis circa diametros BD , FH , & in basibus AC , EG , existentibus plano per verticem unius diætarum oppositarum basium, & per basim alterius transeunte, ut per B , EG , secetur: sit autem L , centrum grauitatis basis EFG , & subinde centrum æquilibrij cylindrici $EFGCBA$, & fiat ut FH , ad duplam LH , ita Fk , ad KH ; & ut FH , ad HL , ita FM , ad MH . Erunt K , M , centra æquilibrij truncorum; K quidem eius, quod tribus superficiebus EFG , EBG , $EFGBE$, vel quatuor; & M , reliqui, quod quinque EBG , ABC , $EACG$, EBA , GBC , comprehenditur.

DVcantur BL , & HN , quæ bifariam fecet ipsam BF , in N , ijs concurrentibus in I , iungaturque Ik . Quoniam ergo in duas rectas HF , BF , ab earum terminis H , B , reflectuntur duæ rectæ HN , BL , erit per ostensa à Ptolemæo lib. pri. Almagesti cap. 12. proportio ipsius HL , ad LF , composita ex proportione HI , ad IN , & NB , ad BF . At si inter HL , LF , de foris sumamus duplam HL , eadem ratio ipsius HL , ad LF , erit composita ex rationibus HL , ad duplam HL , & duplæ

duplæ HL, ad LF.
 Ergo duæ rationes HI,
 ad IN, & NB, ad
 BF, æquantur duabus
 rationibus, nempe ip-
 sius HL, ad duplam
 HL, & duplæ HL,
 ad LF. Sed ratio ipsius
 HL, ad duplam HL,
 eadem est rationi ipsius
 NB, ad BF, cum ytra-
 que sit subdupla. Er-
 go ratio duplæ HL,
 ad LF, eadem est ra-
 tioni HI, ad IN. Quia vero vt FL, ad du-
 plam LH, ita ex constructione, Fk, ad kH,
 erit conuertendo, vt dupla HL, ad LF, hoc est
 per ostensa, vt HI, ad IN, ita HK, ad KF. Erit
 ergo Ik, parallela FB. Quoniam vero I, est cen-
 trum grauitatis trunci EFG B, quia HN, transit
 per centra grauitatis omnium parallelogrammorum,
 quæ fiunt à secantibus planis ipsi EC, parallelis; &
 BL, transit per centra grauitatis omnium parabola-
 rum, vel trilineorum in trunco EFG B, concepto-
 rum, ac ipsi basi EFG, æquidistantium (quia ex
 ostensis in proposit. 2. lib. 1. & in scholio eiusdem, omnes
 illæ parabole, sunt eiusdem generis, & pariter eiusdem ge-
 neris sunt omnia trilinea, quæ omnia nisi essent eiusdem
 generis non verificaretur assertum.) Ideo erit K,
 eius-



eiusdem trunci centrum æquilibrij.

Rursum, quia vt truncus inferior EABC G, ad
 superiorem EFG B, ita est FL, ad LH; (ex propo-
 sit. 1. lib. 3.) & vt FL, ad duplam LH, ita ex constru-
 ctione, est Fk, ad kH: ideo vt FL, ad LH, seù vt
 truncus inferior ad superiorem, ita erit Fk, ad di-
 midiam kH. Et componendo, vt FH, ad HL, seù
 ex constructione, vt FM, ad MH, ita erit Fk, cum
 dimidia kH, ad dimidiam kH. Et iterum compo-
 nendo, vt Fk, cum duobus dimidijs kH, seù cum
 kH, hoc est vt tota FH, ad dimidiam kH, ita erit
 eadem FH, ad HM. Ergo HM, erit dimidia kH.
 Cum vero ostensum sit, FK, ad dimidiam KH, esse
 vt FL, ad LH: erit FK, ad MH, vt tota FL, ad
 totam LH. Vnde reliqua KL, ad reliquam LM,
 erit vt tota FH, ad totam LH; scilicet vt truncus in-
 ferior ad superiorem. Cum ergo L, sit centrum æ-
 quilibrij totius cylindrici, & K, trunci superioris,
 erit M, centrum æquilibrij trunci inferioris. Licet
 autem figura exhibeat parabolam, idem tamen cur-
 rit in parallelogrammo, & in quocunque trilineo,
 quia BL, HN, sunt semper axes grauitatis in huius-
 modi truncis, talibus cylindricorum suppositis ba-
 sibus.

SCHOLIUM.


Cum ergo punctum K, sit centrum æquilibrij to-
 tius trunci superioris GEFB, sequitur quod si in se-
 misi-

in figura HFE, mente intelligamus duci per K, parallelam EH, in aliquo puncto ipsius erit centrum æquilibrij dimidij trunci superioris HEFB. Pariter si per punctum M, ducatur parallela EH, in aliquo puncto ipsius erit centrum æquilibrij dimidij trunci inferioris DBAEH.

Punctum K, ergo centrum æquilibrij trunci superioris diuidit FH, in K, vt FK, sit ad KH, vt FL, ad LH, duplam: sed cum in infinitis parabolis ex schol. prim. proposit. 2. lib. 3. FL, ad LH, sit vt numerus parabolæ vnitæ auctus, ad numerum parabolæ; erit FL, ad duplam LH, vt numerus parabolæ vnitæ auctus, ad duplum numerum parabolæ. Erit ergo FK, ad KH, vt numerus parabolæ vnitæ auctus, ad duplum numerum parabolæ. Nempe in prima, vt 2. ad 2. In secunda, vt 3. ad 4. in tertia, vt 4. ad 6. & sic in infinitum, augendo antecedens vnitæ, consequens vero binario. Item, quoniam M, centrum æquilibrij trunci inferioris, diuidit FH, in M, vt sit FM, ad MH, vt FH, ad HL, & rursus cum sit FL, ad LH, vt numerus vnitæ auctus ad numerum, erit componendo FH, ad HL, vt duplus numerus vnitæ auctus, ad numerum. Erit ergo FM, ad MH, vt duplus numerus parabolæ vnitæ auctus, ad numerum. Nempe in prima parabola, vt 3. ad 1. In secunda vt 5. ad 2. In tertia vt 7. ad 3. & sic in infinitum, augendo antecedens binario, consequens vero vnitæ.

Sed si DBA, supponatur esse quodlibet ex infinitis

nitæ trilineis cuius diameter BD; quoniam in talibus trilineis, ex loc. citat. est FL, ad LH, vt numerus trilinei vnitæ auctus, ad vnitatem; erit FL, ad duplam LH, vt numerus vnitæ auctus, ad binarium. Erit ergo FK, ad KH, vt numerus trilinei vnitæ auctus, ad binarium. Nempe in primo, vt 2. ad 2. In secundo, vt 3. ad 2. In tertio vt 4. ad 2. & sic in infinitum, augendo antecedens vnitæ, & retinendo binarium pro consequenti. Pariter in trunco inferiori, quoniam componendo, est FH, ad HL, vt numerus trilinei binario auctus, ad vnitatem; erit etiam FM, ad MH, vt numerus binario auctus, ad vnitatem. Nempe in primo, vt 3. ad 1. In secundo, vt 5. ad 1. In tertio, vt 7. ad 1. Et sic in infinitum, augendo semper antecedens binario, & retinendo vnitatem pro consequenti.



SCHOLIUM II.


Nunc coniungamus simul parallelogrammum cum superioribus figuris, seu cum dimidijs ipsarum
 O faci-

facilitatis gratia. Intelligamus ergo ABF , in sequenti schemate, esse quamlibet ex infinitis semiparabolis, cuius diameter BF , basis AF , & DF , sit parallelogrammum ipsi circumscriptum, & super parallelogrammo intelligamus paralelepipedum rectum kF : patet hoc dividit in duos cylindricos, quorum bases semiparabola ABF , & trilineum ABD . Quod si intelligamus duci planum diagonaliter per FA , & per Ok , hoc secabit paralelepipedum, & duos cylindricos, in duos truncos; paralelepipedum quidem in duo prismata $ADBFOk$, sinistrum, & dexterum $KOECAE$: cylindricum super semiparabola in truncum sinistrum $ABFO$, & dexterum $OCEFA$: & cylindricum super trilineo ADB , in truncum sinistrum $ADBOk$, & dexterum $kOCA$. Amplius, prisma sinistrum paralelepipedum, constabit ex truncis sinistris cylindricorum existentium super semiparabola, & trilineo; sicuti prisma dexterum constabit ex truncis dexteris. Hinc fit, quod cum in OE , habeamus centrum æquilibrii prismatis sinistri, & pariter trunci sinistri $ABFO$, cylindrici existentis super semiparabola (est enim hic truncus sinister, idem cum trunco $HEFB$, schematis superioris, quia idem est in illo schemate, secare cylindricum plano transeunte per EH , & per B , ac in præsentis, secare cylindricum plano transeunte per FA , & per O) pariter cum ex alibi à nobis dictis, possimus elicere rationem trunci sinistri cylindrici super semiparabola, ad truncum sinistrum

cylind-

cylindrici super trilineo, habebimus etiam in OE , centrum æquilibrii trunci sinistri $ADBOk$, cylindrici existentis super trilineo. Eodem modo ostendemus, posse haberi in OE , centrum æquilibrii trunci dexteri $kOCA$, cylindrici existentis super trilineo, quia habemus centra æquilibrii prismatis dexteri, & trunci dexteri cylindrici existentis super semiparabola; & pariter ex alibi à nobis dictis, habemus rationem trunci dexteri super semiparabola, ad truncum dexterum super trilineo.

Sed trunci sinistri $ADBOk$, centrum æquilibrii, non secatur OE , secundum aliquam pulchram seriem, quamvis numero possit exprimi, in qua ratione secetur OE , à tali centro æquilibrii; quod nos exemplificabimus in semiparabola quadratica. In qua, quia ex dictis in schol. anteced. OE , secatur ab H , centro æquilibrii prismatis $ADBFOk$, ut OH , sit subdupla HE ; & pariter sic secatur in G ,




O 2 cen-

centro æquilibrij trunci finistri $ABFO$, vt OG , fit ad GE , vt 3. ad 4. nempe vt 9. ad 12. ergo, quarum tota OE , erit 21. OH , erit 7. OG , erit 9; & HG , erit 2. Ergo quarum HG , erit 14. talium tota OE , erit 147. OH , 49. & OG , 63. Cum ergo ex schol. 1. proposit. 14. lib. 2. fit prisma $ABDFOk$, ad truncum finistram $ABFO$, vt 15 ad 8. quia sic est cylindrus ad semifusum ex ABF , circa AF ; erit diuidendo, truncus $ABDkO$, ad truncum $ABFO$, vt 7. ad 8. seu vt 14. ad 16. Fiat GH , ad HL , vt $ABDkO$, ad $ABFO$. Ergo L , erit centrum æquilibrij trunci $ABDkO$, & HL , erit 16, quorum OH , erat probata 49. Ergo reliqua OL , erit talium 33. Sed talium tota OE , erat 147. Ergo talium reliqua LE , erit 114. L , ergo, centrum æquilibrij trunci finistri $ADBOk$, cylindrici existentis super trilineo, sic secabit OE , vt OL , fit ad LE , vt 33. ad 114. nempe vt 11. ad 38.

Pariter exponemus e. g. in numeris in parabola quadratica, in qua ratione secetur OE , à centro æquilibrij trunci dexteri $AkOC$, cylindrici existentis super trilineo ADB . Sit H , centrum æquilibrij totius prismatis dexteri $KOECAF$, & G , sit pariter centrum æquilibrij trunci dexteri $COEFA$, cylindrici existentis super semiparabola. Ergo ex schol. anteced. OH erit ad HE , vt 2. ad 5. nempe vt 14. ad 7. & OG , erit ad GE , vt 5. ad 2. nempe vt 15. ad 6. Quarum ergo tota OE , erit 21. talium

OG ,

OG , erit 15. OH , 14. & GH , 1. Si ergo fiat vt $AkOC$, ad $COEFA$, sic reciprocè GH , ad HL , erit L , centrum æquilibrij trunci $AkOC$. Sed cum totum prisma sit ad $COEFA$ (quia ad ipsum est vt cylindrus ex DF , ad annulum ex semiparabola ABF , circa DB , ex schol. 3. prop. 10. lib. 2.) vt 5. ad 4. ex schol. 2. prop. 14. lib. 3. erit diuidendo, $AKOC$, ad $COEFA$, vt 1. ad 4. Quarum ergo HG , est 1. talium erit HL , 4. Sed talium erat OH , 14. Ergo reliqua OL , erit talium 10. Sed OE , erat talium 21. Ergo reliqua LE , erit 11. Est ergo OL , ad LE , vt 10. ad 11.



SCHOLIUM III.

Sed pariter intelligamus ABF , esse vnum ex infinitis trilineis, (licet schema non exprimet) cuius diameter BF , basis AF , parallelogrammum ei

erit.

circumscriptum sit DF , adeo ut ADB , sit semiparabola cuius diameter BD , basis DA . Intelligamus cylindricos sectos ut supra in anteced. schol. & omnia ut ibidem. Pariter in numeris eliciemus, in qua ratione secetur OE , à centrīs æquilibrij truncorum cylindrici existentis super semiparabola, quæ centra dari concludemus ut ibidem.

Sed antequam hæc exemplificemus, admonebimus lectorem, sibi diligenter considerandum esse, diversam fore sectionem talium cylindricorum in schol. anteced. & in hoc. Nam in schol. anteced. supponentes ABF , esse semiparabolam cuius basis AF , secavimus cylindricum super ipsa existentem, plano transeunte per basim AF , & per O , punctum in latere; cylindricum vero existentem super trilineo ADB , seu CkO , secavimus plano transeunte per diametrum trilinei kO , & per punctum in latere A . At in schol. præsentī, supponentes ABF , esse trilineum, cuius basis AF , secamus cylindricum erectum super ipso, plano transeunte per basim AF , trilinei, & per O , punctum in latere: quia vero semiparabola est ADB , vel CkO , cuius diameter Ok , secamus cylindricum super ipsa situm, plano transeunte per kO , diametrum semiparabolæ, & per punctum in latere A .

Trunci autem sinistri $ADBOK$, cylindrici existentis super semiparabola ADB , sic venabimur in OE , centrum æquilibrij. Sit H , centrum æquilibrij prismatis sinistri, & G , centrum æquilibrij trunci si-

ci sinistri $ABFO$. Ergo ex schol. pri. OH , erit ad HE , ut 1. ad 2. nempe ut 5. ad 10. & OG , erit ad GE , ut 3. ad 2. nempe ut 9. ad 6. Quarum ergo tota OE , est 15. talium OH , est 5. OG , 9. & GH , 4. Ergo quarum GH , erit 20. talium tota OE , erit 75. OH , 25. & OG , 45. Quoniam vero totum prisma $ADBFOK$, ad truncum sinistram $ABFO$, est ut 6. ad 1. (quia cum sit ad ipsum ut cylindrus ex DF , ad conicum ex ABF , circa basim AF , ex citat. schol. 3. proposit. 10. lib. 2. cylindrus est ad conicum ex 2. parte proposit. 15. lib. 2. per conversionem rationis, ut 12. & 2. seu ut 6. ad 1.) Ergo diuidendo erit truncus $ADBOK$, ad truncum $ABFO$, ut 5. ad 1. Cum ergo si fiat reciprocè ut $ADBOK$, ad $ABFO$, sic GH , ad HL , sit L , centrum æquilibrij trunci $ADBOK$, quarum GH , erit 5. talium HL , erit 1. & quarum GH , erit 20. talium HL , erit 4. Sed quarum HG , erat 20. talium OH , erat 25. & tota OE , 75. Ergo talium OH , erit 21. & LE , 54. L , ergo centrum æquilibrij trunci $ADBOK$, cylindrici existentis super semiparabola quadratica, ac resecti plano transeunte per punctum in latere & per diametrum ipsius, sic secat OE , seu DA , basim semiparabolæ in L , ut OL , sit ad LE , ut 21. ad 54. seu ut 7. ad 18.

Pariter sic reperiemus, in qua ratione secetur OE , à centro æquilibrij trunci $AKOC$. H , centrum æquilibrij prismatis dexteri sic secat OE , ex schol. 1.

vt


vt OH, sit ad HE, vt 2. ad 1. nempe vt 4. ad 2.
 G, vero centrum æquilibrij trunci dexteri COE
 FA, sic diuidit, vt OG, sit ad GE, vt 5. ad 1.
 Quarum igitur OE, est 6. talium OG, est 5. OH,
 4. & GH, 1. Quia vero ex prim. parte proposit.
 15. lib. 2. est per conuersionem rationis, cylindrus ex
 DF, ad solidum extrilineo ABF, circa DB, dia-
 metrum parabolæ, vt 4. ad 2. seu vt 2. ad 1. cum sit
 etiam in tali ratione, ex schol. 3. citat. proposit. 10.
 lib. 2. prisma CKOEFA, ad truncum COEFA,
 erit diuidendo, truncus CKOA, ad truncum CO
 EFA, vt 1. ad 1. Si ergo fiat HL, æqualis HG,
 erit L, centrum æquilibrij trunci KOCA. Qua-
 rum autem tota OE, erat 6; talium OH, erat 4.
 & HG, 1. ergo etiam talium HL, erit 1. & OH,
 HE, 3. ac proinde æqualis. H, ergo centrum æqui-
 librij illius trunci KOCA, secat OE, bifariam.

PROPOSITIO III.

*Datis iisdem, quæ in antecedenti proposit. in parabola, Lk,
 est ad KF, vt numerus parabolæ, ad duplum nume-
 rum parabolæ unitate auctum.*

Quoniam enim est vt FL, ad duplam LH,
 sic FK, ad KH; ergo & componendo, vt
 FH, cum HL, ad duplam LH, sic FH, ad Hk. Et
 permutando, vt FH, cum HL, ad FH, sic dupla
 HL, ad Hk. Cum vero sit vt tota FH, cum HL,
 ad

ad totam FH, sic abla-
 ta dupla HL, ad abla-
 tam HK; ergo & reli-
 qua FL, erit ad reli-
 quam FK, vt tota ad
 totam; nempe vt FH,
 cum HL, ad FH. Cum
 vero sit FH, ad LH, vt
 duplus numerus parabo-
 læ unitate auctus ad nu-
 merum parabolæ, erit
 FH, cum HL, ad FH,
 & consequenter, LF,
 ad Fk, vt triplus nu-
 merus parabolæ unitate auctus, ad duplum nume-
 rum unitate auctum. Et diuidendo erit Lk, ad KF,
 vt numerus parabolæ, ad duplum numerum unitate
 auctum. Quod &c.



SCHOLIUM.

Ex præfenti propositione elicitur, quod kIO,
 (quam deinceps appellabimus altitudinem trunci
 EFG B, quod sic intelligendum erit in alijs) sic se-
 catur ab I, centro grauitatis prædicti trunci, vt OI,
 sit ad IK, vt duplus numerus parabolæ unitate au-
 ctus, ad numerum parabolæ. Nempe in prima, vt
 3. ad 1. In secunda, vt 5. ad 2. In tertia vt 7. ad 3. Et
 sic in infinitum, augendo antecedens binario, con-

sequens vero unitate. Quod patet, quia ob parallelismum FH , BD , triangula $k!L$, $B!O$, sunt similia. Est ergo BO , seu Fk , ad KL , ut $O!I$, ad $I!k$, nempe ut duplus numerus unitate auctus, ad numerum.

In eadem etiam ratione erit BI , ad IL . Cum ergo existente EFG , prima parabola, nempe triangulo, sit $EFGB$, Pyramis triangularem basim habens, sequitur propositionem ab alijs propositam, in qua asserunt BL , ductam à vertice pyramidis ad centrum basis, sic secari ab I , centro gravitatis pyramidis, ut BI , sit ad IL , ut 3 . ad 1 . posse esse huius corollarium.


Quod vero I , sit centrum gravitatis prædicti trunci, patuit supra, dum dictum fuit in HN , esse centrum gravitatis omnium parallelogrammorum trunci parallelorum parallelogrammo AG , & pariter in BL , esse centrum gravitatis omnium parabolarum trunci $EFGB$, nempe omnium planorum ipsi parabolæ GFE , parallelorum.

Eodem modo patet, si à puncto B , ad medium punctum HD , mente intelligamus duci lineam, in ipsa esse centrum gravitatis omnium parallelogrammorum trunci dexteri $CAEGB$, & subinde ipsius trunci. Si ergo per punctum M , centrum æquilibrii trunci, mente intelligamus duci lineam parallelam HD , secantem priorem ductam; punctum in quo se secant, erit centrum gravitatis prædicti trunci dexteri.

PRO-

PROPOSITIO IV.

Centrum gravitatis trunci dexteri cylindrici existentis super quacunque parabola, resæcti ut supra per basim, & punctum in latere, sic dividit eius altitudinem, ut pars non terminans ad basim, sit ad reliquam, ut quadruplus numerus unitate auctus, ad duplum numerum unitate auctum.




UT distinctius deinde procedamus, in sequenti figura exponatur parallelogrammum FD , secundum antecedentis figuræ, adeo ut triangulum BFH , representet nobis truncum sinistrum $GEFB$; triangulum vero BHD , representet nobis truncum dexterum $AEGCB$; K , sit centrum æquilibrii trunci

P 2. fini-

sinistri; L totius cylindrici; M, dexteri; & I, sit centrum gravitatis trunci sinistri: sit MP, altitudo trunci dexteri BHD. Dico hanc sic secari à centro gravitatis prædicti trunci dexteri, vt pars terminata ad M, sit ad reliquam, vt quadruplus numerus vnitatis auctus, ad duplum numerum vnitatis auctum. Ducatur BQ, ad medium punctum HD, secans MP, in R, & occurrens FH, in S. Erit ergo R, centrum gravitatis trunci dexteri, quia hoc est tam in MP, quam in BQ. Ob parallelismum HS, BD, & æqualitatem HQ, QD, erit HS, æqualis BD, vel FH. Cum autem, ex schol. pri. proposit. 2. sit FM, ad MH, vt duplus numerus parabolæ vnitatis auctus, ad numerum parabolæ, erit componendo; FH, ad HM, seu SH, ad HM, vt triplus numerus vnitatis auctus, ad numerum. Et rursus componendo, erit SM, ad MH, vt quadruplus numerus vnitatis auctus, ad numerum. Sed conuertendo, erat ex schol. citat. HM, ad MF, vt numerus ad duplum numerum vnitatis auctum. Ergo ex æquali, erit SM, ad MF, nempe ad BP; nempe MR, ad RP, vt quadruplus numerus vnitatis auctus, ad duplum numerum vnitatis auctum. Quod &c. Erit ergo MR, ad RP, in pri. para. vt 5. ad 3. In secunda, vt 9. ad 5. In tertia, vt 13. ad 7. & sic in infinitum, augendo antecedens, quaternario, consequens vero binario.

ALI-

ALITER.



IN sequenti schemate, ducatur LV, in cuius medio puncto T, erit centrum gravitatis totius cylindrici representati ab FD. Sit I, centrum gravitatis trunci sinistri, & ducatur ITR, occurrens MP, in R. Erit ergo R, centrum gravitatis trunci dexteri ex doctrinis Archimedis in æqueponderantibus. Dico MR, esse ad RP, vt quadruplus numerus parabolæ vnitatis auctus, ad duplum numerum vnitatis auctum. Ducantur IX, TZ, parallele FH. Erit ergo ex schol. proposit. 3. KI, ad IO, seu MX, ad XP, vt numerus parabolæ, ad duplum numerum vnitatis auctum; nempe vt duplus numerus, ad quadruplum numerum binario auctum. Quarum ergo MP,


MP, est sextuplus numerus binario auctus; MX, est duplus numerus, MZ, quia dimidia MP, erit triplus numerus unitate auctus, & XZ, erit numerus unitate auctus. Cum ergo truncus BHD, dexter sit ad truncum sinistrum BFH, ex proposit. pri. lib. 3. reciproce ut FL, ad LH, nempe ut numerus parabolæ unitate auctus, ad numerum parabolæ; & pariter cum sit idem truncus dexter ad truncum sinistrum, ut reciproce IT, ad TR. Erit & IT, ad TR, ut numerus parabolæ unitate auctus, ad numerum parabolæ. Sed propter parallelas IX, TZ, est etiam ut IT, ad TR, sic XZ, ad ZR. Ergo & XZ, ad ZR, erit ut numerus parabolæ unitate auctus, ad numerum parabolæ. Quarum ergo XZ, est numerus parabolæ unitate auctus, ZR, est numerus parabolæ. Sed talium erat MZ, triplus numerus unitate auctus, & MP, sextuplus numerus binario auctus. Ergo talium erit MR, quadruplus numerus unitate auctus, & reliqua RP, duplus numerus unitate auctus. Est ergo MR, ad RP, ut quadruplus numerus unitate auctus, ad duplum numerum unitatem auctum. Quod &c.

PROPOSITIO V.

Datis iisdem, quæ in proposit. 2. in duplicato trilineo, Lk, est ad Kf, ut unitas ad numerum trilinei binario auctum.

Quo-

Quoniam enim est ex hypothesi, Fk, ad kH, ut FL, ad duplam LH; ergo & componendo, ut FH, cum HL, ad duplam LH, sic FH, ad Hk. Et permutando, erit FH, cum HL, ad FH, ut dupla HL, ad Hk. Cum ergo sit ut tota ad totam, sic ablata ad ablatam, erit & reliqua ad reliquam, ut tota ad totam. Est ergo ut FH, cum HL, ad FH, sic LF, ad FK. Cum vero ex hypothesi, sit FL, ad LH, ut numerus trilinei unitate auctus, ad unitatem, erit duabus vicibus componendo, FH, cum HL, ad HL, ut numerus trilinei ternario auctus, ad unitatem. Quare per conversionem rationis, erit FH, cum HL, ad FH, ut numerus trilinei ternario auctus, ad numerum binario auctum. Ergo & LF, ad Fk, erit ut numerus ternario auctus, ad numerum binario auctum. Et diuidendo, erit LK, ad kF, ut unitas, ad numerum binario auctum. Nempe in primo ut 1. ad 3. In secundo, ut 1. ad 4. In tertio, ut 1. ad 5. Et sic in infinitum, augendo consequens unitate, & retinendo unitatem pro antecedenti. Quod &c.



SCHO-

SCHOLIUM.


Etiam ex præfenti proposit. elicitur, kO , altitudinem trunci sinistri EFG , sic diuidi ab I , centro grauitatis trunci, vt kI , fit ad IO , vt vnitas, ad numerum trilinei binario auctum. Est enim kI , ad IO , vt Lk , ad BO , seu ad kF .

Etiam LI , ad IB , erit in eadem ratione. Supposito ergo EFG , triangulo, etiam in præfenti elicitur, quod deductum est in scholio proposit. 3. circa pyramidem.

PROPOSITIO VI.

Centrum grauitatis trunci dexteri cylindrici existentis super quocunq; duplicato trilineo parabolico, secto vt dictum est in proposit. 2. sic diuidit eius altitudinem, vt pars non terminans ad basim, fit ad reliquam, vt numerus quaternario auctus, ad numerum binario auctum.

Etiam in hac propositione distinctionis gratia, exponatur in sequenti figura, tantum parallelogrammum FD , cum cæteris vt in schemate superiori, ita vt BFH , gerat vicem trunci sinistri, BHD , verò trunci dexteri. Pariter nunc, k , fit centrum æquilibrij trunci sinistri, L totius cylindrici, M , trunci dexteri; & ducta MP , altitudine trunci dexteri, fit R , eius centrum grauitatis. Dico esse MR , ad RP ,
vt




vt numerus trilinei quaternario auctus, ad numerum binario auctum. Nempe vt 5. ad 3. in primo. In secundo vt 6. ad 4. In tertio vt 7. ad 5. Et sic in infinitum augendo ambos terminos vnitate. Ducatur pariter BQ , ad medium punctum HD ; in qua cum sit centrum grauitatis trunci dexteri, quia in ipsa est centrum grauitatis omnium parallelogrammorum parallelorum in schem. proposit. anteced. ipsi BC , tranfiet per R . Producat hęc donec concurrat cum FH , producta in S . Quoniam HQ , est æquali QD , & HS , parallela BD , erit etiam ei æqualis, hoc est ipsi FH . Cum autem ex schol. prim. proposit. 2. fit FM , ad MH , vt numerus trilinei binario auctus, ad vnitatem, erit componendo duabus vicibus, FH , cum HM , ad HM ; nempe SM , ad MH , vt numerus trilinei quaternario auctus, ad vnitatem.

rem. Sed conuertendo, est HM , ad MF , vt vnitas, ad numerum binario auctum. Ergo ex æquali, erit SM , ad MF , seù ad BP ; hoc est MR , ad RP , vt numerus quaternario auctus, ad numerum binario auctum. Quod &c.

ALITER.

In sequenti schemate, fiat eadem constructio, vt in secunda probatione proposuit. 4. nempe ducatur LV , in cuius medio puncto T , sit centrum grauitatis totius cylindrici cuius vicem gerit FD ; I , sit centrum grauitatis trunci sinistri, & ducta ITR , occurrens MP , sit R , centrum grauitatis trunci dexteri, ex famosis Archimedis doctrinis in æqueponderantibus. Dico MR , esse ad RP , in præfata ratione. TZ , IX , sint pariter parallelæ FH , BD . Erigit ergo kl , ad IO , ex schol. proposit. 5. seu MX , ad XP , vt vnitas, ad numerum trilinei binario auctum; nempe vt binarium, ad duplum numerum quaternario auctum. Qualium ergo tota MP , est duplus numerus senario auctus, MX , est binarium; MZ , numerus ternario auctus; & XZ , numerus vnitate auctus. Cum ergo truncus dexter sit ad truncum sinistram ex proposit. pri. lib. 3. reciprocè vt FL , ad LH , nempe vt numerus trilinei vnitate auctus, ad vnitatem; & pariter sit truncus dexter ad truncum sinistram reciprocè, vt IT , ad TR . Erit IT , ad TR , & consequenter XZ , ad ZR , vt numerus

vni-



vnitate auctus, ad vnitatem. Qualium ergo XZ , est numerus vnitate auctus, ZR , erit vnitas. Sed tallium erat MZ , numerus ternario auctus, & tota MP , duplus numerus senario auctus. Ergo tallium erit MR , numerus quaternario auctus, & RP , reliqua, numerus binario auctus. Diuidit ergo R , centrum grauitatis trunci dexteri BHD , in prædicta ratione ipsam MP . Quod erat ostendendum.

PROPOSITIO VII.


Centrum grauitatis prismatis, quod est dimidium cylindrici existentis super parallelogrammo, sic diuidit eius altitudinem, vt pars terminata ad basim, sit ad reliquam vt 1. ad 2.

Q 2 Sup.

Supponamus EFG, esse parallelogrammum, cuius diameter FH, & cylindricus super ipso existens sit pariter diuisus in duos truncos, qui erunt duo prismata. Pater cum hæc prismata sint similia, & æqualia, etiam altitudines ipsorum æqualiter, ac eodem modo secari ab ipsorum centrīs grauitatis. Sit ergo kO, altitudo prismatis sinistri EFGB, & I, sit eius centrum grauitatis. Dico kI, esse dimidium IO. Nam Fk, est ad KH, vt 1. ad 2. nempe vt 2. ad 4. ex schol. prim. proposit. 2. Sed FL, est ad LH, vt 3. ad 3. Ergo Lk, erit ad kF, nempe ad BO, vt 1. ad 2. Sed ob similitudinem triangulorum LkI, BIO, est vt LK, ad BO, sic kI, ad IO. Ergo kI, erit dimidium IO. Quod &c.

SCHOLIUM.

Sed hæc propositio est etiam manifesta ex eo, quod prisma dimidium cylindrici, seu parallelepipedī existens super parallelogrammo, aliud non est, quam alius cylindricus super triangulo existens. V. g. in




schemate sequenti, prisma ADBFOk, dimidium parallelepipedī kF, existens super parallelogrammo DF, aliud non est, quam cylindricus, cuius oppositæ bases triangula ADk, OBF. Eius ergo centrum grauitatis erit in medio lineæ iungentis centra grauitatis oppositorum triangulorum kDA, OBF. Eius ergo altitudo secabitur ab eius centro grauitatis, vt secatur linea ducta à k, vertice vsque ad basim, per centrum grauitatis trianguli transiens, à dicto centro grauitatis, nempe vt pars ad k, terminata, sit ad reliquam, vt 2. ad 1. Hæc sunt clarissima. Omittantur ergo.

PROPOSITIO VIII.

Possimus assignare rationes in quibus secantur altitudines truncorum cylindricorum super infinitis trilineis parabolicis existentium, ac resectorum plano diagonaliter transeunte per diametrum trilinei, ac per punctum in latere, ab ipsorum centrīs grauitatis.

Esto quælibet femiparabola ABF, cuius basis AF, diameter BF, cum sibi circumscripto parallelogrammo DF, adeo vt BDA, sit trilineum cuius diameter BD, basis DA. Super parallelogrammo intelligatur cylindricus rectus sectus diagonaliter plano transeunte per AF, & per OK. Hic diuiditur in duo prismata, sinistrum ADkOFB, & dexterum AkCEFO: & prisma sinistrum, vt


explicatum fuit in scholium 2. proposit. 2. diuiditur in truncum sinistrum $ABFO$, cylindrici existentis super semiparabola, & in truncum $ADBOk$, cylindrici existentis super trilineo ADB , ac resecti plano transeunte per diametrum kO , ac A , punctum in latere. Pariter prisma dexterum diuiditur in truncum dexterum $COEFA$, cylindrici existentis super semiparabola, & in truncum $OkCA$, cylindrici existentis super trilineo. Truncorum cylindricorum existentium super semiparabola, hoc est eiusdem duplicatorum ad partes BE , assignauimus supra, in quibus rationibus secetur ipsorum altitudines ab ipsorum centrīs grauitatis. Nempe trunci sinistri, in schol. proposit. 3. (truncus enim praesens $ABFO$, est idem cum trunco $EFHB$, in schemate illius proposit.) trunci vero dexteri in proposit. 4. Nunc intelligimus ostendere posse doceri, in quibus rationibus secetur altitudines truncorum $ADBOk$, $KOCA$,



$kOCA$, seu ipsorum ad partes BE , duplicatorum, ab ipsorum centrīs grauitatis; hoc est v. g. in prisma sinistro, supposito H , esse ipsius centrum æquilibrium; G , trunci $ABFO$; & L , trunci $ADBOk$, si hæc solida appendantur secundum OE ; patet quod si per L , ducatur in plano OF ; vsque dum occurrat ipsi BF , parallela OB , EF , in hac esse centrum grauitatis duplicati trunci $ADBOk$, ad partes BE . Hæc linea à nobis nuncupatur altitudo trunci, in qua dicimus posse assignari, in qua ratione secetur à centro grauitatis illius trunci duplicati. Idem intelligatur in prisma dextero. Sed vt clarius procedamus, exponatur tantum parallelogrammum BE , cum suo diametro OF , adeo vt BOF , triangulum nobis representet prisma sinistrum; triangulum OEF , prisma dexterum; HK , sit altitudo prismatis sinistri $ADBOk$, duplicati ad partes BE , ducta per eius centrum æquilibrium, adeo vt in ipsa sit centrum grauitatis duplicati prismatis; GM , sit altitudo duplicati trunci $ABFO$; LI , duplicati trunci $ADBOk$, in quibus pariter sint ipsorum truncorum centra grauitatis. Sit N , centrum grauitatis duplicati prismatis; P , vero sit centrum grauitatis duplicati trunci existentis super semiparabola. Ducta ergo PNQ , sciemus ex Archimede in æqueponderantibus, Q , esse centrum grauitatis duplicati trunci $ADBOk$, existentis super trilineo. Ducantur PR , NT , parallelæ OE . Ex proposit. 7. sciemus, in qua ratione secetur HK , ab N , cen-

centro grauitatis duplicati prismatis. Pariter ex schol. proposit. 3. scimus, in qua ratione secetur GM, in P, à centro grauitatis duplicati trunci ABFO. Scimus ergo quænam sit ratio, quam habet LR, ad RI, & quænam sit illa, quam habet LT, ad TI. Ex proposit. 14. lib. 2. scimus, quænam sit ratio, quam habet PN, ad NQ (quia scimus rationem, quam habet truncus ADBOK, ad truncum ABFO, est enim ad ipsum vt excessus cylindri ex DF, circa AF, supra semifusum ex ABF, circa AF, ad ipsum) & consequenter, scimus eam, quam habet RT, ad TQ, ob parallelismum RP, TN. Ergo patet, nos posse scire, in qua ratione secetur LI, à centro grauitatis Q. Sed hæc clarius percipientur in scholio sequenti.

Et hæc quidem in trunco ADBOK. Quomodo autem secetur altitudo duplicati trunci AKOC, à suo centro grauitatis, sciemus sic. Sit Hk, altitudo totius cylindrici existentis super trilineo ADB, & consequenter eius duplicati ad partes BE, transiens per eius centrum æquilibrij H. Ergo in medio puncto N, ipsius HK, erit centrum grauitatis huius duplicati cylindrici. Sit Q, vt prius centrum grauitatis duplicati trunci ADBOK; si ergo producatnr QN, prius ducta, vsque ad P, erit P, centrum grauitatis duplicati trunci AKOC. Sint rursus NT, PR, parallelæ vt prius, ipsi OE. Iam scimus rationem, quam habet HN, ad NK, seu LT, ad TI. Pariter scimus rationem, quam
habet



habet LQ, ad QI. Rationem vero, quam habet PN, ad NQ, seu RT, ad TQ, scimus ex schol. proposit. 8. lib. 3. in qua assignamus rationem, quam habet conicus ex ADB, trilineo reuoluto circa diametrum DB, ad solidum ex eodem reuoluto circa FA; sciemus ergo etiam facile rationem LR, ad RI, seu GP, ad PM. Ergo possumus scire in quibus rationibus secentur altitudines prædictorum truncorum duplicatorum ab ipsorum centrâ grauitatis. Quod &c.

SCHOLIUM.


Sed in numeris sunt hæc omnia exemplificanda, vt clarius, & distinctius supra dicta intelligantur.

R Exem-

Exemplificabimus in parabola quadratica, & prius quidem in trunco sinistro.

In hac, HK , altitudo prismatis sinistri, sic secatur ab eius centro gravitatis N , ex proposit. 7. ut HN , sit dupla NK . GM , vero altitudo duplicati trunci sinistri $ABFO$, existentis super semiparabola, sic secatur ab eius centro gravitatis P , ut GP , sit ad PM , ut 5. ad 2. ex schol. proposit. 3. Qualium ergo tota LI , est 7. talium GP , seu LR , erit 5. & HN , seu LT , erit 4. cum $\frac{1}{2}$; unde talium erit TR , $\frac{1}{2}$. Quod si hæc multiplicentur per 21. qualium TR , erit 7. talium tota LI , erit 147. LR , 105. & LT , 98. Cum vero sit PN , ad NQ , seu RT , ad TQ , ut truncus $ADBOk$, ad truncum $ABFO$, nempe ut excessus cylindri ex DF , ad semifusum ex ABF ; nempe ex schol. prim. proposit. 14. lib. 2. ut 7. ad 8. qualium RT , erit 7, talium TQ , erit 8. Ergo reliqua LQ , erit talium 90. quia tota LT , talium erat 98. Cum ergo talium tota LI , esset 147, reliqua QI , erit 57. secatur ergo LI , altitudo trunci duplicati $ADBOk$, in trilineo parabolico quadratico à Q , eius centro gravitatis, ut LQ , sit ad QI , ut 90. ad 57. & subtriplando terminos, ut 30. ad 19.

Trunci vero dexteri $AkOC$, duplicati sic reperiemus rationem in qua secatur eius altitudo ab eius centro gravitatis. Hk , altitudo duplicati cylindrici $ADBOk$, secatur in medio ab eius centro gravitatis N . Qualium ergo tota LI , est 49. & LQ ,




30. talium erit HN , seu LT , 24, cum dimidia; & talium erit QT , 5. cum dimidia. Et multiplicando omnia per 6. Qualium QT , erit 33. talium tota LI , erit 294. LQ , 180. & LT , 147. Sed cum sit QN , ad NP , nempe QT , ad TR , reciprocè, ut truncus $AKOC$, ad truncum $ADBOk$; nempe ut conicus ex ADB , circa DB , ad solidum ex eodem circa FA ; nempe ex schol. proposit. 8. ut 3. ad 7. nempe ut 33. ad 77. Qualium QT , erit 33. talium TR , erit 77. Sed talium LT , erat 147. Ergo talium reliqua LR , erit 70. Sed talium tota LI , erat 294. Ergo talium reliqua RI , erit 224. Secatur ergo LI , in R , seu GM , altitudo in P , à centro gravitatis duplicati trunci $AkOC$, sic ut GP , Pars terminans ad basim, sit ad reliquam, ut 70. ad 224. Nempe reducendo ad minimos terminos, ut 5. ad 16.

PROPOSITIO IX.

Possimus assignare rationes, in quibus secantur altitudines truncorum cylindricorum super infinitis semiparabolis, quarum exponentes sint numeri pares, existentium, ac resectorum plano diagonaliter transeunte per diametrum parabole, ac per punctum in latere, ab ipsorum centrīs grauitatis.

Supponamus ABF, esse quodlibet ex infinitis trilineis, cuius basis AF, diameter BF, cum sibi circumscripto parallelogrammo DF, sic ut BDA, sit semiparabola, cuius diameter BD, basis DA. Super parallelogrammo sit cylindricus rectus sectus diagonaliter plano transeunte per AF, & per Ok. Hic diuiditur in duo prismata, & quodlibet prisma in duos truncos, ut fusius explicatum fuit in



prin-

incipio proposit. antecedent. Dicimus nos posse scire, in quibus rationibus secantur altitudines truncorum duplicatorum ad partes BE, existentium super semiparabola ADB, cuius exponens sit numerus par, ab ipsorum centrīs grauitatis. Etiam nunc claritatis gratia, exponatur parallelogrammum BE, & HK, sit altitudo duplicati prismatis finitissimi GM, sit altitudo duplicati trunci ABFO, existentis super trilineo. Sit N, centrum grauitatis duplicati prismatis, & P, centrum grauitatis duplicati trunci ABFO. Pariter sit L, centrum æquilibrij duplicati trunci ADBOK, existentis super semiparabola ADB, talis cylindrici, qui sit sectus plano transeunte per diametrum OK, semiparabolæ kOC, & punctum A, in latere (huius enim trunci posse nos habere centrum æquilibrij L, patuit in schol. 3. proposit. 2.) In LI, ergo eius altitudine, erit eius centrum grauitatis. Si ergo ducatur PN, quæ producaturs usque ad Q, erit Q, centrum grauitatis duplicati trunci ADBOK. Ducantur NT, PR, parallelæ vt prius. Ex proposit. 7. scimus, in qua ratione secetur Hk ab, N, seu LI, à T. Ex schol. proposit. 5. scimus rationem GP, ad PM, seu LR, ad RI. Rationem PN, ad NQ, seu RT, ad TQ, scimus ex prim. parte proposit. 15. lib. 2. in qua diuidendo, assignatur ratio excessus cylindri ex DF, supra conicum ex trilineo ABF, reuoluto circa basim AF, ad ipsum poterimus ergo etiam scire rationem LQ, ad QL.


Eo

Eodem modo, quo factum est in proposit. anteced. poterimus scire, quomodo secetur altitudo trunci $AKOC$, ab eius centro grauitatis; supponentes Hk , esse altitudinem totius cylindrici duplicati existentis super semiparabola DBA ; Q , esse centrum grauitatis duplicati trunci $ADBOk$; & GM , esse altitudinem duplicati trunci $AKOC$. Si enim QN , transiens per N , medium punctum Hk , producaturs vsque ad P , erit P , centrum grauitatis duplicati trunci $AKOC$. Sint ergo rursus RP , TN , parallelæ, vt prius. Iam scimus HN , æquari Nk , & LT , æquari TI . Scimus rationem LQ , ad QI . Rationem QT , ad TR , scimus ex coroll. 3. proposit. 4. lib. 3. in qua assignata fuit ratio, quam habet conoides parabolicum ex semiparabola ADB , reuoluta circa DB , diametrum, ad annulum ex eadem reuoluta circa AF . Ergo facile poterimus scire rationem LR , ad RI , seu GP , ad PM . Quare &c. Quod &c.

SCHOLIUM.


Sed exemplificatio per numeros, vt factum est in schol. proposit. anteced. dilucidabit hæc omnia. Supponamus ergo vt prius, nos discurrere, & exemplificare in parabola quadratica. HN , est dupla Nk (quia altitudo prismatis) ex proposit. 7. GP , vero, erit ad PM , vt 4. ad 1. ex schol. proposit. 3.

Qua-



Qualium ergo tota LI , est 5. talium HN , seu LT , erit 3. LR , 4 & TR , 3. Et qualium TR , erit 5. talium tota LI , erit 37. LT , erit 25; LR , 30. Cum ergo sit reciprocè PN , ad NQ , seu RT , ad TQ , vt truncus $ADBOk$, ad truncum, $ABFO$, nempe vt annulus ex semiparabola DBA , reuoluta circa AF , ad conicum ex trilineo ABF , circa basim FA ; & cum sit talis annulus ad talem conicum ex 2. parte proposit. 15. lib. 2. per conuersionem rationis, & diuidendo, vt 5. ad 1. Ergo qualium RT , erit 5. talium TQ , erit 1. Cum ergo talium esset LT , 25. & LI , 37. Erit talium LQ , 24, & QI , 13. Est ergo LQ , ad QI , vt 24. ad 13. nempe vt 16. ad 9.

Trunci vero $AKOC$, sic reperietur centrum gra-



grauitatis in numeris. Sit Q , centrum grauitatis duplicati trunci $ADBO$, & N , totius duplicati cylindrici existentis super semiparabola ADB . Qualium ergo LI , est 25. talium HN , seu LT , dimidia LI , est 12. LQ , 16. & QT , 3. Et qualium QT , est 3. talium LI , est 21. & LQ , 13. Cum ergo sit vt QN , ad NP , seu vt QT , ad TR , sic reciproce truncus AOC , ad truncum $ADBO$, nempe conoides ex semiparabola DAB , resoluta circa diametrum DB , ad annulum ex eadem circa AF ; & eam sit conoides ad annulum, vt 3. ad 5. ex coroll. 3. proposit. 4. lib. 3. qualium QT , erit 3. talium TR , erit 5. Ergo talium LR , erit 5. Et reliqua RI , erit 15. Erit ergo LR , ad RI , & consequenter GP , ad PM . vt 5. ad 15. nempe vt 4. ad 11.

PRO-

PROPOSITIO X.

Trunci sinistri cylindrici recti existentis super semiparabola quacunq; resecti plano transeunte per basim semiparabola, & per punctum in latere, centrum æquilibrij in basi assignare.

Sto semiparabola quacunq; ABC , cuius diameter AB , basis BC , super CAB , verò intellecto cylindrico recto, secto hic diagonaliter plano transeunte per basim CB , & per punctum in latere, diuidat ipsum in duos truncos, & truncus sinister sit $CABD$; huius oportet in basi ABC , centrum æquilibrij assignare. Diuidatur AB , in E , vt AE , sit ad EB , vt numerus parabolæ vnitatis auctus, ad duplum numerum parabolæ, ac per E , ducatur EF , indefinita parallela BC , basi semiparabolæ. Erit ergo in EF , centrum æquilibrij trunci $CABD$, secundum basim appensi, ex schol. prim. proposit. 2. Quoniam vero ex schol. proposit. 1. truncus $CADB$, est proportionaliter analogus cum semifuso ex CAB , circa CB , & cum omnium semifusorum sit reperitum in CB , centrum grauitatis in proposit. 31. miscell. erit quoque reperitum in CB , centrum æquilibrij trunci $CADB$. Sit hoc G . Si ergo per G , ducatur parallela AB , etiam in ipsa erit centrum æquilibrij illius trunci appensi secundum basim. Sed & in EF . Ergo in F , vbi se secant. Inuentum est

S ergo

ergo F, centrum æquilibrij trunci appensi secundum
basim. Quod &c.


SCHOLIUM.

Si ergo à puncto F, erigatur altitudo trunci æqua-
lis DA, ipsa sic diuidetur à centro grauitatis trunci,
vt diuisa est in proposit. 3. altitudo trunci duplicati.
Quod intelligendum est etiam in sequentibus pro-
positionibus, in quibus reperientur centra æquili-
brij in basi dimidij illorum truncorum, quorum du-
plicatorum reparta fuerunt in altitudinibus centra
grauitatis.

PROPOSITIO XI.

Trunci dexteri eiusdem cylindrici, centrum æquilibrij in
basi reperire.

Sed esto eiusdem cylindrici truncus dexter
k^hhbc, huius oportet in khl, semipara-
rabola, centrum æquilibrij trunci secundum ipsam
appensi, reperire. Diuidatur kl, in o, vt sit
ko, ad ol, vt duplus numerus parabola^e vnitare
auctus, ad numerum parabola^e, & per o, ducatur
om, indefinita parallela basi lh. Ergo in ipsa,
ex schol. prim. proposit. 2. erit centrum æquilibrij
trunci appensi secundum basim. Rursum, quoniam
ex schol. proposit. 1. truncus est proportionaliter
analo-



analogus cum annulo orto ex reuolutione semipara-
bola^e HkL, circa ductam per verticem k, ipse HL,
parallelam; ergo HL, secabitur eodem modo à
centro æquilibrij trunci, sicuti secatur axis illius an-
nuli à centro grauitatis ipsius. Diuidatur ergo LH,
in N, vt sit l-n, ad nH, vt duplus numerus para-
bola^e vnitare auctus, ad duplum numerum ternario
auctam, sicuti ex proposit. 18. lib. 4. secatur prædi-
ctus axis à centro grauitatis annuli ex semiparabola,
S 2 circa


circa ductam per verticem basi parallelam, & per N, ducatur parallela axi kL, semiparabolæ, occurrens priori parallelæ ductæ in M. Patet punctum M, esse centrum æquilibrij quæsitum.

ALITER.

SVpponamus duos truncos, nempe sinistrum, & dextrum simul vniri ad restituendum totum cylindricum, vt basis KHL, nobis repræsentet vnam oppositarum basium totius cylindrici existentis super semiparabola. Ergo centrum æquilibrij totius huius cylindrici appensi secundum basim HkL, erit idem cum centro grauitatis semiparabolæ HkL. Inuenietur ergo ex proposit. 5. lib. 3. M, centrum grauitatis semiparabolæ, & fit P, ex proposit. anteced. centrum æquilibrij trunci inferioris appensi secundum HkL, & fit ducta PM, quæ taliter sit producta ad Q, vt sit reciprocè QM, ad MP, vt truncus inferior ad superiorem. Erit ex Archimede in æqueponderantibus, Q, centrum æquilibrij trunci superioris HKLBC, appensi secundum HkL. Patet ergo, qualiter dato centro æquilibrij in basi alterutrius truncorum, statim possimus ex proportione truncorum ad inuicem, assignare in eadem basi centrum æquilibrij alterius trunci.

Sed rationem truncorum ad inuicem cylindrici existentis super semiparabola quacumque, & per basim semiparabolæ, & punctum in latere resecti, ha-

bemus



bemus ex coroll. pri. proposit. 4. lib. 3. vbi assignantur rationes reperiæ inter infinitos fusos parabolicos, & infinitos annulos ex semiparabolis reuolutis circa ipsas in vertice tangentes.

Per M, ducta altitudine trunci, habebimus ex proposit. 4. in qua ratione secetur à centro grauitatis trunci.

PRO-

PROPOSITIO XII.

Trunci finistri cylindrici recti existentis super semiparabola, cuius exponens sit numerus par, resecti plano transeunte per axim semiparabola, & per punctum in latere, centrum æquilibrij in basi assignare.

Sed supponamus $CADB$, esse truncum finistrum cylindrici super semiparabola CAB , existentis, cuius axis CB , basis AB , resecti plano transeunte per axim CB , & per punctum D , in latere; sed CAB , sit generis illarum, quarum exponentes sunt numeri pares. Oportet in CAB , reperire centrum æquilibrij trunci appensi secundum ipsam. Inueniatur ex schol. 3. proposit. 2. in AB , E , centrum æquilibrij trunci; & CB , sic diuidatur in G , ut CG , sit ad GB , ut dimidium numeri parabola unitate auctum, ad dimidium numeri parabola. Erit G , ex proposit. 14. lib. 4. centrum grauitatis conoidis orti ex reuolutione semiparabola CAB , circa CB . Si ergo per puncta E , G , ducantur parallelæ BC , & BA , punctum F , in quo se secant, erit centrum æquilibrij trunci appensi secundum basim. Quod &c.

Per F , erecta altitudine, habebimus in ipsa centrum grauitatis ex proposit. 9,

PRO-

PROPOSITIO XIII.

Trunci dexteri eiusdem cylindrici, centrum æquilibrij in basi assignare.

TRunci dexteri $HkLBC$, eiusdem cylindrici, sic inueniemus centrum æquilibrij in HkL . Ex schol. 3. citat. proposit. 2. inueniemus in kL , basi semiparabola O , centrum æquilibrij trunci. Cum vero truncus sit proportionaliter analogus cum annulo orto ex semiparabola reuoluta circa ductam per extremitatem K , HL , diametro parallelam, axis talis annuli, secabitur in eadem ratione, in qua secatur HL , à centro æquilibrij trunci. Sed ex proposit. 33. miscell. habetur, in qua ratione secetur axis illius annuli. Ergo habebimus etiam punctum N , centrum æquilibrij trunci. Si ergo, ut prius, ducamus OM , NM , parallelas kL , HL , sese secantes in M ; erit inuentum M , centrum æquilibrij trunci prædicti.

ALITER.

Supponamus rursus, duos truncos vniri, ut M , sit centrum semiparabola, & consequenter totius cylindrici. Sit pariter P , centrum æquilibrij trunci finistri; si PM , ducatur, & sic producat ad Q , ut sit reciprocè QM , ad MP , ut truncus finister

ster


ster, ad truncum dexterum; erit Q , centrum æquilibrium prædictum. Sed ratio trunci ad truncum habetur ex coroll. 3. proposit. 4. lib. 2. in qua assignatur ratio, quam habet quodlibet conoides parabolicum, ad annulum cuiuslibet semiparabolæ, reuolutæ circa parallelam diametro ductam per extremitatem basis.

Centrum grauitatis in altitudine trunci demissa à puncto M , habetur ex proposit. 9.

PROPOSITIO XIV.

Trunci sinistri cylindrici recti existentis super trilineo parabolico, cuius exponens sit numerus par, resecti plano transeunte per basim trilinei, & punctum in latere, centrum æquilibrium in basi assignare.

Sed supponamus CAB , esse quodlibet ex infinitis trilineis, cuius exponens sit numerus par, & cuius axis sit AB , basis BC , & pariter supponamus $CADB$, esse truncum sinistram cylindrici recti existentis super trilineo, & resecti plano transeunte per CB , basim trilinei, & per punctum in latere; huius oporteat reperire centrum æquilibrium in basi, secundum ipsam appensi. Diuidatur AB , in E , ut sit AE , ad EB , ut numerus trilinei unitate auctus, ad binarium. Erit ergo in EF , parallela BC , centrum æquilibrium talis trunci, ex schol. prim. proposit. 2. Cum autem truncus sit proportionaliter analogus



logus cum conico orto ex reuolutione trilinei CAB , circa basim BC ; & cum in schol. proposit. 33. miscell. assignatus fuerit modus reperiendi G , centrum grauitatis illius conici: erit consequenter patefactus modus inueniendi G , centrum æquilibrium illius trunci. Si ergo per G , ducatur parallela AB , secans EF , in F . Erit inuentum F , centrum æquilibrium quod quærebatur. Quod si ab ipso erigatur altitudo trunci,

trunci, in ipsa habebimus ipsius centrum grauitatis ex proposit. 5.


PROPOSITIO XV.

Trunci dexteri eiusdem cylindrici, centrum æquilibrij in basi reperire.

TRunci dexteri $HKLBC$, sic reperiemus centrum æquilibrij. Diuidatur KL , in O , vt sit kO , ad OL , vt numerus trilinei binario auctus ad vnitatem. Ergo si ducatur OM , parallela LH , erit in ipsa, ex schol. prim. proposit. 2. centrum æquilibrij prædicti trunci. Cum vero truncus sit proportionaliter analogus cum solido orto ex rotatione trilinei HkL , circa axim conoidis; secabitur LH , ab N , centro grauitatis trunci, sicuti secatur axis conoidis, à centro grauitatis solidi ex trilineo sic reuoluto. Sed ex proposit. 15. lib. 4. axis conoidis sic secatur à centro grauitatis illius solidi, vt pars ad verticem, sit ad reliquam, vt dimidium numeri conoidis, seù trilinei vnitatem auctum, ad sesquialterum numeri conoidis vnitatem auctum. Ergo & sic N , centrum æquilibrij trunci, secabit LH . Secetur ergo sic in N . Si per N , ducatur NM , parallela KL , punctum M , occurfus cum priori parallela, erit centrum qua-

ALI-

ALITER.



Sed etiam nunc, supponentes ambos truncos coniungi ad constituendum totum cylindricum, huius habebimus M , centrum æquilibrij totius cylindrici, quia ex proposit. 8. lib. 3. habemus etiam M , centrum grauitatis trilinei HKL . Si ergo sit P , centrum æquilibrij trunci inferioris, iuncta

T 2

PM,

PM, & producta ad Q, in ratione reciproca truncorum; repertum erit Q, centrum æquilibrij trunci dexteri. Ratio autem truncorum assignata fuit in coroll. 2. prop. 4. lib. 3. in qua tradita fuit ratio ad inuicem solidorum ex trilineo circa basim KL, & circa axim conoidis. Centrum grauitatis in altitudine trunci demissa à puncto M, habemus ex citat. proposit. 5.

PROPOSITIO XVI.

Trunci sinistri cylindrici recti existentis super quocunque trilineo parabolico, resecti diagonaliter plano transeunte per diametrum trilinei, & per punctum in latere, centrum æquilibrij in basi assignare.

Ast, sit CAB, quodlibet ex infinitis trilineis parabolicis, cuius diameter CB, basis AB, CADB, vero sit truncus sinister cylindrici recti super trilineo existentis, ac plano diagonaliter transeunte per diametrum BC, ac D, punctum in latere resecti. Huius trunci oportet in CAB, centrum æquilibrij adinuenire. Ex schol. 2. proposit. 2. inueniatur in AB, basi trilinei E, centrum æquilibrij trunci appensi secundum AB. Si ergo ducatur EF, parallela BC, in ipsa erit centrum æquilibrij trunci appensi secundum basim. Pariter, quia truncus est proportionaliter analogus cum conico orto ex rotatione trilinei ABC, circa diametrum BC, CB, de-

uide-

uidetur à centro æquilibrij trunci sicut secatur à centro grauitatis conici. Diuidatur CB, in G, ut sit CG, ad GB, ut duplex numerus conici unitate auctus, ad unitatem. Ergo ex proposit. 17. lib. 4. G, erit centrum grauitatis conici, & consequenter æquilibrij trunci. Si ergo per G, ducatur GF, parallela AB, occurrens EF, in F. Erit F, centrum æquilibrij quaesitum. Inuentum est ergo, &c. Centrum grauitatis in altitudine, sicut in prop. sequenti inuenietur ex proposit. 8.

PROPOSITIO XVII.

Trunci dexteri eiusdem cylindrici, centrum æquilibrij in basi assignare.

Sed trunci dexteri sic reperiatur centrum æquilibrij. Inueniatur, ex schol. 2. proposit. 2. O, centrum æquilibrij trunci appensi secundum KL, adeo ut in OM, parallela diametro LH, sit centrum æquilibrij trunci appensi secundum basim. Cum vero talis truncus dexter sit proportionaliter analogus cum solido orto ex rotatione trilinei circa basim semiparabolæ, quod solidum, est excessus cylindri circumscripti semifuso parabolico supra ipsum: ergo HL, sic secabitur à centro æquilibrij trunci appensi secundum HL, sicuti secatur basis semiparabolæ à centro grauitatis solidi ex trilineo HKL, circa ipsam reuoluto. Sed inuenire centrum grauitatis

tatis prædicti solidi docuimus in schol. proposit. 31. miscell. Ergo docuimus consequenter reperire punctum N, centrum æquilibrij trunci appensi secundum HL. Quod si per N, ducatur NM, parallela basi KL, incidens in priorem in M. Erit M, punctum quæsitum.

ALITER.


Sed consequenter ad sæpe dicta, aliter reperiemus centrum talis trunci dexteri, si mente intelligemus vniri ambos truncos ad constituendum totum cylindricum, cuius habebimus centrum æquilibrij, M; quia pariter ex proposit. 8. lib. 3. habemus M, centrum æquilibrij trilinei. Cum ergo ex proposit. anteced. habeamus etiam P, centrum æquilibrij trunci sinistri, si vnitis punctis P, M, linea PM, ac ipsa producta ad Q, fiat reciproce QM, ad MP, vt truncus sinister, ad truncum dexterum. Erit Q, centrum æquilibrij trunci dexteri. Ratio vero trunci ad truncum habetur in calce schol. proposit. 8. lib. 3.

SCHOLIUM.

Adiuuenimus ergo centra æquilibrij in basi prædictorum truncorum. Sed hæc centra alio modo potuissent reperiri vnum ex alio. Quod vt intelligamus, inspiciatur schema sequens, in quo prius sup-

pona-

ponamus ABF, esse semiparabolam, cuius diameter sit BF, basis AF, & cui sit circumscriptum parallelogrammum DF, & tam super ipso, quam super semiparabola, intelligamus cylindricos rectos æquealtos sectos diagonaliter plano transeunte per basin AF, & per k O. Paret occulariter parallelepipedum diuidi in duo prismata; & cylindricos vtrosque super semiparabola, & super trilineo, in suos truncos dexteros, & sinistros; & prisma quodlibet constare ex duobus horum truncorum, vt supra explicatum fuit in schol. 2. proposit. 2. Cum ergo v. g. prismatis sinistri ADkOFB, habeamus ex proposit. 2. centrum æquilibrij in basi DF; reperto in eadem basi DF, centro æquilibrij alterutrius trunci sinistri, nempe vel ADBOk, vel ABFO: statim ex sola proportione, quæ reperitur inter ipsos truncos, facillime eliciemus centrum alterius trunci. Sic quoniam ex proposit. 7. habemus in altitudine prismatis



matis eius centrum grauitatis, reperto centro grauitatis in altitudine alterutrius trunci sinistri, ex eadem proportione truncorum reperiemus centrum grauitatis alterius trunci. Proportiones verò cadentes inter truncos, reperientur in varijs propositionibus lib. 3. in quibus assignantur rationes cylindrorum circumscriptorum varijs solidis rotundis, ad ipsa. Hæc quæ diximus facillime fient manifesta peritis geometris, ac præfertim ijs, qui inspexerint aliàs à nobis scripta.


Vsq̄ue modo assignauimus punctum præcisum æquilibrij supradictorum truncorum, in sequenti proposit. sicuti ferè in omnibus sequentibus, non punctum præcisum, sed lineas dumtaxat, in quibus sint centra æquilibrij innumerabilium truncorum, quorum aliquos comprehendemus sequenti propositione. Et licet non reperiamus punctum præcisum, atamen non putamus sequentes cognitiones à geometria postergandas esse, dummodo cupiat nouis cognitionibus, cuiuslibet sint amplitudinis, promoueri. Sed quorundam sequentium truncorum, reperiemus etiam puncta præcisa, quæ sint & centra æquilibrij, & grauitatis.

PROPOSITIO XVIII.

Assignare lineas in basi nonnullorum truncorum cylindricorum rectorum super diuersis segmentis infinitarum parabolarum, & trilineorum existentium variè resectorum, in quibus sint ipsorum centra æquilibrij.

IN superioribus dum assignauimus centra æquilibrij supradictorum truncorum, exhibuimus in schematibus ipsos truncos, quod non faciemus in hac, & in multis alijs sequentium propositionum; sed tantum ponemus schemata, in quibus sint figuræ, super quibus intelligendi sunt cylindrici, & trunci ad modum superiorum.

1. Esto ergo semiparabola ABD , cuius exponens sit numerus par, quæ sit secta PM , parallela basi AD ; intelligamus super segmento $APMD$, cylindricum rectum, sectum plano diagonaliter transeunte per MD , & per punctum in latere erecto à puncto A . Trunci sinistri huius cylindrici habebimus in MD , centrum æquilibrij appensi secundum MD . Ratio est, quia ex dictis in schol. proposit. prim. talis truncus sinister, est proportionaliter analogus cum segmento conoidis $APGC$. Sed talis segmenti assignauimus centrum grauitatis in schol. proposit. 15. lib. 4. ergo habebimus etiam centrum æquilibrij in MD , illius trunci sinistri. Immo ex eodem schol. habebimus particulariter, quod si ABD , sit semiparabola




rabola quadratica, & H, sit centrum prædictum: hoc sic secabit MD, ut MH, sit ad HD, ut duplum quadratum AD, cum quadrato PM, ad duplum quadratum PM, cum quadrato AD. Si ergo per H, ducatur parallela AD: patet in ipsa, esse centrum æquilibrij trunci appensi secundum basim. Quod pariter verificabitur in alijs truncis infra tradendis, quod semper intelligendum volumus, licet à nobis, breuitatis causa, non replicabitur. Verum, quodnam punctum prædictæ lineæ, sit centrum æquilibrij præcisum, usque nunc ignoramus.

2. Sed non modo habemus in MD, centrum æqui-

æquilibrij trunci sinistri, sed etiam trunci dexteri. Nam hic est proportionaliter analogus cum segmento annuli ex APMD, reuoluto circa EA. Sed huius segmenti habemus in eius axi centrum grauitatis, ex proposit. 35. miscell. Quare & centrum æquilibrij in MD, trunci dexteri.

3. Esto trilineum ABD, cuius diameter BD, sit autem sectum linea LH, AD, parallela, & intelligamus super segmento ALHD, cylindricum rectum sectum diagonaliter plano transeunte per DH, & punctum in latere. Habebimus in HD, centrum æquilibrij trunci sinistri huiusmodi cylindrici. Nam ex schol. proposit. 18. lib. 4. habemus in HD, centrum grauitatis segmenti conici ALMC. Quinimo ex dictis in eodem schol. possumus ampliare proposit. 25. lib. 3. de centro grauitatis solidorum Lucæ Valerij, ad truncum sinistram cylindrici existentis super trapezio ordinario, ut ex dictis loc. citato potest conspici.

4. Sed non modo habebimus in HD, centrum æquilibrij trunci sinistri prædicti cylindrici, sed etiam trunci dexteri; quod utique ostendemus dari, quotiescunque demonstrabimus centrum grauitatis in KA, solidi orti ex rotatione ALHD, circa KA. Sic enim secatur KA, à centro grauitatis huius solidi rotundi, sicuti secatur HD, à centro æquilibrij prædicti trunci dexteri. Solidi vero ex ALHD, reuoluto circa KA, sic inueniemus centrum grauitatis. In KA, & in eius puncto medio, habemus



centrum gravitatis cylindri ex parallelogrammo kD . Pariter ex proposit. 37. miscell. habemus in kA , centrum gravitatis portionis fusi orti ex reuolutione portionis minoris kLA , circa kA . Quotiescunque ergo nobis etiam erit nota ratio solidi ex $ALHD$, circa kA , ad dictam portionem fusi, sciemus consequenter quodnam sit in kA , centrum gravitatis solidi ex $ALHD$, circa kA . Sed rationem solidi ex $ALHD$, ad prædictam portionem fusi, habemus ex schol. proposit. 13. lib. 3. Cum enim ibi sit assignata ratio, quam habet cylindrus ex kD , ad solidum ex $ALHD$, circa kA ; diuidendo, assignata pariter erit ratio, quam habet portio fusi ex kLA ,
circa


circa kA , ad solidum ex $ALHD$, circa eandem kA .

5. Sed supponamus CBZ , esse quamlibet ex infinitis parabolis, cuius diameter Bk , & super parabola intelligamus cylindricum rectum sectum diagonaliter per ZC , & punctum in latere. Habemus duos truncos, nempe sinistram, & dextram, quorum assignata fuerunt in parabola CBZ , centra æquilibrium in proposit. 2. Ducatur QM , parallela diametro Bk , & per ipsam intelligamus transire planum ad parabolam erectum, secans ambos truncos. Ergo etiam pars cylindrici, cuius basis CQM , portio minor parabolæ, habebit suas partes truncorum. Cum ergo ex schol. proposit. prim. truncus sinister cylindrici existentis super CBZ , sit proportionaliter analogus cum fuso ex CBZ , circa CZ , tam secundum totum, quam secundum partes proportionales; & pariter truncus dexter sit sic proportionaliter analogus cum solido rotundo $ARBZC$: sequitur etiam partem trunci sinistri existentis super CQM , esse proportionaliter analogam cum portione fusi ex CQM , circa MC ; & pariter partem trunci dexteri, esse proportionaliter analogam cum portione annuli ex CQM , circa GD . Cum ergo ex proposit. 37. miscell. habeamus in MC , centrum gravitatis portionis fusi ex QMC , portione circa MC ; habebimus etiam in MC , centrum æquilibrium trunci sinistri portionis trunci sinistri existentis super CQM . Item, cum ex schol. proposit. 18. lib. 4. in
fine,

fine, habeamus in GD , centrum gravitatis segmenti annuli ex portione MQC , reoluta circa GD ; habebimus consequenter in MC , centrum æquilibrium portionis trunci dexteri cylindrici existentis super CQM . Item reliqua pars trunci sinistri, nempe ea, cuius basis est portio maior $MQBZ$, est proportionaliter analoga cum portione fusi ex $MQBZ$; sicuti reliqua pars trunci dexteri, est proportionaliter analoga cum portione annuli ex eadem portione maiori. Ergo ex citat. proposit. 37. miscell. habebimus in ZM , centrum æquilibrium illius portionis maioris trunci sinistri; quia ibidem assignauimus in ZM , centrum gravitatis portionis maioris fusi ex $MQBZ$. Pariter ex citat. schol. proposit. 18. lib. 4. habebimus in ZM , centrum æquilibrium prædictæ portionis maioris trunci dexteri, quia habemus in SG , centrum gravitatis portionis annuli ex $MQBZ$, circa SG .

6. Si intelligamus etiam duci planum per BK , ad parabolam erectum, habebimus in KM , centra æquilibrium amborum truncorum partis cylindricæ, cuius basis segmentum ad diametrum $QBkM$. Sinistri ex citat. proposit. 37. miscell. in qua assignatur in kM , centrum gravitatis partis fusi ortæ ex reuolutione $MQBK$, circa kM . Dexteri vero ex schol. citat. proposit. 18. lib. 4. in qua assignatur in BG , centrum gravitatis partis annuli ortæ ex reuolutione eiusdem segmenti circa BG .

7. Si ducamus etiam YX , Bk , parallelam, per quam intelligamus transire planum ad parabolam ere-




erectum: ex locis citat. habebimus centra æquilibrium in XM , segmentorum prædictorum truncorum, contentorum inter plana per QM , & per YX . Segmenti trunci sinistri, quia in citat. proposit. miscell. assignauimus in XM , centrum gravitatis segmenti intermedii fusi ex $MQYX$, reuoluto circa XM . Segmenti vero trunci dexteri, quia in loc. citat. lib. 4. assignauimus in VG , centrum gravitatis segmen-

ti annuli ex eodem segmento parabolæ.

8. Si mente intelligamus duci aliam parallelam Bk, contentam inter BK, YX, adeo vt ducta, & YX, intercipient segmentum intermedium parabolæ, & per talem lineam ductam intelligamus transire planum ad normam superiorum; ab hoc plano, & à ducto per YX, continebitur pars quædam prædictorum truncorum, quorum itidem in parte Xk, ipsis truncis correspondente habebimus centra æquilibrij dictorum segmentorum truncorum; quia ex locis supra citatis, habemus centra gravitatis solidorum rotundorum truncis correspondentium.

9. In schem. proposit. 2. prim. part. intelligamus semiparabolam quamcunque, ABD, cuius exponents sit numerus par, quæ sit secta FG, axi BD, parallela; super semiparabola ADB, intelligamus cylindricum rectum sectum diagonaliter plano transeunte per BD, & per punctum in latere erecto à puncto A. Huius truncus sinister, est proportionaliter analogus cum conoide ABC. Intelligamus per FG, transire planum erectum parabolæ genitrici, quod utique secabit illum truncum in duas partes, quarum illa existens super portione minori AFG, erit proportionaliter analogum cum annulo ex AFG, reuoluta circa OD. Huius portionis illius trunci sinistri, habemus in OD, centrum æquilibrij, quia in schol. prim. citat. proposit. assignatum fuit in OD, centrum gravitatis annuli AFGQPC. Particularius autem habebimus ex loc. citat. si ABD, sit




fit semiparabola quadratica, semper OD, sic secari à centro æquilibrij partis trunci sinistri existentis super AFG, vt pars terminata ad O, sit semper reliquæ dupla.

10. Si prædicta pars trunci super AFG, existens, secetur plano parallelo AECH, habebimus ex schol. 2. citat. proposit. in fine, in LD, centrum æquilibrij partis illius trunci existentis super AklG. Et particularius habemus, quod in parabola quadratica, LD, à tali centro æquilibrij sic secabitur, vt pars terminata ad L, sit ad reliquam, vt duplum rectangulum AGC, cum rectangulo KIM, ad
X du-

duplum rectangulum kIM , cum rectangulo AGC . Pariter colligemus ex dicto schol. tale centrum æquilibrium taliter secare mediam tertiam partem LD , ut pars propinquior L , sit ad reliquam, ut rectangulum AGC , ad rectangulum kIM .

11. Intelligamus conoides ABC , parabolicum, cuius exponens sit numerus par; hoc sit sectum plano EFH , æquidistanter axi BD , & ad parabolam genericam erecto; super semifigura $EEFG$, intelligamus cylindricum rectum sectum diagonaliter plano transeunte per FG , & per punctum in latere erecto à puncto E : huius truncus sinister erit proportionaliter analogus cum solido rotundo EFH , genito ex rotatione semifiguræ $EEFG$, circa FG . Trunci sinistri præfati cylindrici appensifecundum FG , habebimus in FG , centrum æquilibrium. Hoc vero habebimus ex schol. 2. cit. proposit. in principio. Sicuti secto tali trunco, plano SN , parallelo EH ; etiam segmentorum huius trunci, habebimus in partibus FG , correspondentibus, centra æquilibrium.

12. Sit semiparabola quæcunque ABD , cuius axis AD , basis BD , cui sit ducta parallela FG : super ABD , semiparabola intelligamus cylindricum rectum sectum diagonaliter plano transeunte per BD , & per punctum in latere erecto à puncto A . Si intelligemus truncum sinistram secari alio plano insistente ipsi FG , ac erecto semiparabola; portio huius trunci existens super semiparabola ad verticem




ticem AFG , erit proportionaliter analoga cum annulo $AFGQPC$, orto ex rotatione semiparabolæ ad verticem circa BD . Ex proposit. 13. prim. part. habebimus in OD , centrum æquilibrium segmenti illius trunci sinistri. Sicuti intellecto semifuso parabolico ABC , sectoque ipso, semifigura $EEFG$, æquidistanter BD , ad semiparabolam ABD , erecta, ac super semifigura $EEFG$, intellecto cylindrico recto secto diagonaliter plano transeunte per FG , & per punctum in latere erecto à puncto E ; trunci sinistri huius cylindrici habebimus, ex schol. citat. proposit. in FG , centrum æquilibrium.

libri. Sed hæc sunt vniuersalia. Particularius enim, ex eodem scholio, habebimus, quod si AG , GD , sint æquales, poterimus etiam in numeris exprimere, in qua ratione secantur OD , FG , à centrâ æquilibrij prædictorum truncorum cylindricorum. Hæc omnia facile percipientur ex scholio citato.

13. Sed in eodem schemate supponamus ABD , esse trilineum quodcunque cuius axis BD , basis AD , & axi BD , sit ducta GF , parallela: super ABD , intelligamus truncum sinistram cylindrici recti secti diagonaliter plano transeunte per BD , & punctum in latere erecto à puncto A ; & hic truncus concipiatur sectus plano erecto per GF . Vt prius discurrentes, concludemus, partem trunci existentem super AGF , esse proportionaliter analogam cum solido orto ex rotatione ipsius AGF , circa BD . Quare ex schol. prim. proposit. 15. prim. part. habebimus in OD , centrum æquilibrij ipsius trunci secundum OD , appensi. Quod si conicus ABC , intelligatur sectus figura EFH , & super FGE , intelligamus cylindricum rectum sectum diagonaliter plano transeunte per GF , & punctum in latere erecto à puncto E . Huius trunci sinistri habebimus in GF , centrum æquilibrij appensi secundum GF , ex schol. 2. citat. proposit.

14. Si in schem. proposit. ultimæ prim. part. supponamus HAC , HDF , esse duas semiparabolas quadraticas æquales, vt ibidem explicatum fuit, & acta vbilibet ordinatim applicata HFC , ductaque DK ,



Dk , parallela eidem, super $HDkC$, concipiamus cylindricum rectum sectum diagonaliter plano transeunte per HD , & per latera erecta à punctis C , k . Huius trunci dexter in hoc casu secabitur à superficie insistente curvæ DEF , in duas partes. Et cum totus talis truncus sit proportionaliter analogus cum toto frusto conoidali orto ex reuolutione $HDkC$, circa DH ; & pariter eius pars existens super semiparabola HDF , sit proportionaliter analoga cum conoide ex ipsa genito; erit reliqua eius pars, nempe existens super quadrilatero curuo $FDkC$, proportionaliter analoga cum solido ex ipso, reuolato circa DH , orto. Ex schol. ergo citat. proposit. habemus.

bemus centrum æquilibrij portionis illius trunci existentis super quadrilatero dicto appensi secundum DH , diuidere semper ipsam bifariam. Sic dicatur de quibuslibet partibus segmenti illius trunci resecti planis parallelis plano erecto super FC .

SCHOLIUM.


Omnia supradictorum truncorum in præsentibus propositis contentorum, assignauimus solummodo lineam in basi, in qua sint centra æquilibrij ipsorum. Non desunt tamen modi notandi puncta præcisa, in aliquibus ipsorum, nempe in explicatis quatuor primis numeris. Antequam ergo ulterius procedamus, determinauimus hæc centra indagare.

PROPOSITIO XIX.

Trunci sinistri cylindrici rekti existentis super segmento ad basin semiparabola, cuius exponens sit numerus par, ac resecti plano diagonaliter transeunte per diametrum parabola, & punctum in latere, centra æquilibrij in basi, & grauitatis in altitudine possunt assignari.

Sit BAD , semiparabola quæcunque, cuius exponens sit numerus par, quæ sit secta FH , BD basi parallela, superque segmento $FBDH$, sit cylindricus rektus sectus diagonaliter plano transeunte per DH , diametrum, & punctum in latere. Trun-

ci sinistri $FkHDEB$, huius cylindrici in $BDHF$, centrum æquilibrij potest assignari. Concipiamus totum cylindricum super semiparabola BAD , existentem sectum per AD , & punctum in latere. Tam $ABDE$, trunci sinistri totius huius cylindrici, quam eius portionis $FAHk$, existentis super semiparabola ad verticem AH , habemus in basibus BAD , AH , centra æquilibrij, ex propof. 12. Si ergo mente coniungamus hæc centra lineam, quæ taliter producat ad partes centri totius trunci, vt sit recprocè intercepta inter hæc centra, ad productam, vt pars trunci super $BFDH$, ad partem trunci super HAF . Inuentum punctum, erit centrum æquilibrij frusti illius trunci sinistri super $BFDH$, ac secundum $BFDH$, appensi. Si ergo habemus rationem prædictorum segmentorum trunci sinistri super semiparabola existentis, habebimus etiam punctum æquilibrij, quod quæritur. Sed prædicta ratio datur. Quare &c.



Quod

Quod vero detur prædicta ratio, patet. Quia, cum truncus sinister prædictus, sit proportionaliter analogus cum conoide parabolico ex BAD , circa DA , erit pars ipsius existens super $BFHD$, ad partem existentem super HAF , ut segmentum conoidale ex $BFHD$, ad conoides ex HAF ; nempe ex proposit. prim. lib. 2. diuidendo, ut excessus potestatis BD , duplici gradu altioris potestate parabolæ, supra similem potestatem HF , ad similem potestatem HF . Centrum grauitatis reperietur eodem modo. Nam, cum dentur centra grauitatis in altitudinibus amborum truncorum existentium super BAD, FAH , & pariter detur altitudo portionis existentis super $FBDH$, quia in ipsa datur centrum æquilibrij; coniunctis centris grauitatis truncorum existentium super BAD, FAH , productaque linea, occurret altitudini portionis trunci existentis super $BFHD$, in centro grauitatis ipsius.


PROPOSITIO XX.

Eiusdem cylindrici trunci dexteri, centra æquilibrij in basi, & grauitatis in altitudine assignare.

Propositio probari potest diuersis modis, nos vno dumtaxat contenti erimus. Totius cylindrici super $BFHD$, existentis datur in $BFHD$, centrum æquilibrij, quia ex schol. prim. proposit. 11. lib. 3. eiusdem $BFHD$, datur centrum grauitatis.

Ex

Ex proposit. anteced. datur in $BFHD$, centrum æquilibrij trunci sinistri. Ratio trunci ad truncum, habetur ex schol. 2. citat. proposit. 11. lib. 3. quia ibi assignatur ratio solidi ex $BFHD$, circa DH , ad solidum ex eodem segmento circa parallelam DH , ductam per BS . Quare patet propositum. Centrum grauitatis reperietur ex iisdem datis centris grauitatis. Quod etiam intelligetur in duabus sequentibus propositionibus.



PROPOSITIO XXI.

Trunci sinistri cylindrici recti existentis super quolibet infinitorum trapeziorum, & respectu plano diagonaliter transeunte per diametrum trilinei, & punctum in latere, centra æquilibrij in basi & in altitudine grauitatis, possunt assignari.

Y Sup.

Supponatur ABD , quodlibet ex infinitis trilineis parabolicis, cuius diameter DA , & ducta FH , parallela AD , super trapezio $BFDH$, concipiamus cylindricum rectum sectum per HD , & punctum in latere. Trunci sinistri est assignabile in trapezio centrum æquilibrij. Nam, ut prius concludemus, intellecto toto trunco sinistro existente super trilineo, nos habere in ABD , centrum æquilibrij totius, & in FAH , centrum æquilibrij portionis existentis super ipso, ex proposit. 16. Sed etiam habemus rationem segmenti talis trunci existentis super trapezio, ad truncum existentem super trilineo ad verticem. Quia cum ille truncus sinister, sit proportionaliter analogus cum conico ex ABD , circa DA , habemus ex proposit. 2. lib. 2. esse diuidendo, frustum ex $FBDH$, ad conicum ad verticem ex FAH , ut excessus potestatis DA , cuius exponent sit duplus vnitate auctus exponentis trilinei, supra similem potestatem AH , ad similem potestatem AH .

PROPOSITIO XXII.

Trunci dexteri eiusdem cylindrici sunt prædicta centra assignabilia.

Patet ad modum proposit. 20. Quia cum cylindrici existentis super trapezio, habeamus centrum æquilibrij in trapezio, (habemus etenim tra-

pe-

pezij centrum grauitatis ex schol. proposit. 13. lib. 3.) & pariter in eodem ex proposit. anteced. habeamus centrum æquilibrij trunci sinistri, cum pariter ex eodem schol. habeamus rationem trunci ad truncum, quia habemus rationem frusti ex $FBDH$, circa DH , ad solidum ex eodem circa ductam per B , DH , parallelam; non ignorabimus centrum æquilibrij trunci dexteri.


PROPOSITIO XXIII.

Assignare in semicirculo, vel semiellipsi lineas, in quibus sint centra æquilibrij variorum segmentorum trunci sinistri cylindrici recti super semicirculo, vel semiellipsi existentis, ac resecti plano transeunte per diametrum circuli, & ellipsis.

Esto $DABC$, vel circulus cuius diameter BD , vel ellipsis, cuius eadem BD , sit axis, & concipiamus super DAB , semicirculo, vel semiellipsi existere cylindricum rectum sectum diagonaliter plano transeunte per BD , & punctum in latere. Variorum segmentorum trunci sinistri eiusdem, intelligimus docere in hac proposit. nos posse assignare lineas in basi, in quibus sint ipsorum centra æquilibrij.

1. Sciendum est centrum æquilibrij trunci sinistri existentis super quadrante EAB , sic diuidere BE , v. g. in Y , ut BY , sit ad YE , ut 5. ad 3. sicuti ex proposit. 20. lib. 4. secatur eadem BE , à centro gra-

Y 2 vi-



uitatis hemisphærij, seu hemisphæroidis ABC.

2. Si quadranti sit circumscriptum rectangulum KE, ac super trilineo AkB, concipiatur cylindricus sectus plano transeunte per B, & per latus oppositum ipsi k A, in basi opposita; truncus sinister huius cylindrici, qui erit excessus prismatis sinistri existens super parallelogrammo k E, supra truncum

cum sinistram cylindrici existens super quadrante, habebit suum centrum æquilibrij in BE, ita ipsam diuidens v.g. in Q, vt sit BQ, ad QE, vt 1. ad 3. In eadem enim ratione, ex proposit. citat. secatur BE, à centro grauitatis solidi ex trilineo mixto AkB, reuoluto circa BE.

3. Ex eadem proposit. elicietur in BQ, centrum æquilibrij portionis trunci sinistri existens super XBQ, minori portione, ducta XQ, perpendiculari BE, quia habemus in eadem BQ, centrum grauitatis minoris portionis XRZ.

4. Quia pariter in QD, habetur centrum grauitatis maioris portionis XDZ, ex citat. proposit. habebimus pariter in QD, centrum æquilibrij portionis trunci sinistri existens super XDQ.

5. In QE, habebimus centrum æquilibrij portionis trunci sinistri cylindrici existens super segmento ad diametrum EAXQ.


6. Ducta OF, pariter normali BD, habebimus in QF, centrum æquilibrij portionis trunci sinistri existens super segmento intermedio FOXQ, includente diametrum AE.

7. Si inter XQ, AE, ducatur alia parallela ipsi, adeo vt hæc, & XQ, intercipient segmentum intermedium. Habebimus pariter in parte ipsius QE, tali segmento correspondente, centrum æquilibrij portionis trunci sinistri existens super illo segmento. Hæc omnia enim centra æquilibrij dantur, quia in citat. proposit. assignata fuerunt in axi

centra grauitatis partium sphaerae, vel sphaeroidis correspondentium partibus trunci sinistri praedicti. Trunci vero dexteri praedicti cylindri, quoad suas partes, non habemus centra aequilibrij in BD , nisi ex suppositione circuli quadraturae, qua supposita, nobis liceret reperire centra grauitatis in Nk , partium annuli ex DAB , circa kN .

8. Esto ABC , quaelibet portio circuli, vel ellipsis, cuius axis BD , & AB , sit linea: super $AFBD$, portione concipiamus cylindricum rectum sectum diagonaliter plano transeunte per BD , & per punctum in latere erecto à puncto A . Truncus sinister huius cylindrici, est, ex dictis, proportionaliter analogus cum portione sphaerae, vel sphaeroidis ABC . Item, si per lineam BA , transeat planum erectum ABD , quod dirimat truncum in duas partes; eius portio existens super triangulo ABD , erit proportionaliter analogua cum cono ABC . Reliqua ergo eius portio, cuius basis $AFBA$, erit proportionaliter analogua cum excessu portionis ABC , sphaerae, vel sphaeroidis, supra conum ABC . Ex schol. 2. proposit. 45. miscell. sciendum est, centrum aequilibrij illius segmenti trunci existentis super $AFBA$, & appensi secundum BD , esse in E , medio puncto BD , in quo ex loc. citat. est centrum grauitatis excessus ABC , portionis supra ABC , conum. Item si per FH , bisechantem BA , intelligamus erigi planum, secans partem illius trunci in duas partes relictas hinc inde, centrum aequilibrij partis existentis


tis



tis super FBH , sic secabit BE , ut pars terminata ad B , sit ad reliquam ut 3. ad 5. Item centrum aequilibrij partis existentis super FAH , sic secabit DE , ut pars terminata ad D , sit ad reliquam ut 5. ad 3. Sed etiam aliarum partium illius portionis trunci existentis super $AFBA$, possumus in BD , assignare centra aequilibrij. Quae autem haec sint, eliciuntur ex loc. cit.

9. Si $ABCD$, sit circulus, vel ellipsis, cuius axis BD , & ipsi BD , sit parallela GF , ductisque RG, VF , normalibus ipsi BD , super $RGCFV$, concipiatur cylindricus rectus sectus diagonaliter plano transeunte per RV , & per punctum in latere erecto à puncto C . In tali casu, truncus dexter huius cylindrici, erit proportionaliter analogus cum segmento sphaerae, vel sphaeroidis $TASGCF$. Cum ergo secto hoc trunco, plano per GF , erecto circulo,

culo,




culo, vel ellipsi, diuidatur hic truncus in duas partes, quarum existens super parallelogrammo RF , sit proportionaliter analoga cum cylindro ex eodem parallelogrammo reuoluto circa RV , reliqua pars huius existens super portione GCF , erit proportionaliter analoga cum annulo ex eadem portione reuoluta circa eandem RV . Ridiculum esset, supposito E , bisecare RV , dicere, ipsum esse centrum æquilibrij illius portionis trunci existentis super GCF , cum hoc sit luce meridiana clarius. Non erit tamen ridiculum affirmare, ac tradere, OC , bisecante GF , ac per ipsam erecto plano dirimente portionem prædictam illius trunci in duas partes relictas

lictas hinc inde, centrum æquilibrij alterutrius ipsarum, v. g. existentis super OGC , sic RE , secundum quam intelligenda est appendi, secare, vt pars terminata ad R , sit ad partem terminatam ad E , vt 5. ad 3. Ratio desumitur ex schol. 2. proposit. 5. primæ partis, in qua fuit patefactum, sic secari RE , à centro grauitatis dimidij annuli orti ex reuolutione figuræ OGC , reuolutæ circa BD . Sed ex schol. citato, possumus assignare etiam centra æquilibrij aliarum partium segmenti illius trunci: quæ autem hæc sint, lector ex scholio citat. potest eruere.

PROPOSITIO XXIV.

Variorum truncorum cylindricorum super hyperbola variè existentium, ac variè resectorum, assignare lineas, in quibus sint centra æquilibrij.

E Sto hyperbola ABC , cuius latus transfuersum GB ; super semihyperbola ABD , concipiatur cylindricus rectus sectus diagonaliter plano transeunte per BD , & per punctum in latere. Truncus sinister huius cylindrici, est proportionaliter analogus cum conoide hyperbolico ABC . Centrum ergo æquilibrij illius trunci sinistri, vel sic diuidit, ex proposit. 13. miscell. duodecimam partem BD , ordine quartam à D , vt pars propinquior D , sit ad reliquam, vt dimidium GB , ad tertiam partem BD . Vel ex proposit. 14. eiusdem, sic diuidit



dit quartam partem BD , ordine secundam à D , ut pars propior D , sit ad reliquam, ut sexta pars GB ad tertiam partem GD . Vel demum, ex prop. 44^a miscell. sic diuidit BD , e.g. in L , ut BL , sit ad LD , ut GB , cum subsesquitercia BD , ad dimidium GB , cum quarta parte DB .

2. Si ducta HL , parallela AD , ac super segmento $AHL D$, concipiamus cylindricum rectum sectum ut supra; etiam trunci sinistri huius, habebimus in LD , centrum æquilibrii; quod erit idem cum centro grauitatis segmenti conoidis $AHOC$,

cuius assignatur centrum grauitatis in LD , in proposito. 17. miscell.


3. Si intra hyperbolam ABC , concipiamus parabolam quadraticam EBF , ita diuidentem AD , in E , ut quadratum AD , sit ad quadratum DE , ut DG , ad GB ; (existente GB , latere transuerso) & tam super semihyperbola ABD , quam super semiparabola EBD , concipiamus cylindricos rectos æquales sectos plano transeunte per BD , & per punctum in latere erecto à puncto A . Patet ex dictis, truncum finistram cylindrici existentis super semiparabola EBD , esse proportionaliter analogum cum conoide parabolico EBF ; & truncum finistram cylindrici existentis super semihyperbola, esse proportionaliter analogum cum conoide hyperbolico ABC . Differentia ergo horum truncorum, erit proportionaliter analogam cum excessu conoidis hyperbolici supra conoides parabolicum. Ex schol. ergo 2. proposito. 4. miscell. habebimus centrum æquilibrii differentie illorum truncorum sic diuidere BD , v.g. in L , ut BL , sit tripla LD , sicuti diuiditur BD , à centro grauitatis differentie conoidorum.

4. Si per HL , parallelam AD , intelligamus erigi planum erectum figuris, ac secans truncos finistros prædictos. Ex loc. citat. habebimus in LD , centrum æquilibrii differentie illorum segmentorum truncorum, quia in LD , habemus centrum grauitatis differentie segmentorum $AHOC$, &

E k F. Diuidetur ergo L D, à tali centro æquilibrium, vt diuiditur à centro grauitatis frusti conici contenti inter plana A C, H O, & quod sit segmentum talis conici, cuius diameter sit B D.


5. In schemate sequenti in ijsdem figuris intelligamus ductas rectas B E, B A, & intelligamus quatuor cylindricos æquealtos, quorum bases E B D, triangulum, E B D, semiparabola, A B D, triangulum, & A B D, semihyperbola; & omnes hi cylindrici intelligantur secti vt prius. Ex scholi. proposit.

6. miscellanei, deducemus, medium punctum B D,




esse centrum æquilibrium tam differentie truncorum finistorum existentium super A D B semihyperbola, & A B D, triangulo, quam super E D B, semiparabola, & E B D, triangulo. Nam idem medium punctum B D, est centrum grauitatis excessus vtriusque conoidis singillatim supra conos sibi inscriptos.

6. Si A I T, sit triangulum rectangulum ad T, & A B E T, sit trapezium cuius oppositæ bases B E, A T, sint parallelæ, & sit parallelogrammum B T; & tam super trapezio A B E T, quam super parallelogrammo B T, concipiantur cylindrici recti secti diagonaliter plano transeunte per E T, & per pun-



Etum in latere erecto à puncto A . Patet truncum
sinistram cylindrici existentis super trapezio, esse
proportionaliter analogum cum segmento conico
 $ABCD$; sicuti prisma sinistram super BT , exi-
stens, est proportionaliter analogum cum cylindro
 BL . Excessus ergo trunci sinistri existentis super
trapezio, super prisma existens super parallelo-
grammo, erit proportionaliter analogus cum exces-
su segmenti conici $ABCD$, supra cylindrum BL .
Ita ergo dividetur ET , à centro æquilibrij illius dif-
ferentiæ truncorum, sicuti dividitur à centro graui-
tatis excessus $ABCD$ supra cylindrum BL . Sæd
centrum grauitatis huius excessus, sic dividit ET ,
ex schol. 2. proposit. 10. miscell. veluti dividitur ea-
dem ET , à centro grauitatis conoidis hyperbolici,
cuius axis TE , latus transversum dupla IE . Er-
go etiam sic dividetur ET , à centro æquilibrij
differentiæ illius trunci sinistri supra prisma fini-
strum.

7. In schemate sequenti, ABC , sit semihy-
perbola; AD , sit parallelogrammum ei circumscri-
ptum; AB , sit eius diameter; EB , sit dimidium
eius lateris transversi; & EF , sit eius coniugata
diameter, adeo ut AF , sit parallelogrammum.
Iam super quadrilatero mixto FBC , concipia-
mus cylindricum rectum sectum diagonaliter plano
transeunte per EF , & per punctum in latere erecto
à puncto C . Hoc planum constituet truncum fini-
strum existentem super illo quadrilatero, à quo à
pla-




Plano per BD , erecto auferetur prisma sinistram
existens super parallelogrammo BF . Truncus si-
nistri totus existens super quadrilatero, est propor-
tionaliter analogus cum toto solido $CBKL$, orto
ex resolutione quadrilateri mixti circa EF . Prisma
vero existens super BF , est proportionaliter ana-
logum cum cylindro BS . Ergo excessus trunci si-
nistri existentis super quadrilatero mixto $CBEF$,
supra prisma sinistram existens super BF , erit pro-
por-

portionaliter analogus cum solido ex trilineo mixto CBD , circumacto circa EF . Centrum ergo æquilibrium in EF , illius excessus, sic secabit EF , v. g. in I , ut EI , sit tripla IF . Sic enim ex schol. 2. proposit. 18. miscell. secatur EF , à centro gravitatis annuli $CBDskL$. Item, si concipiamus tantum partem illius excessus trunci sinistri existentem super trilineo mixto $O B Q$ (ducta NT , parallela CL) etiam huius centrum æquilibrium sic secabit EI , ut pars terminata ad E , sit reliquæ tripla. Pariter centrum æquilibrium partis illius excessus existentis super $CPQD$, secabit IF , ut secatur à centro gravitatis frusti conici $GPRM$. Hæc enim omnia deducuntur ex schol. cit.

8. Si EG , sit Asymptotos hyperbolæ, & dentur reliqua ut prius; cum totus truncus sinister existens super quadrilatero mixto $CBEF$, sit, ut dictum est prius, proportionaliter analogus cum solido rotundo $CBkL$, & truncus sinister existens super triangulo GEF , sit proportionaliter analogus cum cono GEM , ergo differentia horum truncorum, nempe illa, quæ existit super quadrilatero $CBEF$, erit proportionaliter analogæ cum solido rotundo $GCBEkLM$. Ex schol. ergo 2. proposit. 19. miscell. habebimus, secari EF , in medio sui puncto à centro æquilibrium illius differentiæ, sicuti secatur à centro gravitatis illius solidi. Sed non solum ex loc. citat. sic secabitur EF , à centro æquilibrium totius differentiæ, sed etiam sic secabitur


qualibet pars EF , quæ correspondeat cuilibet parti illius differentiæ. Quod etiam intelligendum est si omnia intelligerentur duplicari ex altera parte KB . Hæc facile intelligentur ab intuentem locum citatum.

9. Si intelligamus ABD , esse semihyperbolam, cuius latus transversum EB , centrum F ; & asymptotos FG ; basis vero DA , sit producta ad G , ac BI , sit DG , parallela. Concipiatur super $GIBD$, cylindricus rectus sectus diagonaliter plano transeunte per BD , & per punctum in latere erecto à puncto G ; truncus sinister huius cylindrici, est proportionaliter analogus cum frusto conico $GikH$. A plano transeunte per curvam BQA , erecto hyperbolæ, à tali trunco aufertur truncus sinister existens super semihyperbola ABD , quod utique est proportionaliter analogus cum conoide hyperbolico ABC . Ergo differentia horum truncorum, quæ erit existens super quadrilatero mixto $GIBA$, erit proportionaliter analogæ cum excessu solidi $GikH$, supra conoides ABC . Ex schol. proposit. 20. Miscell. in quo dicitur centrum gravitatis excessus segmenti conici $GikH$, supra conoides secare semper BD , in eius medio puncto, haurietur sic etiam secari eadem BD , à centro æquilibrium differentiæ illorum truncorum. Et cum in eodem scholio sit affirmatum, sic etiam secari partes axis à centris gravitatis partium solidi correspondentium; v. g. ducto plano NP , parallelo GH ,



etiam OD, bifariam diuidi à centro grauitatis excessus frusti conici GNPH, supra segmentum conoidis AQTC, sic etiam diuidetur OD, à centro æquilibrij differentia illorum truncorum existentis super GHQA.

10. Ex schol. 3. proposit. 26. miscell. eliciemus centra æquilibrij aliorum segmentorum, quæ nunc explicabimus. In schemate ergo illius proposit. quod iterum apponimus, intelligamus ABC, esse hy-




hyperbolam, cuius axis BN; latus transversum EB; centrum L; & kM, sit secunda coniugata

Aa 2 dia-

diameter. Intelligamus super ABC , hyperbola cylindricum rectum sectum diagonaliter plano transeunte per KM , & per latus oppositum ipsi AC . Huius cylindrici truncus sinister erit ex dictis, proportionaliter analogus tam secundum totum, quam secundum partes proportionales cum annulo lato ex hyperbola ABC , circa KM , reuoluta. Ex citat. ergo scholio variorum segmentorum huius trunci sinistri habebimus in KM , centrum æquilibrij. Habebimus enim sic secari kL , à centro æquilibrij trunci sinistri existentis super semihyperbola ABN , vt pars terminata ad L , sit ad reliquam vt 5. ad 3. Pariter habebimus quomodo secetur pars Lk , correspondens parti trunci sinistri existentis super IHN , à centro æquilibrij illius. Sic dicatur de cæteris partibus: hæc enim omnia nimis sunt manifesta, & facile à perito geometra intelligentur ex schol. citat. & ex exemplis supra traditis.

11. In schem. proposit. 42. miscell. sint conoidea hyperbolicum ABC , & parabolicum item ABC , quod in proposit. 41. eiusdem probauimus totum cadere intra hyperbolicum, super semihyperbola $AFBD$, intelligamus cylindricum rectum sectum diagonaliter plano transeunte per BD , & per punctum in latere erecto à puncto A . Huius truncus sinister, à plano erecto semihyperbolæ, ac transeunte per curuam parabolicam BEA , secabitur in duas partes, quarum vna erit truncus sinister cylindrici erecti super semiparabola; altera erit excessus

trun-




trunci sinistri hyperbolici supra truncum sinistram parabolicum. Cum ergo vterque truncus sinister, sit proportionaliter analogus cum suo conoide; erit differentia ipsorum, cuius basis excessus semihyperbolæ super semiparabola, proportionaliter analogæ cum excessu conoidis hyperbolici, supra conoides parabolicum. Ex proposit. 42. miscell. in qua ostenditur H , medium punctum BD , esse centrum grauitatis excessus conoidis hyperbolici supra conoides parabolicum, habebimus idem punctum H , esse centrum æquilibrij differentia illorum truncorum

rum

rum sinistrorum appensæ secundum BD .

12. In schem. proposit. 4. prim. part. supponamus ABD , esse semihyperbolam, cuius axis BD , latus transversum BH , & ipsi BD , sit ducta vbi libet EO , parallela, quæ sic producat ad k , vt kE , sit æqualis compositæ ex HL , & LB : super ABD , intelligamus cylindricum rectum sectum diagonaliter plano transeunte per BD , & per punctum in latere erecto à puncto A . Per EO , intelligamus transire planum erectum semihyperbolæ, quod secabit truncum sinistram cylindrici existentis ABD , in duas partes, quarum vna erit existens super portione minori hyperbolæ AEO . Ex schol. prim. dictæ proposit. 4. habebimus, centrum æquilibrij illius portionis trunci existentis super AEO , sic secare LD , partem BD , illi correspondentem, vt secatur EO , à centro grauitatis conoidis hyperbolici cuius axis EO , latus transversum kE . Pariter ex schol. 2. eiusdem proposit. patebit, secta prædicta parte trunci existente super AEO , plano per MN , transeunte, parallelo plano $AFCG$, patebit inquam, partem illam illius trunci existentem super $AMNO$, habere suum centrum æquilibrij, quod sic diuidat PD , partem axis illi correspondentem, vt diuiditur NO , à centro grauitatis frusti conoidis hyperbolici, cuius frusti axis, sit NO , E , O vero sit axis totius conoidis hyperbolici, cuius illud est frustum, KE , vero sit latus transversum.

SCHO-



SCHOLIUM.

Hæc sunt segmenta cylindricorum super hyperbola variè existentium, quorum assignata fuerunt in lineis puncta æquilibrij, per quæ puncta si ducantur lineæ in basibus illorum truncorum parallelæ illis, quibus duci debent, in ijs erunt centra æquilibrij illorum


lorum truncorum in basibus appensorum secundum ipsas bases. Sed licuit notare, ex dictis centra æquilibrj assignata fuisse solummodo truncorum sinistrorum, numquam verò dextrorum. Ratio vero est, quia licet licuisset reperire aliqua talia centra etiam truncorum dextrorum ex varijs proposit. miscellanei hyperbolici, in quibus assignantur centra grauitatis solidorum rotundorum ex hyperbola correspondentium illis truncis dexteris; attamen hæc non fuerunt adinuenta nisi ex suppositione quadraturæ hyperbolæ, quæ cum non habeatur, nolluimus in præsentis discutere nisi de rebus purè geometricis, geometricèque ostensis. Quod si aliquis optet assignare etiam centra æquilibrj illorum truncorum dextrorum, ideï facile erit, si nostris operibus ali- quod impenderit studium.

PROPOSITIO XXV.

Si super qualibet figura circa diametrum, sit cylindricus re- ctus sectus diagonaliter plano transeunte, vel per paral- lelam diametro ductam ab extremitate basis, vel extra basim. Centrum æquilibrj trunci sinistri huius cylindri- ci appensi secundum lineam in extremitate bases, vel extra basim, per quam transit planum diagonale, quæ sit æqualis diametro figura ipsam secabit, vt secatur diameter figura à centro grauitatis figure.

maiol

{ Est }



ESto quælibet figura ABC, circa diametrum BG, & tam ab extremitate basis AC, ducatur CF, æqualis, & parallela diametro BG, quam extra basim, sit ducta KL, itidem æqualis, & parallela BG: super ABC, intelligamus cylindricum reatum sectum tam plano diagonaliter transeunte per CF, & per punctum in latere E, & huius cylindrici sit truncus sinister CABE, quam plano diagonaliter transeunte per Lk, & per punctum idem E, in latere. Dico amborum horum truncorum sinistrorum appensorum secundum FC, Lk,

Bb centra

centra æquilibrium sic secare ipsas FC , Lk , ut secatur BG , à centro grauitatis figuræ ABC .

Patet, quia ex schol. 2. proposit. prim. centra æquilibrium horum truncorum, secant ipsas FC , Lk , ut secantur à centris grauitatis annulorum genitorum ex figura ABC , reuoluta tam circa FC , quam circa Lk . Centra grauitatis horum annulorum secant FC , Lk , ex schol. proposit. 29. miscel. ut secatur BG , à centro grauitatis figuræ ABC . Ergo &c. Quod &c.

SCHOLIUM.


Omnium ergo illorum truncorum habebimus centra æquilibrium in FC , LK , quorum figurarum, super quibus existunt, habemus in diametris centra grauitatis. Hæ sunt infinitæ, infinitisque modis diuersificatæ. Videat lector scholium citatum, ex eo enim agnosceret amplitudinem præsentis propositionis.

Sed præsens propositio potuisset etiam alio modo ostendi, nempe, ex eo quod centrum æquilibrium totius cylindrici existentis super figura, ac secundum ipsam appensi, sit idem cum centro grauitatis figuræ. Et vice versa, ex eo quod centrum æquilibrium trunci sinistri appensi secundum FC , secet ipsam, ut secatur BG , à centro grauitatis figuræ ABC , nobis liceret faciliter ostendere, centrum æquilibrium totius cylindrici idem esse cum centro grauitatis figuræ, super

super qua existit. Sed hæc relinquimus lectori consideranda.

PROPOSITIO XXVI.

Assignare lineas in basibus aliorum truncorum cylindricorum super infinitis parabolis, ac trilineis existentium, variè resectorum, in quibus sint ipsorum centra æquilibrium.



VT breuiter procedamus quantum fieri potest, ac pariter explicemus ea omnia, quæ nobis videntur scitu digna circa præsentem materiam cen-

trorum æquilibrij, & grauitatis truncorum cylindricorum, determinauimus in præfenti propositione nonnulla simul colligere, vt etiam supra in varijs propositionibus fecimus, ac assignare centra æquilibrij variorum truncorum.

1. Ergo intelligamus in figura anteced. proposit. ABC , esse quamlibet ex infinitis parabolis cuius exponents sit numerus par, circa diametrum GB , & super ipsa intelligamus $CBAE$, truncum sinistrum cylindrici recti super parabola existentis, ac secti plano transeunte per C , & per E , punctum in latere AE . Patet ex proposit. anteced. hunc truncum, esse proportionaliter analogum cum annulo ex parabola ABC , reuoluta circa CF , parallelam BG . Intelligamus per GB , erigi planum GH , ipsi parabola perpendicularare. Truncus ergo GHC , erit vnus truncorum, cylindrici existentis super semiparabola BC , ac resecti plano transeunte per diametrum OH , & per C . Erit ergo hic proportionaliter analogus cum annulo orto, ex reuolutione BC , semiparabola circa FC . Quare reliqua pars trunci, nempe $GOHBAE$, erit proportionaliter analogua cum annulo lato ex reuolutione ABG , semiparabola circa FC . Cum ergo, supponendo FC , æquari diametro BG , habeamus in numeris, ex proposit. 10. prim. part. in qua ratione secetur FC , à centro grauitatis annuli ex ABG , reuoluta circa FC ; habebimus consequenter in qua ratione secetur BG , à centro æquilibrij

trun-

trunci $GHEA$, secundum GB , appensi. Quod diligenter explicatum fuit in hoc, intelligendum erit in alijs, in quibus adhibebimus alias figuras.

2. Supponamus enim in sequenti figura, esse supradictam parabolam ABC , eiusque diametrum esse BD , annulum ex ipsa genitum esse $ABCHG$, qui sit sectus plano LQ , AG , parallelo: intelligamus super ABD , $GHEA$, segmentum trunci anteced. schematis, quod segmentum sit rursus sectum plano erecto parabola, ac per LI , transeunte. Portionis huius segmenti existentis super $ALID$, habebimus in ID , centrum æquilibrij, secundum ID , appensi. Hoc autem habemus ex proposit. 11. prim. part. in qua assignatur in NC , centrum grauitatis segmenti annularis ad basim ex $ALID$, segmento reuoluto circa NC .


3. Annulum prædictum $ABCHG$, secemus figura ZBX , æquidistanter FC , & ad parabolam genitricem erecta. Super semifigura ZBD , intelligamus cylindricum rectum, sectum diagonaliter plano transeunte per DB , & per punctum in latere erecto à puncto Z . Etiam trunci sinistri huius cylindrici habebimus in BD , centrum æquilibrij, si hunc appendamus secundum BD . Hoc autem habebimus ex schol. citat. proposit. 10. in qua assignatur centrum grauitatis solidi ZBX . Sicuti ex schol. citat. proposit. 11. habebimus centrum grauitatis segmenti ad basim talis trunci, si ipse secetur modo saepe saepius explicato.

4. Supr

4. Supponamus ABC , esse quodlibet ex infinitis duplicatis trilineis parabolicis circa axim BD , super quod intelligamus cylindricum sectum, & ut explicatum fuit supra in numero primo in parabola. In BD , datur centrum æquilibrij segmenti trunci existentis super trilineo ABD , ac appensi secundum BD . Hoc quidem datur ex proposit. 20. prim. part. in qua assignatur in FC , centrum gravitatis annuli ex trilineo ABD , reuoluto circa FC . Sicuti ex proposit. 21. habebimus in ID , centrum æquilibrij portionis talis frusti existentis super $ALID$, sectis omnibus, ut explicatum fuit supra in numero secundo.

5. Annulus $ABCHG$, secetur figura ZBX , ut explicatum fuit in numero 3. & sint reliqua, ut ibidem. Centrum æquilibrij in BD , trunci sinistri cylindrici existentis super ZBD , secti ut in numero tertio dictum est, habebimus ex schol. citat. proposit. 20. Sicuti ex schol. citat. proposit. 21. habebimus in ID , centrum æquilibrij portionis talis trunci existentis super portionem ad basim figuræ prædictæ.

6. Supponamus ABC , esse quidem quodlibet ex infinitis trilineis, sed adeo ut BD , sit basim; & fiat reliqua iuxta superius dicta. Centrum æquilibrij in BD , segmenti trunci existentis super trilineo ABD , habebimus ex proposit. 24. prim. part. Ex proposit. 25. habebimus in ID , centrum æquilibrij portionis segmenti prædicti trunci existentis super




super $ALID$, secti consueto modo. Ex schol. proposit. 24. habebimus in BD , centrum æquilibrij trunci sinistri cylindrici recti existentis super semifigura ZBD . Sicuti ex schol. proposit. 25. habebimus in eadem BD , centrum æquilibrij segmenti ad basim prædicti trunci. Intelligendum tamen est, hæc omnia levari superiorum ad instar.

PROPOSITIO XXVII.

Segmenti trunci ut in proposit. anteced. existentis super quacunque parabola cuius exponens sit numerus par, possumus in basi assignare centrum æquilibrij, & in altitudine centrum gravitatis.

Esto


Esto ergo quaelibet parabola ABC , ut in pro-
 posit. antec. cuius diameter BG , sit $CBAE$,
 truncus sinister cylindrici recti super ipsa existentis,
 secti diagonaliter, &c. sit pariter GH , planum ut
 supra. Dico, quod segmenti trunci $GHEA$, pos-
 sumus in ABG , basi assignare centrum æquilibrij
 secundum ipsam appensi, & in altitudine centrum
 grauitatis. Per HO , intelligamus transire planum
 HMO , parallelum ABG . Segmentum prædi-
 ctum diuiditur in cylindricum, cuius oppositæ ba-
 ses ABG , MHO , & in truncum $MHOE$. In
 ABG , habemus centrum æquilibrij talis cylindri-
 ci, ex proposit. 5. lib. 3. quod est idem cum centro
 grauitatis semiparabolæ ABG . Ex proposit. 12.
 huius habemus in MHO , seu in ABG , centrum
 æquilibrij trunci $OMHF$, appensi secundum
 MHO , seu ABG , ($EMHO$, etenim aliud non
 est, nisi truncus sinister cylindrici recti existentis su-
 per semiparabola MHO , resecti plano transeunte
 per HO , diametrum, & E , punctum in latere.)
 Si ergo coniungamus simul hæc duo centra, & linea
 ipsa iungens secetur in ratione reciproca cylindrici
 AH , ad truncum $MHOE$, inuentum punctum,
 erit centrum æquilibrij totius $ABGOHE$. Sed
 rationem cylindrici, ad illum truncum habemus ex
 coroll. 3. proposit. 4. lib. 3. Nam cylindricus AH , ad
 truncum $MHOE$, habet eandem rationem, quam
 habent duo solida simul ex reuolutione semiparabo-
 læ ABG , tam circa BG , quam circa ductam per
 A , ipsi



A , ipsi BG , parallelam, ad solidum ex ABG , cir-
 ca BG , nempe ad conoides. Possumus ergo habere
 in ABG , centrum æquilibrij prædicti segmenti.
 Sed non modo possumus habere centrum prædi-
 ctum æquilibrij, verum etiam in altitudine centrum
 grauitatis. Quod quidem probabitur eodem modo,
 repperis prius centris grauitatis cylindrici, & trunci,
 postea argumentando, ut supra factum fuit. Verum,
 quoniam etiam in numeris potest assignari ratio, in
 qua secetur altitudo à centro grauitatis, exemplifi-
 cabimus hoc in trunco super parabola quadratica

existente. Ex hoc enim exemplo magis, magisque percipiemus modum vniuersaliter illud idem ostendendi.

Sed facilitatis gratia, intelligamus seorsim in schemate sequenti, N, esse centrum æquilibrij cylindrici AH; NP, esse eius altitudinem æqualem AM; Q, esse centrum æquilibrij trunci MOHE, appensi secundum MHO; Y, vero eiusdem centrum æquilibrij appensi secundum ABG; RQ, esse eius altitudinem; RQY, eius duplam æqualem AE; T, esse centrum eius grauitatis; & S, esse medium punctum PN, ac proinde centrum grauitatis cylindrici AH. Si iungamus TS, erit in ipsa centrum grauitatis totius ABGHE. Sit hoc V, & sit XZ, eius altitudo, & æqualis EA, lateri cylindrici, cui etiam sunt æquales RY, DN; & ducantur TI, SR, parallelae YN. RT, est ad TQ, ex schol. proposit. 9. in calce, vt 11. ad 4. seu vt 22. ad 8. Qualium ergo RQ, est 30, & RY, eius dupla, seu XZ, ei æqualis 60. RT, seu XI, erit 22. Sed cum talium NS, seu ZR, sit 15, quia quarta pars DN, seu XZ. Ergo talium reliqua



IR, erit 23. Et qualium IR, est 11, talium XZ, erit 28. $\frac{16}{11}$ & XI, 10. cum $\frac{13}{11}$. Cum vero ex corol. 3. proposit. 4. lib. 3. sint solida ex semiparabola ABG, reuoluta tam circa BG, quam circa parallelam BG, ductam per A, ad conoides ex ABG, circa BG, vt 8. ad 3. Et cum sic vt illa duo solida ad conoides solum, sic cylindricus AH, ad truncum MHOE; nempe sic TV, ad VS; nempe sic IV, ad VR. Erit IV, ad VR, vt 8. ad 3. Qualium ergo IR, est 11, talium IV, erit 8. Sed talium erat XI, 10. $\frac{16}{11}$ & XZ, 28. $\frac{16}{11}$. Ergo XV, erit 18. $\frac{16}{11}$ & reliqua VZ, 10. cum $\frac{4}{11}$. Erit ergo XV, ad VZ, vt 18. $\frac{16}{11}$ ad 10. cum $\frac{4}{11}$; nempe vt 71. ad 39.


PROPOSITIO XXVIII.

Segmenti trunci, vt in proposit. anteced. existentis super quacumque figura constante ex duabus semiparabolis, quarum bases sint communis diameter. Possumus in basi assignare centrum æquilibrij; & in altitudine grauitatis.

IN schem. anteced. proposit. ABC, sit figura constans ex duabus semiparabolis sic dispositis vt BG, bases ipsarum, sint communis diameter, & sint omnia vt in proposit. anteced. Dico, quod segmenti trunci ABGHE, possumus assignare in ABG, centrum æquilibrij illius segmenti, & in altitudine centrum grauitatis. Nam cylindrici AH,

habemus in ABG , centrum æquilibrij ex proposit. 5. lib. 3. nempe semiparabolæ centrum grauitatis. Ex proposit. 10. huius, habemus in MHO , seu ABG , centrum æquilibrij trunci $MHOE$. Rationem cylindrici AH , ad truncum $MHOE$, habemus ex coroll. prim. proposit. 4. lib. 3. Ergo ad modum proposit. anteced. eliciemus centrum æquilibrij in ABG .

Pariter eliciemus in altitudine centrum grauitatis, & in numeris in trunco super parabola quadratica. In qua sint, vt prius, NP , altitudo cylindrici; RQ , altitudo trunci $MHOE$, & reliqua vt supra in proposit. anteced. RT , est ad TQ , vt 5. ad 2. seu



vt 10. ad 4. ex schol. proposit. 3. Qualium ergo RQ , est 14. & RY , seu XZ , 28. talium RT , seu XI , erit 10. & NS , seu ZB , quarta pars XZ , erit 7. & reliqua IB , 11. Et qualium IB , est 7. talium XZ , erit 17. cum $\frac{2}{11}$. & XI , 6. cum $\frac{4}{11}$. Sed ex coroll. pri. proposit. 4. lib. 3. sunt duo solida ex ABG , reuoluta tam circa basim BG , quam circa per A , ductam parallelam BG , ad solidum ex ABG , circa BG ; nempe ad semifusum, vt 5. ad 2. & vt illa
duo

duo solida, ad illud solidum, sic cylindricus AH , ad truncum $MHOE$; nempe sic TV , ad VS ; nempe IV , ad VB . Ergo IV , erit ad VB , vt 5. ad 2. Qualium ergo IB , est 7. talium IV , erit 5. Sed talium tota XZ , 17. cum $\frac{2}{11}$ & XI , 6. cum $\frac{4}{11}$. Ergo talium erit XV , 11, cum $\frac{4}{11}$; & reliqua VZ , 6. cum $\frac{5}{11}$. Erit ergo XV , ad VZ , vt 11, cum $\frac{4}{11}$, ad 6, cum $\frac{5}{11}$; nempe vt 125. ad 71.

PROPOSITIO XXIX.

Segmenti trunci in proposit. anteced. existentis super quocumque duplicato trilineo circa diametrum, possumus in basi assignare centrum æquilibrij, & in diametro grauitatis.

Sed supponamus ABC , esse quodlibet duplicatum trilineum circa diametrum BG , &c. Dico trunci $ABGOHE$, nos posse habere in ABG , centrum æquilibrij, & in altitudine centrum grauitatis.

De centro æquilibrij, patet. Quia centrum æquilibrij cylindrici AH , habemus ex proposit. 8. lib. 3. in qua assignatur centrum grauitatis trilinei ABG . Centrum æquilibrij trunci $MHOE$, in MHO , seu in ABG , habemus ex proposit. 16. huius. Rationem cylindrici AH , ad truncum $MHOE$, habemus ex schol. citat. proposit. 8. lib. 3. in fine. Quare patet propositum.

De

De centro vero gravitatis in altitudine, exemplificabimus in trilineo parabolico quadratico. In quo supponentes præparationem adhibitam in proposito. anteced. ex schol. proposit. 8. huius, RQ , altitudo trunci sinistri $MHOE$, sic secatur in T , centro gravitatis trunci prædicti, ut RT , sit ad TQ , ut 16. ad 5. seu ut 32. ad 10. Qualium ergo RQ , est 42. & eius dupla RY , seu XZ , est 84. talium XI , est 32. & $Z\beta$, quia ZX , quarta pars, 21. Ergo reliqua $I\beta$, erit talium 31. Et qualium $I\beta$, erit 13. talium tota XZ , erit 35. $\frac{7}{11}$. & XI , 13, $\frac{13}{11}$. Verum quoniam duo solida ex trilineo ABG , reuoluta tam circa diametrum BG , quam circa ductam per A , ipsi BG , parallelam, est ad conicum circa BG , ut 10. ad 3. ex citat. schol. proposit. 8. lib. 3. & ut illa duo solida, ad conicum, sic cylindricus AH , ad truncum $MHOE$; & ut cylindricus, ad truncum, sic TV , ad VS ; nempe sic IV , ad $V\beta$. Ergo IV , ad $V\beta$, erit ut 10. ad 3. Ergo qualium $I\beta$, est 13. talium IV , erit 10. Sed talium XI , erat 13. $\frac{13}{11}$. Ergo talium erit XV , 23. $\frac{23}{11}$. Sed talium erat tota XZ , 35. $\frac{7}{11}$. Ergo reliqua VZ , erit 11. $\frac{11}{11}$. XZ , ergo sic diuidetur ab V , centro gravitatis prædicti segmenti trunci, ut XV , sit ad VZ , ut 23. $\frac{23}{11}$ ad 11. $\frac{11}{11}$. nempe ut 121. ad 61.

PRO-

PROPOSITIO XXX.

Segmenti ut in anteced. proposit. super duplicato trilineo circa basim, cuius exponens sit numerus par. Possumus eadem centra assignare.

Sed ABC , sit duplicatum quodcumque trilineum circa communem basim BG . Dico &c. Centrum æquilibrij in basi ABG , reperietur. Quia ex citat. proposit. 8. lib. 3. habemus in trilineo ABG , centrum æquilibrij cylindrici AH ; nempe gravitatis trilinei. Centrum æquilibrij in ABG , vel in MHO , trunci sinistri $MHOE$, habemus ex proposit. 14. huius. Ratio cylindrici AH , ad truncum $MHOE$, habetur ex coroll. 2. proposit. 4. lib. 3. Quare patet propositum quoad primum.

Quoad secundum patebit ex superioribus, & ex exemplo statim adducendo in numeris in trilineo parabolico quadratico. Sint in secundo schemate eadem, quæ supra. Ergo RQ , altitudo trunci $MHOE$, sic secatur à T , centro gravitatis, ut RT , sit quadrupla TQ , ex schol. proposit. 5. Qualium ergo RY , seu XZ , dupla RQ , est 20. talium RT , seu XI , erit 8. Sed talium $Z\beta$, est 5. Ergo reliqua $I\beta$, erit 7. Et qualium $I\beta$, erit 5. talium XZ , erit 14. $\frac{14}{5}$, & XI , 5. $\frac{5}{5}$. Cum vero deducatur ex coroll. citat. esse annulum ex trilineo ABG , circa parallelam ipsi BG , ductam per A , una


A, vna cum conico ex ABG , circa BG , ad ipsum conicum vt 4. ad 1. Ergo qualium $I\alpha$, erit 5. talium IV , erit 4. Ergo tota ZV , erit 9. $\frac{5}{4}$. Ergo reliqua VZ , erit talium 4. $\frac{4}{5}$. Erit ergo XV , ad VZ , vt 9. $\frac{5}{4}$ ad 4. $\frac{4}{5}$. nempe vt 17. ad 8.

PROPOSITIO XXXI.

Segmenti ad basim segmenti, vt in antecedentibus propositionibus, existentis super quacunq[ue] parabola, cuius exponens sit numerus par. Possumus centra æquilibrij in basi, & grauitatis in altitudine assignare.

ESto parabola ABC , circa diametrum BG , & cuius exponens sit numerus par: super semiparabola ABG , sit segmentum $ABGOHE$, trunci, vt in proposit. anteced. sit IN , parallela AG , per quam intelligamus transire planum parallelum AEC ; hoc secabit tam cylindricum AH , quam truncum $MHOE$, in duo segmenta, quorum illa, quæ terminantur ad $EAGO$, trapezium simul sumpta, vocamus segmentum ad basim segmenti $ABGOHE$. Dico, quod huiusmodi segmenti ad basim, possumus in $AING$, centrum æquilibrij assignare, & in altitudine centrum grauitatis.

Primum patebit ad modum superiorum. Nam segmenti ad basim cylindrici AH , existentis super $AING$, habemus in $AING$, centrum æquilibrij,



brij, quod idem est cum centro grauitatis ipsius $AING$, quod habetur ex schol. proposit. 11. lib. 3. Segmenti ad basim trunci existentis super segmento semiparabolæ MHO , simili, & æquali ipsi $AING$, habemus in MHO , seu in $AING$, centrum æquilibrij, ex proposit. 19. huius. Ratio cylindrici existentis super $AING$, ad segmentum trunci $MHOE$, ad basim, habetur ex schol. 2. citat. proposit. 11. lib. 3. in quo assignatur ratio solidi ex segmento $AING$, circa parallelam NG , ductam per A , ad solidum ex eodem circa NG : nam cylindri-

Dd cus

cus ad basim, est ad segmentum ad basim trunci $MHOE$, ut duo dicta solida rotunda, ad vnum ipsorum, nempe ad illud circa NG . Quare patet dari centrum æquilibrij.

Quantum ad centrum gravitatis in altitudine, patet. Quia datur medium punctum altitudinis, nempe centrum gravitatis cylindrici ad basim, existentis super $AING$. Datur etiam ex cit. prop. 19. in altitudine segmenti ad basim trunci $MHOE$. Si ergo coniungantur hæc centra, & linea coniungens secetur in ratione reciproca solidorum, quæ hauritur ex citat. proposit. 11. lib. 3. punctum inuentum erit centrum gravitatis secans altitudinem totius illius segmenti trunci ad basim.

PROPOSITIO XXXII.

Segmenti ad basim segmenti, ut in antecedentibus propositionibus, existentis super quacunque duplicato trilincæ circa diametrum. Possumus centra æquilibrij in basi, & gravitatis in altitudine assignare.

Sed supponamus ABC , esse quodcunque duplicatum trilincum circa diametrum BG , & segmentum trunci $ABGOHE$, intelligatur sectum plano transeunte per IN , ut explicatum fuit in antecedenti propositione. Dico, quod segmenti ad basim huiusce segmenti possumus habere præfata centra.

De

De centro æquilibrij, patet. Quia cylindrici existentis super $AING$, centrum æquilibrij in $AING$, habemus ex scholio proposit. 13. lib. 3. Segmenti ad basim trunci $MHOE$, centrum æquilibrij in basi habetur ex proposit. 21. Ratio cylindrici ad basim, ad segmentum prædictum ad basim, habetur ex schol. citat. proposit. 13. lib. 3. Quare habebitur etiam centrum æquilibrij.

De centro gravitatis etiam patet. Quia cum habeamus centra gravitatis tam cylindrici ad basim, quam ex proposit. citat. 21. segmenti ad basim trunci $MHOE$. Et pariter cum habeamus ex citat. schol. rationem prædictorum solidorum; patebit etiam centrum gravitatis quæsitum.

PROPOSITIO XXXIII.

Totius trunci sinistri cylindrici existentis super quacunque parabola, cuius exponens sit numerus par, secti plano transeunte per parallelam ductam diametro per extremum punctum basis, & punctum in latere erecto ab altero extremo basis. Possumus centra æquilibrij in basi, & gravitatis in altitudine assignare.

Sit quæcunque parabola ABC , cuius exponens sit numerus par, & cuius diameter sit BG , & cylindrici recti super ipsa existentis, ac secti plano transeunte per CF , BG , parallelam, ac per punctum E , in latere AE , sit truncus sinister $ABCE$. Dico,

Dd 2 quod


quod huius trunci possumus in ABC , assignare centrum æquilibrium, & in eius altitudine centrum grauitatis.

Quoad primum. Erecto GH , plano, vt prius, segmenti trunci $ABGOHE$, habemus in ABG , centrum æquilibrium ex proposit. 27. Trunci GHC , habemus centrum æquilibrium in GBC , ex proposit. 13. Si ergo simul iungamus hæc centra, & linea necens secetur in ratione reciproca illorum segmentorum trunci, inuentum punctum erit centrum æquilibrium quæsitum. Quod vero habeamus rationem segmenti $ABGOHE$, ad truncum GHC , patet ex coroll. 3. proposit. 4. lib. 3. in quo assignatur ratio, quam habet conoides ex GBC , circa BG , ad annulum ex GBC , circa FC : $AGBOHE$, etenim, est ad GHC , vt duo conoidea, simul cum annulo, ad annulum, vt patet ex superioribus à nobis dictis. Quare patet primum.

Secundum vero sic patebit. Nam ex proposit. 27. habemus centrum grauitatis in altitudine segmenti trunci $ABGOHE$. Ex proposit. 9. habemus centrum grauitatis in altitudine trunci GHC . Si ergo necentes hæc duo centra, linea vniens secetur in ratione reciproca solidorum. Erit inuentum centrum grauitatis quæsitum.

Sed quoniam numero potest renuntari, in qua ratione secetur dicta altitudo, ideo non est tam citò discendum à præsentī materia. Sed ad euitandam confusionem, supponamus in sequenti figura, RY , esse

esse altitudinem trunci $ABGOHE$, & T , eius centrum grauitatis; PN , sit altitudo trunci GHC , cuius dupla DN , & eius centrum S . Secetur TS , necens centra in V , vt sit TV , ad VS , reciprocè vt truncus GHC , ad segmentum $ABGOHE$, adeo vt V , in



altitudine XZ , sit centrum grauitatis totius trunci $ABCE$. Est in præsentī in parabola quadratica exemplificandum, quæ nam in numeris fit ratio, quam habet XV , ad VZ . Sint TI , SB , parallelæ YN . Ex proposit. 27. RT , est supponenda esse ad TY , vt 71. ad 39. Et ex schol. proposit. 9. est supponendum, esse PS , ad SN , vt 16. ad 9. & DS , ad SN , seu XB , ad BZ , vt 41. ad 9. nempe vt 90. $\frac{1}{7}$. ad 19. $\frac{4}{7}$. Qualium ergo tota XZ , est 110. talium XI , est 71. XB . 90. $\frac{1}{7}$. Ergo talium IB , erit 19. $\frac{4}{7}$. Et qualium IB , erit 16. talium tota XZ , erit 91. $\frac{64}{7}$. & XI , 59. $\frac{16}{7}$. Cum ergo ex coroll. 3. proposit. 4. lib. 3. sit truncus GHC , ad segmentum $ABGOHE$, vt 5. ad 11. Et cum vt truncus ad segmentum, sic TV , ad VS ; nempe IV , ad VB : erit IV , ad VB , vt 5. ad

11. Ergo IV, erit 5. qualium I \mathcal{R} , est 16. Sed talium erat XI, 59. $\frac{16}{5}$. Ergo XV, erit 64. $\frac{16}{5}$. Sed talium erat tota XZ, 91. $\frac{64}{5}$. Ergo erit talium reliqua VZ, 27. $\frac{48}{5}$. Secatur ergo XZ, altitudo trunci ABCE, in V, à centro gravitatis trunci, ut sit XV, ad VZ, ut 64. $\frac{16}{5}$. ad 27. $\frac{48}{5}$. nempe ut 77. ad 33.

SCHOLIUM.

Si ducatur IP, parallela AC, & mente concipiamus super IP, erigi planum secans truncum in duas portiones: segmenti eiusdem ad basim, nempe existentis super AIPC, possumus habere in AIPC, centrum æquilibrij, & in altitudine gravitatis. Centrum æquilibrij habetur, quia ex proposit. 31. habetur centrum æquilibrij in AING, segmenti ad basim existentis super AING. Ex proposit. 20. habetur centrum æquilibrij segmenti ad basim existentis super GNPC. Si ergo uniamus simul hæc centra, & diuidamus lineam necentem, in ratione reciproca, quæ tamen potest hauriri ex schol. 2. proposit. 11. lib. 3. habebimus pariter in AIPC, centrum æquilibrij quæsitum.

Centrum vero gravitatis habebitur ex iisdem propositionibus citatis.

PRO-

PROPOSITIO XXXIV.

Trunci, ut in antecedenti propositione, existentis super duplicata quacunque semiparabola circa basim. Possumus assignare centra prædicta.

Sit ABC, figura constans ex duabus semiparabolis, sic dispositis ut bases BG, sint communis diameter, & in reliquis, sint eadem, quæ supra. Dico, quod trunci ABCE, possumus in ABC, assignare centrum æquilibrij, & in altitudine centrum gravitatis.

De centro æquilibrij, patet. Quia segmenti trunci ABGOHE, habemus in ABG, centrum æquilibrij ex proposit. 28. Trunci GHC, habemus in GBC, centrum æquilibrij ex schol. proposit. 11. Rationem segmenti ABGOHE, ad truncum GHC, habemus ex coroll. prim. proposit. 4. lib. 3. Quare possumus habere centrum æquilibrij in basi.

De centro gravitatis in altitudine, patet. Nam centrum gravitatis segmenti ABGOHE, habemus ex citat. proposit. 28. Et pariter ex proposit. 4. habemus centrum gravitatis trunci GHC.

In numeris autem sic exprimetur in parabola quadratica, supponentes, ut prius, T, esse centrum gravitatis segmenti trunci ABGOHE; & S, trunci GHC, & reliqua, ut in anteced. proposit. Ex proposit. ergo 28. est RT, ad TY, seu XI, ad IZ, ut


125.

125. ad 71. Et ex proposit. 4. erit PS, ad SN, vt
 9. ad 5. Et DS, erit ad SN, seu XZ, ad RZ, vt
 23. ad 5. nempe vt 164. $\frac{16}{11}$. ad 31. $\frac{12}{11}$. Qualium
 ergo tota XZ, est 196. talium XI, erit 125. &
 RZ, 31. $\frac{12}{11}$. Ergo reliqua IZ, erit talium 39. $\frac{16}{11}$.
 Et qualium IZ, erit 10. talium XZ, erit 49. $\frac{588}{1108}$.
 & XI, erit 31. $\frac{652}{1108}$. Cum verò ex coroll. prim.
 proposit. 4. lib. 3. fit truncus GHC, ad truncum
 ABGOHE, vt 3. ad 7. & cum sic sit reciproce
 TV, ad VS, seu IV, ad VR. Qualium IZ, erit
 10. talium IV, erit 3. Sed talium XI, erat 31.
 $\frac{652}{1108}$. Ergo talium XV, erit 34. $\frac{652}{1108}$. Sed talium
 erat tota XZ, 49. $\frac{588}{1108}$. Ergo reliqua VZ, erit
 talium 14. $\frac{1044}{1108}$. Erit ergo XV, ad VZ, in præ-
 dicta ratione, nempe vt 13720. ad 4139.

PROPOSITIO XXXV.

*Trunci, ut in proposit. anteced. existentis super quocunque
 duplicato trilineo circa diametrum. Possumus prædicta
 centra assignare.*

SED ABC, sit figura constans ex duobus trilineis
 circa diametrum BG. Dico &c. De centro
 æquilibrij patet; quia segmenti ABGHE, habe-
 tur centrum æquilibrij ex proposit. 29. Ex proposit.
 17. habetur in GBC, centrum æquilibrij trunci
 GHC. Ratio GBC, ad ABGHE, habetur ex
 schol. proposit. 8. lib. 3. Discurrendo ergo, vt sæpe
 factum




factum fuit, patebit haberi centrum æquilibrij in ba-
 si totius trunci.

Centrum rautatis in altitudine habebitur eo-
 dem modo; sed exemplificantes in trilineo parabo-
 lico quadratico in numeris, totam rem ante oculos
 ponemus. Sint in altera figura T, & S, centra vt
 prius, & sint reliqua omnia. Ex proposit. 29. RT,
 est ad TY, seu XI, ad IZ, vt 121. ad 61. Et ex
 schol. proposit. 8. est PS, ad SN, vt 30. ad 19.
 Et DS, est ad SN, vt 79. ad 19. nempe vt
 146. $\frac{70}{11}$. ad 35. $\frac{28}{11}$. Qualium ergo tota XZ, est 182.
 Ee ta-

talium XI, est 121. & DS, seu XR, est 146. $\frac{70}{99}$.
 Ergo talium erit IR, 25. $\frac{70}{99}$. Et qualium IR, erit
 20. talium tota XZ, erit 141. $\frac{400}{2720}$. Et XI, erit 94.
 $\frac{280}{2720}$. Cum vero ex schol. proposit. 8. lib. 3. deduca-
 tur esse GHE, truncum, ad ABGHE; nempe
 TV, ad VS; nempe IV, ad VR, vt 7. ad 13. Erit
 IV, 7. & VR, 13. qualium IR, est 20. Ergo ta-
 lium erit XV, 101. $\frac{280}{2720}$. & reliqua VZ, talium erit
 40. $\frac{120}{2720}$. Diuiditur ergo XZ, ab V, centro graui-
 tatis totius trunci ABCE, in prædicta ratione;
 nempe vt 6370. ad 2523.

Si etiam in præfenti ducatur IP, parallela AC,
 & super ipsam intelligamus planum erectum ABC,
 secans frustum in duo segmenta; habebimus segmen-
 ti ad basim, nempe existentis super AIPC, centrum
 æquilibrij in AIPC, & grauitatis in altitudine.

Primum habebimus
 ex proposit. 32. in qua
 assignatur centrum æ-
 quilibrij segmenti ad
 basim existentis super
 AING. Ex propo-
 sit. 22. in qua ha-
 betur in GNPC,
 centrum æquilibrij se-
 gmenti ad basim exi-
 stentis super GN
 PC. Et ex schol.
 proposit. 13. ex quo



hau-

hauritur ratio segmenti ad segmentum.

Secundum deducitur ex iisdem propositioni-
 bus.

PROPOSITIO XXXVI.

*Trunci, vt in proposit. anteced. existentis super quocunque
 duplicato trilineo circa basim, cuius exponens sit nume-
 rus par. Possimus prædicta centra assignare.*

ABC, sit figura constans ex duobus duplica-
 tis trilineis sic dispositis, vt bases BG,
 sint axis. Dico posse assignari centra prædicta. Cen-
 trum æquilibrij habetur ex proposit. 30. in qua assi-
 gnatur in ABG, centrum æquilibrij trunci ABG
 HE. Ex proposit. 15. in qua assignatur in GBC,
 centrum æquilibrij trunci GHE. Et ex coroll. 2.
 lib. 3. ex quo deducitur facillime ratio trunci ad
 truncum.

Centrum grauitatis in altitudine etiam potest
 haberi, & lector ipsum vniuersaliter deducet ex mo-
 do particulari statim adhibendo in numeris in trili-
 neo parabolico quadratico. Supponentes ergo,
 quæ supra supposita sunt in secundo schemate, T,
 centrum grauitatis ABGHE, sic ex proposit. 30.
 diuidit RY, vt sit RT, ad TY, seu XI, ad
 IZ, vt 17. ad 8. S, verò centrum grauitatis trunci
 GHE, sic diuidit PN, vt sit PS, ad SN, vt 6.
 ad 4. ex proposit. 6. Ergo DS, erit ad SN, vt 16.

Ee 2 ad

ad 4. nempe vt 20. ad 5. Qualium ergo XZ, est 25. talium XI, erit 17. & X \mathcal{R} , 20. Ergo talium I \mathcal{R} , erit 3. Et qualium I \mathcal{R} , erit 10. talium XZ, erit 83. $\frac{1}{3}$. & XI, 56. $\frac{1}{3}$. Cum vero ex citat. schol. 2. proposit. 4. lib. 3. sit GHC, ad ABGHE; nempe TV, ad VS; nempe IV, ad V \mathcal{R} , vt 3. ad 7. Ergo qualium I \mathcal{R} , est 10. talium IV, erit 3. & V \mathcal{R} , 7. Ergo talium XV, erit 59. $\frac{1}{3}$. & reliqua VZ, 23. $\frac{1}{3}$. Est ergo XV, ad VZ, vt 59. $\frac{1}{3}$. ad 23. $\frac{1}{3}$. nempe vt 179. ad 71.

Finis Secundæ Partis.



MISCELLANEI GEOMETRICI,

PARS TERTIA.

IN QVA TANGVNTVR QVÆDAM CIRCA
centra grauitatis superficierum ceruarum; assignan-
turque centrum grauitatis cuiuscunque
portionis superficiei
sphæricæ.




NOT sint ea symptomata, quæ
ex analogia inter solida rotunda,
& inter truncos cylindricos exi-
stentes super figuris genitricibus
ipforum, emanant, licuit lectori
videre ex his, quæ passim expo-
suimus in nostris operibus, ac præsertim in tota an-
tecedenti parte. Sed nè cogitet amabò in his pedem
sistendum. Quamplurima etenim remanent, quo-
rum aliqua tangemus in parte præsentis; simulque
campum longe, lateque patentem ad innumera no-
ua indaganda aperiemus.


PROPOSITIO I.

Si sint eadem, quae in proposit. 10. lib. 2. & in proposit. pri. part. ant. Superficies cylindrica trunci sinistri, erit ad superficiem solidi rotundi ex sua base, base, vel basibus exceptis, ut latus cylindrici ad circumferentiam dictam.

DE istis materijs eruditissime scribit Tacquet in lib. 2. cylin. & annul. nos breuius quam fieri poterit, explicabimus dictam doctrinam, ut ex ipsa colligamus spicas ab alijs messoribus neglectas. Esto ergo v. g. quaelibet figura ABC , circa axim BD , super quam sit cylindricus rectus cuius oppositae bases ABC & $FE G$, qui sit sectus plano diagonali AEC . Dico superficiem cylindricam trunci sinistri $ABEC$, excepta basi ABC & plano diagonali AEC (hanc enim intelligimus pro superficie cylindrica) esse ad superficiem curuam solidi ex ABC reuoluta circa AC , excepta basi si adesset (ut pote



si volueretur ABD) ut EB , ad circumferentiam circuli cuius semidiameter BD . Etiam nunc, ad confusionem euitandam, ostendemus hoc in sequenti figura in dimidio trunco $ABDE$, in quo accipitur arbitrariè punctum F , à quo erigatur latus cylindrici Fk , & ducatur FH , parallela BD , & reliqua ut in schemate. Et dictis & in prop. 10. lib. 2. & in proposit. pri. part. anteced. facile patebit, esse EB , ad BD , ut LG , ad GD ; nempe ut kF , ad FH . Sed ut BD , ad circumferentiam ex radio BD , sic FH , ad circumferentiam ex radio FH . Ergo ex aequali, ut EB , ad circumferentiam ex radio BD , sic kF , ad circumferentiam ex radio FH . Sed punctum F , sumptum fuit arbitrariè. Ergo ut EB , ad circumferentiam ex radio BD , sic omnia latera superficiei cylindricae EBA , parallela EB , ad omnes circumferentias descriptas ex reuolutione curuæ BFA , circa AD ; nempe sic superficies cylindrica ad superficiem curuam solidi rotundi: tam enim latera super-




perficiei cylindricæ, quam peripheriæ superficiei curuæ sunt eiusdem trinfitus, nam procedunt secundum lineam BFA . Quare &c. Quod &c.

SCHOLIUM.

Patet autem hoc non solum verificari quoad totas magnitudines, sed etiam quoad partes proportionales. Non enim solum verificatur totam superficiem cylindricam EBA , esse ad totam superficiem curuam ex BFA , vt EB , ad prædictam circumferentiam, sed etiam sic esse kFA , ad superficiem curuam ex FA ; & sic de alijs partibus proportionalibus. Quare poterimus etiam concludere, quod erit vt superficies $EBfk$, ad superficiem ex BF , sic superficies kFA , ad superficiem ex FA . Et permutando: Vniuersaliter ergo potest deduci ex doctrinis explicatis in lib. 4. superficiem cylindricam EBA , & superficiem curuam ex BFA , circa DA , esse quantitates proportionaliter analogas tam in magnitudine, quam in grauitate, tam secundum totum, quam secundum partes proportionales. Etiam nunc ergo centra grauitatis, & æquilibrij harum superficieum secabunt æqualiter AD . Nempè ita secabitur AD , à centro grauitatis superficiei curuæ genitæ ex BFA , reuoluta circa AD , sicuti secatur à centro æquilibrij superficiei cylindricæ EBA , apertæ secundum AD . Idem intelligatur de ceteris partibus proportionalibus.

SCHO-



SCHOLIUM II.

Etiam in præsentibus, licet propositio probata sit de trunco existente super figura basim AD , habente, attramen est vniuersalissima, & verificatur etiam de figuris basibus carentibus. Sit enim in schem. seq. quælibet figura $ABCD$, circa diametrum BD , & super dimidia ipsius ABC , (etiam enim nunc sufficit ostendere in dimidia) intelligamus cylindricum rectum sectum diagonaliter plano transeunte vel per CF , vel per kL , & per E ; sit sectum per FC , & Ff E (quod

E (quod enim dicitur de hac sectione, cuius deinceps indigemus, patebit eodem modo verificari de alia sectione) ut sit truncus sinister $ABCE$; etiam in hoc trunco verificabitur, esse superficiem cylindricam præfati trunci, nempe $A EBC$, ad superficiem genitam ex reuolutione lineæ curvæ ABC , reuolutæ circa FC , ut EA , ad circumferentiam ex radio AC ; & præfatas superficies esse proportionaliter analogas tam in magnitudine, quam in grauitate, tam secundum totum, quam secundum partes proportionales. Eodem enim modo patebit, quod si à puncto I , intelligamus erigi latus cylindrici incidens curvæ EHC , hoc esse ad circumferentiam ex radio IQ , ut EA , ad circumferentiam ex radio AC . Idem probabitur de omnibus alijs. Et non dissimili modo probaretur si cylindricus esset sectus plano transeunte per KL , & E . Omnes ergo supradictæ superficies sunt inter se proportionaliter analogæ: & consequenter eodem modo secabuntur FC , Lk , à centrâ æquilibrij, & grauitatis ipsarum.

His ergo explicatis, patet quomodo aperiatur via rimandi centra grauitatis, & æquilibrij superficierum curuarum. Nam si aderit aliqua via indagandi centrum grauitatis superficier solidi rotundi, statim habebimus centrum æquilibrij superficier cylindricæ trunci, explicati, & e contra.

PRO-

PROPOSITIO II.

Cuiuscunque portionis superficier sphericæ, basi excepta, centrum grauitatis diuidit axim bifariam.

ESto OBP , portio spheræ, cuius axis BF . Dico superficier sphericæ genitæ ex OAB , circa BF , centrum grauitatis esse in medio BF . Intelligamus parallelogrammum KL , toti spheræ circumscriptum. Ut deducitur ex Archimede lib. 1. de spher. & cylind. proposit. 40. & 41. & ut passim ab alijs probatur, superficies totius spheræ ad superficiem portionis OBP , est ut DB , ad BF . Sed ut DB , ad BF , ita parallelogrammum kL , ad parallelogrammum kH . Ergo superficies ad superficiem, est ut parallelogrammum ad parallelogrammum. Sic probaretur de quibuscunque alijs portionibus. Ergo superficies sphericæ $DABC$, & parallelogrammum KL , sunt quantitates proportionaliter analogæ tam in magnitudine, quam in grauitate, tam secundum totum, quam secundum partes proportionales, iuxta doctrinas passim à nobis explicatas. Ergo centra grauitatis ipsorum eodem modo secabunt partes axis correspondentes. Sed centrum grauitatis parallelogrammi v. g. kH , diuidit BF , bifariam. Ergo etiam centrum grauitatis superficier sphericæ OBP , diuidet BF , bifariam. Et sic in alijs. Quod erat ostendendum.

Ff 2 SCHO-

centrum totius perimetri, erit reciproce circulus OFP, ad superficiem sphaericam OBP, vt IE, ad EF. Sed circulus OFP, est ad superficiem sphaericam OBP, vt quadratum OF, nempe rectangulum DFB, ad quadratum rectae BO (si intelligatur ducta) vt deducitur ex Archimede loc. citat. nempe ad rectangulum DBF: & cum sit vt rectangulum ad rectangulum, sic (propter commune latus BF) DF, ad DB. Ergo erit vt IE, ad EF, sic DF, ad DB. Et componendo, erit IF, ad FE, vt DF, cum DB, ad DB. Et antecedentium dupla; erit ergo BF, ad FE, vt dupla DF, cum dupla DB, ad DB. Et diuidendo, erit BE, ad EF, vt dupla DF, cum DB, ad DB. Quod erat ostendendum.


COROLLARIUM.

Ergo centrum grauitatis perimetri hemisphaerij ABC, quod sit v.g. Y, sic diuidit BE, vt sit BY, dupla YE. In tali enim casu, dupla DE, cum DB, est dupla DB.

PROPOSITIO IV.

Centrum grauitatis superficiei cuiuscunque cylindri diuidit eius diametrum bifariam.

Præ-



PRæfens propositio est facillissima, itaut pudeat ipsam ostendere, præcipue, quia ab alijs ostenditur. At vt demonstremus qualiter methodi à nobis adhibita etiam his, & similibus inseruiant, ipsam ostendemus, & putamus eius demonstrationem, haud futuram sine lucro. Esto ergo cylindrus KL. Dicimus centrum grauitatis eius superficiei cylindricæ esse E, medium punctum BD. Patet, quia facile constat superficiem cylindricam esse proportio-

tionaliter analogam cum parallelogrammo kL . Ergo &c. Quod &c.

Vel super KD , parallelogrammum generans cylindrum concipiamus cylindricum rectum sectum diagonaliter plano transeunte per DB , & per latus oppositum ipsi Nk . Ergo ex traditis initio huius partis, superficies cylindri (intellige semper basibus exceptis) erit proportionaliter analoga cum superficie cylindrici trunci sinistri (quæ in nostro casu, quia truncus sinister est prisma, erit parallelogrammum.) Ergo DB , secabitur eodem modo à centro gravitatis & æquilibrij harum superficierum. Sed centrum æquilibrij illius parallelogrammi appensi secundum DB , bifecat DB . Ergo & centrum superficierum cylindri kL , bifecabit BD .

SCHOLIUM.

Non solum autem medium punctum E , erit centrum gravitatis superficierum cylindri kL , sed etiam totius ipsius perimetri. Istæ autem sunt nugæ; sed ex istis nugis patet, superficiem cylindri kL , & superficiem spheræ $DABC$, esse magnitudines proportionaliter analogas, iuxta sensum, infinitis proportionem vicibus, explicatum. Quare eandem proportionem habebit tota superficies cylindri kL (basibus exceptis) ad totam superficiem spheræ, quam habet quælibet pars ad quamlibet partem. V.g. quam habet superficies cylindri $K\alpha$, ad superficiem portionis

tionis XBZ . Si ergo superficies cylindri kL , est æqualis superficierum spheræ, ut ostenditur ab Archimede, & ab alijs; etiam quælibet pars superficierum cylindri, erit æqualis superficierum portionis spheræ, quam includit.

PROPOSITIO V.

Centrum gravitatis perimetri excessus cylindri circumscripti hemisphærio supra ipsum, sic dividit axim eiusdem, ut pars terminata ad centrum hemisphærij, sit reliquæ sesquialtera.


Sit Q , in schem. anteced. centrum gravitatis perimetri excessus cylindri kC , supra hemisphærium ABC . Dico EQ , esse QB , sesquialteram. Perimeter enim talis excessus clauditur superficie cylindrica $kACM$, superficie spherica ABC , & circulo kBM . Sit S , medium punctum BE . Ergo erit ex proposit. 2. & 4. centrum gravitatis tam superficierum cylindri $KACM$, quam sphericæ ABC . Cum vero B , sit etiam centrum gravitatis circuli kBM , erit reciprocè SQ , ad QB , ut circulus kBM , ad utrasque superficies simul. Sed cum superficies cylindrica sit æqualis superficierum sphericæ ABC ; & cum hæc ex famosis doctrinis Archimedis, & aliorum, sit dupla circuli kBM ; erunt ambæ quadruplæ circuli kBM . Ergo SQ , erit ad QB , ut 1. ad 4. Ergo EQ , erit ad QB , ut 6. ad 4; nem-

4; et tunc in ratione sesquialtera. Quod erat ostendendum.

PROPOSITIO VI.

Centrum gravitatis superficiei conicae, basi excepta, sic dividit eius diametrum, ut pars ad verticem terminata, sit reliqua dupla.

Supponamus BAD , licet schema non exprimat, esset triangulum, ex cuius revolutione circa AD , intelligamus genitum esse conum. Dico centrum gravitatis superficiei conicae, basi excepta, sic dividere AD , ut pars terminata ad A , sit reliqua dupla. Super triangulum ABD , concipiamus cylindricum, qui sectus plano diagonaliter transeunte per AD , & per E , punctum in latere exhibeat truncum sinistrum $ABDE$. Huius superficiei cylindrica EBA , erit




trian-

triangulum. Ex explicatis in proposit. prim. hoc triangulum EBA , & superficies conica ex BFA , circa AD , sunt magnitudines proportionaliter analogae, &c. & centrum æquilibrij trianguli EBA , appensi secundum AD , ita dividit AD , ut secatur à centro gravitatis superficiei conicae. Sed centrum æquilibrij trianguli ita dividit AD , ut pars terminata ad A , sit reliqua dupla, ut patet. Ergo & sic dividetur AD , à centro gravitatis superficiei conicae, basi excepta. Quod &c.

ALITER.

In schemate sequenti supponamus ABC , nobis representare tam conum ortum ex rotatione trianguli ABD , circa BD , quam triangulum ABC , & conus intelligatur sectus circulo EFO , basi ADC , parallelo, & triangulum linea EO , parallela AC . Ex proposit. 14. Archim. lib. pri. de spher. & cylind. deducitur, & à Torricell. proposit. 10. lib. 1. de sphaera, & solidis sphaeralibus, probatur, esse conicam superficiem ABC , ad conicam superficiem EBO , ut rectangulum BAD , ad rectangulum BEF (intellige tamen semper, demptis basibus.) Sed ut AB , ad BE , sic AD , ad EF . Ergo conica superficies ABC , ad conicam EBO , erit ut quadratum AD , ad quadratum EF ; nempe ut triangulum ABC , ad triangulum ERO . Et hoc accidit semper ubicunque sint dicta planum EFO , & linea

Gg 2 EO,



EO . Ergo superficies conica, & triangulum ABC , sunt magnitudines proportionaliter analogæ. Ergo centrum grauitatis ipfarum secabit eodem modo BD . Sed centrum grauitatis trianguli ABC , quod sit v.g. H , sic diuidit BD , vt BH , sit dupla HD . Quare & centrum grauitatis superficiei conicæ. Quod &c.

PROPOSITIO VII.

Centrum grauitatis perimetri conii, sic diuidit eius diametrum, vt pars ad verticem terminata, sit ad reliquam,

quam, vt triplus radius basis cum duplo latere conii, ad latus conii.

Sit ergo H , centrum grauitatis totius perimetri conii ABC . Dico BH , esse ad HD , vt tripla DC , cum dupla BC , ad BC . Sit F , centrum grauitatis superficiei conicæ ABC . Ergo ex proposit. anteced. BF , erit dupla FD . Cum ergo D , sit centrum grauitatis circuli ADC , erit reciprocè FH , ad HD , vt circulus ADC , ad superficiem conicam ABC . Sed circulus ad superficiem conicam, est vt quadratum DC , ad rectangulum DCB ; nempe vt DC , ad CB . Ergo FH , ad HD , erit vt DC , ad CB . Et componendo, erit FD , ad DH , vt DC , cum CB , ad CB . Et antecedentium tripla; erit ergo BD , ad DH , vt tripla DC , cum tripla CB , ad CB . Et diuidendo, erit BH , ad HD , vt tripla DC , cum dupla CB , ad CB . Quod &c.

PROPOSITIO VIII.

Si super qualibet figura circa diametrum concipiatur cylindricus rectus sectus diagonaliter plano transeunte, per lineam parallelam diametro ductam, vel per extremitatem basis, vel extra, & per punctum in latere. Centrum æquilibrij superficiei cylindricæ alterutrius trunci appensi secundum lineam per quam planum transit, ita ipsam diuidit, vt diuiditur diameter à centro æquilibrij totius superficiei cylindricæ appense secundum figuram.

Su-


planum secans transire per kL , & per E : hoc secabit etiam latus erectum à puncto C . Quod si per punctum talis sectionis intelligamus duci planum parallelum ABC ; truncus sinister prioris cylindrici diuidetur in cylindricum cuius oppositæ bases, ABC , & ducta per punctum sectionis lateris erecti à puncto C , & in truncum sinistram cylindrici secati per tale punctum, & per E . Cum verò partium superficiæ curvæ totius trunci sinistri appensæ secundum ABC , sint centra æquilibrij in IP ; quia cylindrici in N , & trunci sinistri partis prioris trunci sinistri in IN . Erit superficiæ curvæ totius in IN . Res est manifestissima geometrizzanti. Quare propositum quo ad omnia liquet.

PROPOSITIO IX.

Cuiuscunque superficiæ cylindricæ, exceptis basibus appensæ secundum basim, idem est centrum æquilibrij cum centro grauitatis perimetri basim.

Esto quilibet cylindricus $ABCGEF$, existens super basi ABC . Dico centrum æquilibrij totius superficiæ ipsius, exceptis basibus ABC , FEG , appensæ secundum ABC , esse idem cum centro grauitatis perimetri ABC . Traiciatur enim vbilibet planum OkL , oppositis basibus parallelum. Perimeter OkL , est æqualis, similis, & similiter posita perimetro ABC . Ergo etiam harum centra gra-

grauitatis erunt similiter posita in figuris ABC , LKO . Ergo si ambæ perimetri ABC , LKO , intelligantur appensæ secundum figuram ABC , eorum centrum æquilibrij idem erit cum centro grauitatis perimetri ABC . Idem probabitur de quacumque alia perimetro. Ergo idem punctum in ABC , erit centrum æquilibrij perimetrorum omnium parallelarum perimetro ABC . Et consequenter superficiæ cylindricæ.



SCHOLIUM.


Licet autem ostensum sit de tota superficie cylindrica, tamen hoc in sequentibus non indigebimus, sed tantum de illa superficie cylindrica, de qua supra locuti sumus, nempe de ipsa excepto plano $AFGC$. Eodem enim modo probabimus, centrum æquilibrij ipsius appensæ secundum ABC , idem esse cum centro grauitatis perimetri ABC , excepta basi AC .

PROPOSITIO X.

Si quodlibet triangulum æquicruræ voluatur circa parallelam diametro ductam vel per extremitatem basis, vel extra. Centrum grauitatis superficiei annuli geniti, basi excepta, tam secundum totum, quam secundum partes diuidet axim annuli, vel partes axis correspondentes, bifariam.

Supponamus in sequentibus schematibus, ABC esse triangulum æquicruræ, & intelligamus ipsum rotari circa FC , in prima figura, vel circa TS , in secun. Dico FC , TS , secari bifariam à centrâ grauitatis superficierum annulorum $ABCHG$, $ABCZHG$, basibus exceptis. Quod si traiciantur plana LQ , basibus parallela, etiam FN , NC , TV , VS , pariter dicimus secari bifariam à centrâ grauitatis superficierum, quarum illæ sunt axes.

Probabitur prius in prim. fig. Super ABC , ergo triangulo intelligatur cylindricus rectus sectus diagonaliter plano transeunte per FC , & per punctum in latere erecto à puncto A . Ergo ex proposit. 8. si superficies cylindrica trunci sinistri huius cylindrici intelligatur appensa secundum FC , v. g. in puncto N , ita erit FN , ad NC , vt est BI , ad ID (supponendo I , esse centrum æquilibrij superficiei cylindricæ existentis super lineis AB , BC .) Sed ex pro-



proposit. anteced. centrum æquilibrij superficiei cylindricæ existentis super AB , BC , est idem cum centro grauitatis linearum rectarum AB , BC , simul coniunctarum, quod vtique secat BD , bifariam, vt fusè videri potest ex ijs, quæ docuit Guldinus in lib. prim. centrôba. cap. 3. proposit. 3. & vt naturaliter patet. Ergo etiam centrum æquilibrij illius trunci sinistri appensi secundum FC , secabit FC , bifariam. Sed ex dictis in proposit. pri. ita secatur FC , à

centro æquilibrij superficiei cylindricæ trunci sinistri, sicuti secatur à centro grauitatis superficiei annuli $ABCHG$, basi ACG , excepta. Quare patet propositum.

In altero schemate probabitur ex iisdem propositionibus; sed planum secans cylindricum existentem super ABC , debet transire per TS , & per punctum in latere erecto à puncto A . Discurretur enim eodem modo, nempe sic secari TS , à centro æquilibrij superficiei trunci sinistri, sicuti secatur BD , à centro æquilibrij superficiei cylindricæ totius cylindrici. Etc.

De partibus etiam proportionalibus, patebit eodem modo. Nam, vt licuit intueri, tota res dependet ex centro grauitatis rectorum AB , BC , simul coniunctorum. Sicuti autem centrum grauitatis ipsarum secat BD , bifariam, sic etiam centrum grauitatis rectorum LB , BM , secabit BI , bifariam; & centrum grauitatis rectorum AL , MC , secabit ID , bifariam, & sic de omnibus alijs. Quare patet propositum.

SCHOLIUM.

Immo facile deducetur, quod utique non videtur spernendum, & est, quod semper dictæ superficies secantur in proportione axium. V. g. ita erit superficies segmenti $ALMCOQG$, in prima figura, ad superficiem $LBMOHQ$, sicuti est CN , ad NF ,
& hoc

& hoc semper. Idem intelligatur in secunda figura. Hoc autem est nimis clarum, cum dependeat ex hoc, quod centrum grauitatis totius, & partium, sit semper in medio axis correspondentis.

Demonstrauimus superiorem propositionem ex omnibus suis principijs, vt ostenderemus totam seriem discursus; facilius, & breuius potuisset probari, iam ostensa sequenti propositione vniuersali.

PROPOSITIO XI.

Si qualibet figura circa axim voluatur, vt dictum est in antecedenti propositione. Centrum grauitatis superficiei genitæ excepta basi ita secabit axim ipsius, vt secatur axis figura genitricis à centro grauitatis ambitus ipsius, basi excepta, si basim habeat.

SIt ergo ABC , quælibet figura circa axim BG , siue hæc habeat basim AC , siue non habeat, (quod tunc contingeret quando figura ABC , esset duplicata ad partes AC in $BADC$.) Dico ita secari FC , vel Lk , à centro grauitatis superficierum annulorum genitorum, ex reuolutione ABC , circa FC , vel KL , basibus exceptis, sicuti secatur BG , à centro grauitatis ambitus ABC , excepta basi AC . Probabitur in primo annulo, & ex eius probatione patebit faciliter in secundo.

In primo ergo annulo patet faciliter. Nam super ABC , intellecto cylindrico recto secto diagona-

gonaliter plano transeunte per FC , & per punctum in latere E , vt sit $ABCE$, eius truncus sinister, ex proposit. 1. FT , secabitur in eodem puncto à centro grauitatis superficiei annuli, basi excepta, & à centro æquilibrij superficiei cylindricæ trunci appensæ secundum FC . Sed ex proposit. 8. ita secatur FC , à centro æquilibrij superficiei trunci, sicuti secatur BG , à centro æquilibrij superficiei cylindricæ cylindrici, nempe illius, quæ existit super lineis AIB , BPC : & ex proposit. 9. eodem modo secatur BG , à centro grauitatis linearum AIB , CPB , simul. Quare à primo ad vltimum patet propositum.


SCHOLIUM.

Patet ergo faciliter qualiter propositio 10. antecedens deducetur ex generali prop. 11. Immo ex hac prop. generali possumus rursus probare centrum grauitatis superficiei cylindricæ, basibus exceptis, secare eius axim bifariam; nam commune centrum grauitatis duorum oppositorum laterum parallelogrammi simul coniunctorum diuidit axim parallelogrammi bifariam.

PROPOSITIO XII.

Superficiei annuli sine stricti, siue lati, genita ex reuolutione cuius unque portionis circuli, modo supra explicato, centrum grauitatis in axe annuli inuenire.

Se-



Sequens propositio deducitur ex doctrina Guldi-
ni, quam habet in lib. pri. centroba. cap. 5. pro-
pos. 2. Supponamus in ant. schem. ABC , quamli-
bet portionem circuli, rotari, modo supra explicato.
Oportet superficiei genitæ, basi excepta, centrum gra-
uitatis inuenire. Fiat vt circumferentia CPB , ad CG ,
dimidiam chordæ AC , sic semidiameter circuli ad
aliam abscindendam à semidiametro incipiendo à
centro, v. g. in nostro schemate supponentes ABC ,
esse semicirculam (quod enim in ipso dicitur verifi-
cabitur etiam in alijs portionibus) fiat vt circumfe-
ren-

rentia CPB, ad CG, semichordam CA, sic BG, semidiameter ad GN, abscindendam semper à centro versus B. Dico quod si FC, vel alia circum quam fit reuolutio secetur in ratione BN, ad NG, punctum sectionis erit centrum grauitatis superficiei annuli. Patet, quia ex Guldino loc. cit. N, est centrum grauitatis peripheriæ ABC. Sed ex propos. anteced. ita secatur BG, à centro grauitatis peripheriæ sicuti secatur axis, circa quem fit rotatio à centro superficiei annuli, basi excepta. Ergo patet propositum.

SCHOLIUM.

Hæc sunt, quæ usque nunc nobis occurrerunt circa præsentem superficierum curuarum materiam. Sunt utique exiguissima pars illorum, quæ desunt; attamen nolimus illa prætermittere. Etenim maluimus aliqua conscribere, quam omnia sub silentio relinquere. Peritiores geometræ obstrusiora manifestabunt.

Finis Tertiæ Partis.

ME



MISCELLANEI GEOMETRICI,

PARS QUARTA.


IN QVA ASSIGNANTVR MAXIMA
inscriptibilia in infinitis trilineis, & in infinitis
conicis ex ipsis reuolutis tam circa axim,
quam circa basim.



NON aliter videtur terminandum Miscellaneum præsens, quam fuerit absolutum miscellaneum nostrum hyperbolicum, & parabolicum, quod paucis ab hinc mensibus euulgauimus. Imposuimus finem miscellaneo præfato maximis inscriptibilibus, minimisque circumscriptibilibus infinitis parabolis, conoidibus, ac semifusis parabolicis. Sed tunc temporis hæc doctrina de maximis, & minimis prout ad subiectum propositum attinebat, non fuit tradita omnibus numeris absoluta: non enim locuti sumus de maximis inscriptibilibus in infinitis trilineis parabolicis, ac in infinitis conicis, tam ortis ex reuolu-

II tione

tione infinitorum trilineorum circa diametros, quam circa basim. Hæc intelligimus assignare in præfenti. Sed sicuti argumentum illud in præfato miscellaneo à doctrina quadam feliciter explicata à peritissimo geometra Petro Paulo Carauaggio Mediolanensi exordium sumpsit, non secus procedendum est in præfenti; sed doctrina illa aurea, quam habet in sua geometria applicationum, denuò est nunc recapitulanda, ac explicanda quantum ad negotium nostrum facessit: remittentes eum, qui plura desiderat, ad ipsius Carauaggij fontem. Probat ergo Carauaggus in opere citato. Omnium potestatum ad eandem rectam lineam applicabilium, deficientiumque potestatibus homogeneis, maximum esse quod ad talem partem lineæ applicatur, quæ ad totam lineam sit ut vnitas ad exponentem potestatis. V.g. si sit applicandum parallelogrammum deficientis quadrato, hoc est si AB, sit sic secanda in C, ut rectangulum ACB, sit omnium maximum, illorum, quæ fiunt à partibus BC, debet ipsa secari in C, bifariam. Si sit applicandum parallelepipedum deficientis cubo, &c. hoc est si AB, sit sic secanda in C, ut factum sub



AC,

AC, & sub quadrato BC; sit omnium maximum debet AC, esse tertiam partem AB. Si vero applicandum sit planoplanum deficientis quadratoquadrato, nempe si sit sic AB, secanda in C, ut factum sub AC, in cubum CB, sit omnium maximum; AC, debet esse quarta pars AB. Hæc doctrina pariter fuit à nobis explicata loco citato vsque ad hunc terminum, quia pro ibidem dicendis, nobis sufficiebat.

Nunc verò ulterius procedendum est cum ipso Carauaggio in opere citato. Probat enim ibidem hoc sic accidere, ut explicatum est, quando applicatio lineæ est facienda. Subiungit postea in pagina tertia. Cum vero applicabitur gradui altiori, tunc maxima applicatio continget in tot partibus datæ magnitudinis, cui fit applicatio, quota ipsa est in ordine graduum, diuisa in tot partes, quota est applicanda magnitudo in ordine graduum; id est magnitudinis, cui fit applicatio partes denominabit numerus graduum magnitudinis applicandæ; numerabit vero numerus graduum magnitudinis, cui fit applicatio. Hanc doctrinam exemplis explicat in pag. 4. Inquit ergo.

Maximum plano planum, quod applicatur dato plano deficientis plano plano simili dato est id, quod applicatur dati plani duabus ex quatuor partibus, id est dimidio; Et plano planum simile dato deficientis adiacet reliquis duabus ex quatuor partibus, id est dimidio.

Maximum plano planum, quod applicatur dato solido deficientis planoplano simili dato est id, quod applicatur dati solidi tribus ex quatuor partibus, Et planoplanum simile dato deficientis adiacet reliquæ quarta parti. Et in primo exem-

plo posito in pag. 5. ait.

Maximum plano solidum, quod applicatur dato plano deficiens plano solido simili dato est id, quod applicatur dati plani duabus ex quinque partibus; & plano solidum simile dato deficiens adiacet reliquis tribus ex quinque partibus.

Maximum plano solidum, quod applicatur dato solido deficiens plano solido simili dato est id, quod applicatur dati solidi tribus ex quinque partibus, & plano solidum simile dato deficiens adiacet reliquis duabus ex quinque partibus.

Maximum plano solidum, quod applicatur dato plano plano deficiens plano solido simili dato est id, quod applicatur dati plano plani quatuor ex quinque partibus; & plano solidum simile dato deficiens adiacet reliqua quinta parti. Et sic procedendo.

Hæc omnia probat in progressu operis. Ex dicta ergo doctrina habemus, quod si quis iubeat sic secare AB, v.g. in partes AC, CB, vt factum sub quadratis AC, CB, sit omnium maximum, AB, debere bisecari; quia tam AC, quam CB, debent continere duas ex 4. partibus AB. Si vero imperatum fuerit AB, sic in C, diuidendam esse, vt factum sub quadrato AC, & sub cubo CB, sit omnium maximum, AB, debet diuidi in 5, partes æquales, quarum duas contineat AC, reliquas CB. Si vero sit sic secanda, vt factum sub quadrato AC, & sub quadrato quadrato CB, sit omnium maximum, AB, debet secari in 6, partes æquales, quarum duæ erit AC: & sic in infinitum.

Sed


Sed huic Carauaggij doctrinæ aliquid aliud est addendum, vt intentum nostrum obtineamus; & est, quod non modo lineæ prædictæ sunt secandæ in antedictis punctis, vt obtineamus illa maxima facta, sed etiam ipsas in iisdem punctis secandas esse quotiescunque iubeatur ipsas sic diuidere, vt maxima facta habeant ad prius facta imperatam rationem. Res clarius explicanda est. Diximus supra quod si AB, sit v.g. sic secanda in C, vt factum sub AC, & sub quadrato CB, sit omnium maximum, AC, debere esse tertiam partem CB: nunc dicimus, quod si AB, sit sic secanda in C, vt factum sub AC, v.g. & sub sesquialtero quadrati CB, sit omnium maximum, non secus, ac supra, AC, debere esse tertiam partem AB; & sic in alijs. Res est clara, quapropter ad propositiones accedamus. Sit ergo.

PROPOSITIO I.

Triangulum maximum inscriptibile in quodlibet infinitorum trilineorum duplicatorum circa diametrum, est illud, cuius altitudo se habeat ad diametrum trilinei, vt vnitas ad numerum trilinei vnitate auctum.

ABC, sit quodlibet ex infinitis trilineis duplicatis circa diametrum BD, DE, vero se habeat ad DB, vt vnitas ad numerum trilinei vnitate auctum, & per O, ducatur OEF, parallela AC, ac constituatur triangulum ODF. Affero, hoc esse
ma-

maximum inscriptibile in trilineo ABC. Ducatur
 recta AB, & fiat AD, ad DG, vt numerus trilinei
 unitate auctus ad binarium; & ducatur BG. Quo-
 niam vt AD, ad DG, sic triangulum ABD, ad
 triangulum GBD; ergo etiam triangulum ABD,
 erit ad triangulum GBD, vt numerus trilinei uni-
 tate auctus, ad binarium. Sed ex schol. pri. proposi-
 t. lib. 1. etiam ABD, triangulum, est ad trilineum
 ABD, vt numerus unitate auctus, ad binarium. Er-
 go trilineum ABD, & GBD, triangulum, erunt
 æqualia. Ergo hæc ad triangulum ODE, habebunt
 eandem rationem. Sed ratio trianguli GBD, ad
 triangulum ODE, componitur ex rationibus GD,
 ad OE, & BD, ad DE. Ergo etiam ratio trilinei
 ABD, ad triangulum ODE, componitur ex istis-
 dem rationibus. Sed vt GD, ad OE, sic AD, ad
 lineam, quæ ad OE, se habeat vt numerus unitate
 auctus, ad binarium; & quia ex generis infinitarum
 parabolarum in cit. 1. proposi. explicata, est vt AD,
 ad OE, sic potestas DB, eiusdem gradus cum trili-
 neo, ad similem potestatem OE; erit & vt AD, ad
 lineam, quæ ad OE, se habeat vt numerus unitate
 auctus, ad binarium, sic potestas DB, eiusdem gra-
 dus cum trilineo, ad homogeneam potestatem, quæ
 se habeat ad homogeneam potestatem BE, vt nu-
 merus unitate auctus ad binarium. Ergo ratio trili-
 nei ABD, ad triangulum ODE, & consequenter
 trilinei ABC, ad triangulum ODE, componitur
 ex ratione potestatis DB, ad dictam potestatem,
 quæ



quæ ad potestatem BE, se habeat in prædicta ratio-
 ne, & ex ratione DB, ad DE. Sed ex prædictis ra-
 tionibus componitur quoque ratio potestatis DB,
 vno gradu altioris potestate trilinei, ad factum sub
 DE, & sub potestate, eiusdem gradus cum trilineo,
 quæ ad potestatem homogeneam BE, se habeat vt
 numerus unitate auctus, ad binarium; & ex doctrinis
 supra explicatis, præcipuè in fine, maximum tale fa-
 ctum ex præfatis partibus DB, est illud, quando
 DE, se habet ad EB, vt vnitas ad numerum; & con-
 sequen-

sequenter ad totam DB , vt vnitas, ad numerum vnitate auctum. Quare patet etiam triangulum ODF , esse maximum inscriptum in trilineo ABC . Quod erat ostendendum.

SCHOLIUM.

Ex progressu autem demonstrationis patet, trilineum ad triangulum maximum sibi inscriptum, esse in primo trilineo, vt quadratum DB , ad rectangulum DEB . In secundo, vt cubus DB , ad factum sub DE , in sesquialterum quadrati EB . In tertio vt quadratoquadratum DB , ad factum sub DE , in duplum cubi EB . Et sic in infinitum, adeo vt partes potestatis EB , se habeant ad potestatem BE , vt numerus vnitate auctus, ad binarium. Quapropter patet in numeris posse exprimi rationem vniuscuiusque trilinei ad maximum triangulum sibi inscriptum. In primo enim, nempe in triangulo, erit vt 4. ad 1. In quadrato vero, quoniam qualium DB , est 3. DE , est 1. BE , 2. erit cubus DB , 27. Sed quoniam quadratum BE , est 4. eius sesquialterum erit 6. cum autem DE , sit 1. erit etiam factum sub DE , & sub sesquialtero quadrati BE , 6. Ergo trilineum ad triangulum erit vt 27. ad 6. nempe vt 9. ad 2. In tertio DB , est 4. BE , 3. DE , 1. quadratoquadratum DB , est 256. cubus BE , est 27. eius duplus, & consequenter factum sub DE , in eum, est 54. Ergo trilineum erit ad triangulum vt 256, ad 54. Seù vt


128. ad 27. Et sic in alijs fas erit exprimere numero dictas rationes.

Trilineum BAD , intelligatur duplicari in BAH , & ducatur OK , parallela BH , & intelligatur triangulum OkD . Patet hoc æquale esse triangulo ODF . Cum ergo etiam trilineum ABC , sit æquale trilineo BAH , patet OkD , esse maximum etiam triangulum inscriptum intra trilineum duplicatum circa basim AD .

PROPOSITIO II.


Conus maximus inscriptibilis in quolibet ex infinitis conicis circa diametrum, est ille cuius diameter se habeat ad diametrum totius conici, vt vnitas ad duplum numerum conici vnitate auctum.

Esto ABC , quilibet ex infinitis conicis ortus ex reuolutione trilinei ABD , circa diametrum BD , & in ipso sit inscriptus conus ODF , cuius basis OF , sit parallela AC , & cuius diameter seù axis DE , se habeat ad DB , vt vnitas, ad duplum numerum conici vnitate auctum. Dico hunc esse maximum &c. Intelligatur etiam conus ABC , & sit vt duplus numerus conici vnitate auctus ad ternarium, sic quadratum AD , ad quadratum DG ; & intelligatur conus GBL . Cylindrus triplus conici ABC , se habet ex schol. 3. propos. 14. lib. 2. ad conicum ABC , vt duplus numerus conici



vnitate auctus ad vnitatem; ergo conus ABC , se
 habebit ad conicum ABC , vt duplus numerus vnitate
 auctus ad ternarium. Cum autem factum sit in
 eadem ratione quadratum AD , ad quadratum
 DG , & in tali ratione sit etiam conus ABC , ad conum
 GBL , sequitur conicum ABC , & conum
 GBL , equales esse. Quare ad conum ODF , ha-
 bebunt eandem proportionem. Sed ratio conu GBL ,
 ad conum ODF , componitur ex rationibus qua-
 drati GD , ad OE , quadratum & lineæ DB , ad
 DE .

DE . Ergo etiam ratio conici ABC , ad conum
 ODF , componetur ex ijsdem rationibus. Sed vt
 quadratum GD , ad quadratum OE , sic quadra-
 tum AD , ad quadratum, quod ad quadratum OE ,
 fit vt duplus numerus conici vnitate auctus ad ternari-
 um. Ergo ratio conici ad conum componetur ex
 ijsdem rationibus. Sed quoniam ex natura trilineo-
 rum, est vt AD , ad OE , sic potestas DB , eiusdem
 gradus cum conico ad similem potestatem BE . Er-
 go vt quadratum AD , ad quadratum OE , sic po-
 testas DB , cuius numerus fit duplus numeri conici
 ad similem potestatem BE . Ergo & vt quadratum
 AD , ad quadratum, quod ad quadratum OE , se ha-
 beat vt duplus numerus vnitate auctus ad ternarium,
 sic potestas DB , cuius numerus fit duplus numeri
 conici, ad homogeneum, quod ad homogeneam po-
 testatem BE , se habeat vt duplus numerus vnitate
 auctus ad ternarium. Ergo ratio conici ad conum
 componetur ex ratione harum potestatum, & ex ra-
 tione DB , ad DE . Sed ex his rationibus compo-
 nitur quoque ratio potestatis DB , cuius numerus fit
 duplus vnitate auctus numeri conici, ad factam sub
 DE , & sub tali potestate cuius numerus fit duplus
 potestatis conici, qua se habeat ad similem potesta-
 tem BE , vt duplus numerus vnitate auctus ad ternari-
 um. Ergo conicus ad conum se habebit vt dicta
 potestas DB , ad factam sub partibus DB , predicto
 modo. Sed ex doctrina explicata superius habemus,
 maximum factum sub partibus BD , esse illud,



quando DE, se habet ad EB, vt vnitas ad duplum numerum, & ad totam DB, vt vnitas ad duplum numerum vnitate auctum. Quare patet propositum.

SCHOLIUM.

Etiam in præfenti ex progressu demonstrationis patet, conicum ad conum esse in primo conico, vt cubus DB, ad factum sub DE, & sub quadrato BE. In secundo vt quadrato cubus DB, ad factum sub DE,

DE, & sub tali quadratoquadrato, quod ad quadratoquadratum BE, sit, vt 5. ad 3. In tertio vt quadratoquadrato cubus DB, ad factum sub DE, & sub tali cubo cubo, qui ad cubo cubum BE, sit vt 7. ad 3. Et sic in infinitum. Quare patet etiam nunc in numeris posse exprimi has rationes. Primus enim conicus ABC, erit ad conum ODE, vt 27. ad 4; quia qualium DB, est 5. DE, est 1. BE, 2. cubus DB, est 27. & factum sub DE, in quadratum BE, est 4. In secundo qualium DB, est 5. DE, est 1. BE, 4. quadrato cubus DB, est 3125. quadratoquadratum BE, est 256. & quadratoquadratum se habens ad ipsum vt 5. ad 3. est 426. 3. Ergo conicus ad conum erit vt 3125. ad 426. 3. Et sic similiter discurrendo in alijs.

PROPOSITIO III.

Conus maximus inscriptibilis in quolibet conico circa basim, est ille, cuius radius basis se habet ad totam diametrum trilinei genitoris, vt binarium ad numerum conici binario auctum.

ESTO quodlibet trilineum ABD, cuius diameter AD, basis DB, & DP, sit ad DA, vt binarium ad numerum conici binario auctum, & per P, ducantur PO, parallela BD, OE, parallela AD, & OD, intelligamus trilineum ABD, cum triangulo ODE, rotari circa BD. Dico conum ODE, inscri-

scriptum in conico ABC , esse maximum omnium inscribibilium. Sit quadratum AD , ad quadratum DG , ut rectangulum contentum sub numero parabolæ aucto vnitæ, & sub numero parabolæ aucto binario ad senarium; nempe in pri. vt 6. ad 6. in sec. vt 12. ad 6; in ter. vt 20. ad 6. &c. & intelligantur conus ABC , GBL . Ergo conus ABC , erit ad conum GBL , in dicta ratione, quia sunt vt bases. Quoniam verò cylindrus triplus conus ABC , est conuertendo, ex sec. p. prop. 15. lib. 2. ad conicum ABC , vt prædictum rectangulum ad binarium, erit conus ABC , eius tertia pars, ad dictum conicum, vt dictum rectangulum ad senarium. Ergo conicus ABC , & conus GBL , erunt æquales. Ergo ad conum ODF , erunt in eadem ratione. Porro ratio conus GBL , ad conum ODF , componitur ex ratione quadrati GD , ad quadratum OE , & ex ratione BD , ad DE . Ergo etiam ratio conici ad conum ODF , componetur ex iisdem rationibus. Ast vt quadratum GD , ad quadratum OE , sic quadratum AD , ad quadratum, quod ad quadratum OE , seu PD , sit vt rectangulum contentum sub numero vnitæ aucto, & sub numero binario aucto, ad senarium. Ergo ratio conici ad conum componetur ex tali ratione, & ex ratione BD , ad DE . Sed ex natura infinitarum parabolæ, est BD , ad DE , vt potestas DA , eiusdem gradus cum conico, ad similem potestatem AP . Ergo ratio conici ad conum componetur ex ratione quadrati AD , ad quadratum, quod ad quadratum DP , sit vt ante-

dictum

dictum rectangulum ad senarium, & ex ratione potestatis AD , eiusdem gradus cum conico, ad similem potestatem AP ; nempe erit ad ipsum, vt potestas AD , duplici gradu altior potestate conici, ad factum sub potestate AP , eiusdem gradus cum conico, & sub quadrato, quod ad quadratum DP , sit in dicta ratione. Sed ex doctrina explicata initio huius partis, maximum factum sub partibus AD , est quando DP , est ad PA , vt binarium, ad numerum conici, & ad AD , vt binarium ad numerum binario auctum. Quare conus ODF , erit maximus &c. Quod &c.

SCHOLIUM.

Ex demonstratis patet, conicum ABC , esse ad conum ODF , in prim. con. vt cubus DA , ad factum sub AP , in quadratum DP . In sec. vt quadrato quadratum AD , ad factum sub quadrato AP , & sub duplo quadrati PD . In ter. vt quadrato cubus AD , ad factum sub cubo AP , & sub tali quadrato, quod ad quadratum PD , sit vt 20. ad 6. & sic in alijs.

In numeris ergo etiam in præsentis licebit exprimere rationem conici ad conum. In pri. enim, nempe in cono, iam scimus esse vt 27. ad 4. In sec. Quilium AD , est 4, talium vtraque DP , PA , sunt duo. Quadrato quadratum AD , est 256. quadratum AP , est 4. duplum quadrati PD , est 8. factum sub quadrato AP , in duplum quadrati PD , est 32. Ergo conicus erit ad conum vt 256, ad 32. nempe vt 8. ad

1. In

1. In tertio, quatum AD, est 5. talium DP, est 2. AP. 3. quadratocubus AD, est 3125. cubus AP, est 27. quadratum DP, est 4. quadratum, quod ad ipsum sit ut 20. ad 6. est 13. $\frac{1}{3}$. factum sub cubo AP, in ipsum, est 360. Ergo tertius conicus erit ad maximum conum sibi inscriptum, ut 3125. ad 360. nempe ut 625. ad 72.

Pro quarta vice sufficiat hæc tibi proposuisse legenda benigne lector. Alia expecta, quæ fortassis tibi communicabimus quamprimum. In nullo nostro opere antea elaborato conscripsimus tabellam corrorum, nec ergo in præsentis intelligimus à nostra discedere consuetudine, sed illos tuæ remittimus humanitati, & diligentia. Vale.

F I N I S.